

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



DOMINI de NUYSSEMENT  
TRACTATUS  
DE VERO  
PHILOSOPHORUM  
SALE SECRETO  
ET DE  
UNIVERSALI  
MUNDI SPIRITU,  
IN SUPPLEMENTUM DIU  
DESIDERATI  
COSMOPOLITÆ,  
SEU,  
UT VULGO CREDITUR,  
MICHAELIS SENDIVOGII,  
POLONI,  
PRINCIPII TERTII  
DE SALE PROMISSI,  
GALLICE PRIMUM SCRIPTUS,  
DEINDE  
LATIO RESTITUTUS,  
NUNC OB UTILITATEM SUAM  
ALTERA VICE EDITVS  
A QUODAM  
CURIOSO CHYMIÆ INDAGATORE.

---

FRANCOFURTI,  
ANNO M DCC XVI.



V I R O

*NOBILISSIMO. EXPERIENTISSIMO.  
ILLVSTRISSIMO.*

D O M I N O

IOANNI. DRECHSELIO,

MEDICINÆ. DOCTORI. ET.  
PRACTICO. LIPSIAE.

*LONGE. CELEBERRIMO.*

PATRONO. SUO.

PATRIS. INSTAR.

ETERNUM. DEVENERANDO.

LIBELLUM. HUNCCE.

IN.

MONUMENTUM PIETATIS.

AC.

OBSERVANTIÆ. SUÆ.


EA. QUA. PAR. EST.

SUBMISSIONE.

D. D. D.

EDITOR.





*LECTORI BENEVOLO  
CHYMIOPHILO.*

S. P.



I quidam mortalium transmutationis Metallorum veritatem & possibilitatem æque ac summam Chymix in medicina utilitatem in dubium vocarent, aut plane negarent, criminis læsæ Majestatis Creatoris divini veritate accusari possent. Examinentur modo tam multa Scripturæ sacræ documenta, & confrontentur cum testimoniis virorum, qui unquam vitam egerunt aut adhuc agunt, celeberrimorum, malitiositas eorundem

## PRÆFATIO.

nundem quam pertinacissima sole  
clariore luceſcet.

Aquam perderem, ſi poſitionem hancce meam exemplis, quæ varia multaque videntur, illuſtrarem, ſufficiet modo recommendatio ſola libri illius egregie ac maxime æſtimandi ab illuſtriſſimo *Ehrdio de Naxagoras, Equite Johann.* germanice ſub titulo: *Sancta Hermetica veritas, ſeu Concordantia Philoſophorum, conſiſtens in Sale & Sole, Mercurio & Sulphure, ſ. Sonnen-flare Wahrheit der Philoſophen Schriſſten / in 8vo Vratiſlavea 1712.* editi.

Iſte divinæ & Hermeticæ artis adeptus in illo comparisonem harmonicam inter ſcriptores Chymicæ nov- antiquos inſtituit, inſimul ſignificat, ex quibus ſapientiam

## PRÆFATIO.

am suam perceperit, nullum in  
 alium finem, quam ut unani-  
 mem consensum veritatis hujus-  
 ce, & uniformitatem variorum  
 procedendi modorum demon-  
 stret; tametsi labor suus ad prio-  
 rem magis quam posteriorem ar-  
 ticulum respiciat, siquidem ad  
 istum in alio tractatu *Alchymia de-  
 nudata*, seu, dem nie geglaubten an-  
 ieho beglaubten Wunder der Na-  
 tur &c. in 8<sup>vo</sup> iterum *Vratisla-  
 via 1708.* impressi, aliisque scri-  
 ptis sufficientem & cordatam dat  
 manuductionem.

Quotidie etiam plura aperta de  
 eo expectamus in hac materia scri-  
 pta, nam Artis Filii de sinceritate sua  
 satis sunt persuasi, vereor saltem,  
 ne Illum invidia & persecutio in-  
 defessa frivolorum quorundam  
 hominum clandestina & publica,

cujus

## PRÆFATIO.

cujus varia brevi tempore publicata sunt monumenta, eo perstringant, ut nihil amplius temporis successu in lucem proferat.

In aprico est, quod multi de scientia artis perfectissima gloriantur, tametsi nondum primorum plane capaces sint principiorum; multa allegare possem exempla, si personalia tractare, aut tempore abuti liceret. Veritatem premunt, sed, quod solatio est, suppressere non possunt. Toto die, omnibusque in rebus aberrant, aberrant etiam, optandum modo esset, ut errores suos pro veritatibus aliis obtrudere desinant.

Ne igitur Filii artis adhuc incipientes a falsis illis impostoribus decipiantur, aut a semita abducantur, sed ut e contrario de veris Chymicæ principiis informationem habeant,

## PRÆFATIO.

beant, non inutile judicavi, si opusculum hocce summa laudatione dignum & adhuc perrarum oblivioni eriperem, & a multis, quæ priori irreperunt editioni, mentis purgatum de novo illis communicem.

Paterfamilias, domum sibi ædificari curans, operam maximam impendit, ut ista non solum juxta regulas architecturæ erigatur, sed etiam, quod maxime necessaria res, fundamentum solidum illi substruatur, nam illo carente, non durabilis ista esse potest: Ita etiam indagatores Chymix incipientes oportet, ut, priusquam progrediantur, *Demogorgonis*, seu *Spiritus mundi* & *Salis Philosophorum* originis ac transmutationis cognitionem summam accipiant, alias profectus altiores facere

re

## PRÆFATIO.

re plane incapaces erunt. Hac de re libellus hicce solide informat.

Autor ejus est Dominus *de Nuyfement*, natione Gallus, & dum viveret, officio Quæstoris generalis Comitatus Ligniæ in Ducatu Barrensi functus, vir in tractandis naturæ principiis apertissimus æque ac doctissimus.

Versionem Originalis gallici Parisiis 1648. impressi latinam debemus Domino Ludovico Combachio, Medicinæ Doctore, Practico Cassellano & illustrissimorum Hassiæ Principum Archiatro, viro in edendis variis veram Philosophiam tractantibus scriptis superiore seculo clarissimo.

Utpote intra aliquorum annorum intervallum, cum vitam ageret, varios autores typis summa cum diligentia excudi curavit.

## PRÆFATIO.

Præter alios sunt: *Autoris incerti liber de principiis naturæ & artis chemica; Joannis Belye, & Bernardi Comitæ Trevirensis libelli chymici; Fratris Ferrarii tractatus de lapide Philosophorum; Joannis Daustenii rosarium theoretico-practicum; Georgii Riplai opera omnia; & Christophori Parisiensis, scriptoris antiqui, Elucidarium, quem germanico idiomate communicavit.*

Soliditati, deinde itaque utilitati libellus ipse plurimum respondet, ideoque innecessarium existimo, laudibus illum amplius extollere; proverbium alias usitatissimum:

*Vino vendibili*

*Non opus est suspensa hederæ;*  
juste huc applicari potest.

Lege solummodo illum, Lector Chymiophile, & iterum perlege,  
fructus

## PRÆFATIO.

fructus successu temporis inde venientes largissimos colliges.

Videbis, quantum Tibi propugnaculum adversus omnes seductores erit, & quam brevem viam ad veram Philosophiam TIBI strabit.

Deus T. O. M. autem clementia sua Te beet, Tibi auxilio sit, veramque det sapientiam, ut cognoscas, quod Tibi sit utile aut damnosum.

Fruere interea libro feliciter, & brevi temporis intervallo alios rariores artis Philosophicæ scriptores a me expectans vale faveque.

Gratia Domini nostri JESU Christi nobiscum sit, maneatque omnibus, Amen. Dabam Noribergæ Calend. Januarii  
MDCCXVI.

PRÆ-





## PRÆFATIO AUTORIS.

**N**on dubito equidem fore, ut liber hic in lucem publicam emissus a plurimis rejiciatur, & a paucis grato animo suscipiatur. Humana enim ingenia, quia ignorantiae nebulis plerunque sunt obfuscata, & caecutientium multitudo viros oculos clareque videntes longe superat, profundiores etiam scientiae cognitione non admodum dignae visae sunt, sed pudenda saepe hominum negligentia, aut lucri quoque cupiditate, utile honesto semper praefereunte, contemptae potius jacuerunt; ut hac ratione stulti, ad possidendum sese magis natos esse credentes quam ad sciendum, totos lucelli alicujus capturae se dedant, & a brutis animalibus bestiisque, alimentationi suae tantum incumbentibus, parum admodum differant. Quod si tamen divino illo cognitionis & intellectus radio illuminati conditionem suam altius paulo ruminarent, observare procul dubio facile possent, alimentum ad

## PRÆFATIO AUTORIS.


ad vitæ sustentationem ipsis concessum  
esse, vitam autem ad veritatis investiga-  
tionem, cujus nempe solius respectu ra-  
tionali anima præditi sunt. Quod igitur  
verear eandem causam, quæ hujusce-  
modi homines a generoso & nativo or-  
tus sui scopo abstrahit, labori quoque  
meo contemptum allaturam, præsertim  
si vestigia quædam artis Chymicæ hic  
observabunt, (quam tamen hoc opusculo  
tractandam mihi non desumpsi,) & quia  
dilucidare ea ausus sum, quæ ter maxi-  
mus *Hermes* occulte adeo in sua tabula,  
smaragdina tradidit, ut multa excellen-  
tissima ingenia verum illius sensum eru-  
ere non potuerint, volui viros curiosos  
in hac præfatione admonere, ne vellus  
aureum aut Hesperidum poma in hoc li-  
bro quærant, sed genuinam tantum pri-  
morum naturæ principiorum descripti-  
onem expectent, in quorum tamen ditis-  
simo sinu omnes mundani thesauri ja-  
cent absconditi, thesauri profecto inæsti-  
mabiles, & longissime ea omnia superan-  
tes, quæ vulgus maxime admiratur & pe-  
ne adorat. Si tamen fortasse quidam a  
rebus Chemicis abhorrentes librum  
hunc rejicient, vel palato suo ineptum  
puta-

## PRÆFATIO AUTORIS.

putabunt, equidem nec ego, nec illi vituperium incurremus, cum appetitus diversus sit, & eorum palatum popularis erroris sæcibus imputum sit, quæ eos impediunt, ut exquisitissimis hisce epulis saturare sese nequeant; cum vice versa, amœnioris ingenii hominibus delitiæ hæ sint suavissimæ, qui libenter confitebuntur, neminem docti & Sapientis viri nomen aut titulum obtinere posse, nisi sit Chemista, quia nec principia naturalia, nec vera universalis materia, cuiusquam unquam innotescunt, nisi per artis Chemicæ experientiam. Quod equidem Philosophorum ille pater *Hermes* clare declaravit. Nam præterquam quod monstret, per quid, quomodo, & a quo primum rerum subjectum, h. e. Spiritus generalis mundi, productum sit, quo medio corporeum fiat, & in diversas formas & genera specificetur, & quomodo ex illo tam superiora quam inferiora producantur, perficiantur, sustententur & augmententur, aperit etiam sapientibus viam, ut per considerationem profundam effectuum secretorum naturæ ad investigationem & inventionem mediorum, quibus, ignis adjutorio, ad perfectam hujus

## PRÆFATIO AUTORIS.

ius Spiritus, omnibus corporibus infusi, mundificationem, seu potius extractionem essentiae purissimæ, ad productionem incredibilium effectuum aptissimæ, & proinde in effectum æque atque in numero infinitæ pervenire possint. Quod quidem hic eum in finem non profero, ut studiosos ad approbationem meæ opinionis allicere aut cogere velim, licet nec ea temere rejicienda videatur, sed ut observent, an cum ratione probabili, antiquorum auctoritate suffulta, loquar. Veruntamen hæc eos tantum concernunt, qui a vulgo separati veræ Philosophiæ gustum, quempiam adepti sunt, quibus etiam horum laborum judicium committo, & fructus, inde provenientes, copiosos, largissimos & felicissimos illis esse jubeo.



## INDEX

● (o) ●

# INDEX TITULORUM CAPITUM LIBRI PRIMI.

- C**AP. I. Quod mundus vivat & vita plenus sit. pag. 1.  
 II. Quod mundus, quia vivit, habeat animam, spiritum & corpus. p. 12.  
 III. Quod omnia essentiam & vitam habentia facta sint per spiritum mundi; & de prima materia. p. 14.  
 IV. Quomodo Sol per Hermetem dictus sit pater spiritus mundi & materiae universalis. p. 17.  
 V. Quomodo Luna sit mater Spiritus mundi & materiae universalis. p. 24.  
 VI. Quod radix Spiritus mundi in aëre quaerenda sit. p. 27.  
 VII. Quomodo Spiritum universalem terra nutriet. p. 30.  
 VIII. Quod Spiritus mundi sit causa perfectionis in omnibus. p. 32.  
 IX. De specificatione Spiritus universalis ad corpora. p. 34.


## LIBRI SECUNDI.

- C**AP. I. Quod Spiritus mundi corpus assumat, & quomodo incorporetur. p. 39.  
 II. De conversione hujus Spiritus in terram & quomodo in hac terra vis ejus integra maneat. p. 48.  
 III. De separatione ignis a terra, subtilis a spisso, & qua industria fieri debeat. p. 77.  
 IV. De Spiritus ascensu ad coelum & descensu in terram. p. 114

## LIBRI TERTII.

- Q**ui ex uno saltem constat capite, & veritatem aequae ac utilitatem Chymiae variis argumentis luculenter demonstrat. p. 163.





TRACTATUS  
DE  
VERO PHILOSOPHORVM  
SALE SECRETO  
ET  
DE MVNDI SPIRITU UNIVERSALI  
LIBER PRIMVS.

CAPUT I.

*Quod mundus vivat, & vita  
plenus sit.*



Um mihi proposuerim de  
Spiritu mundi aliquid com-  
mentari, opus est, ut prius de-  
monstrem, Mundum hunc vi-  
ta & anima plenum esse. Præ-  
terquam enim quod natura  
nihil spirituosum reddat, quod simul non vi-  
vificet, mundus quoque in continuis & non  
quiescentibus formarum alterationibus con-  
sistat, quæ sine motu vitali fieri non possunt,  
videmus tamen, hanc eandem naturam, instar  
fecundæ & sollicitæ matris, etiam hunc mun-  
dum complecti & nutrire, distribuendo uni-  
cuique membro sufficientem vitæ portionem,

ita ut in Universo hoc nihil occurrat, quod anima sua informare illa non quærat, cum otiosa nunquam sit, sed semper actioni suæ intenta maneat, quæ vivificatio est. Vastum igitur hoc corpus motu præditum est, eoque perpetuo agitur, qui motus sine spiritu vitali plane fieri non potest. Quicquid enim vita caret, immobile est necessario; non loquor de motu violento, qui de loco ad locum fit, sed de eo, qui se habet instar privationis ad formam, aut, ut, clarius dicam, instar imperfectionis ad perfectionem. Plantarum vegetatio & lapidum concretio promoventur motu, qui fit per infusionem hujus animæ agitantis magnam hanc molem aut massam, mediante spiritu quodam radicali & nutriente, cujus origo & minera, tanquam causa quædam prima procreatrix & avia omnium rerum, in centro terræ residet, ut inde velut ex corde omnes functiones vitales prodeant, & per totum corpus sese extendant. Hæc autem radix antiqui *Demogorgonis*, progenitoris universalis, sinu includitur, quem priusci Poëtæ, diligentissimi secretorum naturalium inquisitores, viridi chlamyde, ferruginosa rubigine obducta, & tenebris obscuris tecta, indutum, omniaque animalium genera nutrentem, ingeniose depictum exhibuerunt, in cujus ventrem cœlestium globorum virtutes continue descendunt, terræ illa penetrantes & eam omniformi specierum sorte imprægnantes; ubi pariter qualitates & fortitudines elemen-

elementares antiquo huic Patri servitia offerunt, tanquam productori & specificatori omnium rerum, continue dispensatione formarum specificarum mediante *Iliasto*, (a) & in excitatione vitalis caloris per suum *Archeum*, occupato. Qui quidem *Iliastus* & *Archeus* formationis, conservationis & augmentationis omnium rerum duo quasi instrumenta sunt.

Hic igitur *Demogorgon* ille est, per quem quasi per suum instrumentum Deus omnia produxit, quæ sunt in & sub cælis, ita ut mirabili quadam adaptatione, vulgaribus Philosophis incognita & ab iis occultis causis attributa, ille *Demogorgon*, *Iliastum* & *Archeum* suum in se continens, omnia formet & generet, postea etiam nutriat, atque generata conservet, & eatenus officio boni æconomi aut dispensatoris fungatur, promum condum aliquem in imis terræ visceribus constituendo, unde postea ad superficiem depromere, & productis vitam vigoremque communicare possit. Terra igitur, tanquam receptaculum influentiarum & virtutum superiorum, in sese fontem hujus vitalis animæ continet, ex cujus rivulis beneficium vitæ in animalia, mineralia & vegetabilia

A 2

deri-

(a) Notatur, per *Iliastum* intelligi provisorum generalem, qui materiam ad generationem suppetit. *Archeus* autem est ignis sive calor naturalis, qui digerit materiam & in illam agit.



derivat, qui illis etiam sensum, essentiam & vegetationem communicat, prout materiam obedientem, & ad motum dispositam invenit. Hinc accidit, quod animalia, ex massa magis ductili & ad motum aptiore composita, sentiunt & vegetantur, eaque de causa simile sibi facile generant, quia nempe vita sensitiva & vegetativa prædita sunt. Plantæ autem & omnes res germinantes, quarum spiritus materia crassiuscula & duriuscula non cohibetur, crescunt & multiplicantur vita tantum vegetativa, & simile sibi per semen & plantationem ejus generant, non tamen more animalium. Mineralia nec sensitivam nec vegetativam facultatem obtinent, sed vita tantum essentiali vivunt, quia compositio eorum durior est, quam animalis & vegetativa, materia etiam illorum crassior & magis grossa, quæ vivificantem spiritum nimis constringit & captivum, detinet, ut simile sibi producere nequeat, nisi prius a grossa impuritate repurgetur, & in primæ materiæ subtilitatem reducatur. Videamus quid hac de re dicat *Aurelius Augurellus*, Latinus Poëta & Philosophus excellentissimus, lib. 1. *Chrysop.*

*Hæc inter variant, quæ nec primordia rerum  
Extant, quæque frui vitali sorte negantur,  
Vt media quacunque sedent tellure metalla,  
Quique latent miro grati fulgore lapilli.  
Nullo namque genus sobolemve augere putantur*

*Semine,*

*Semine, sed cunctos ex torpore per annos.  
Verum hac ipsa etiam secreto vivere, quivis  
Sentiat, & vita divino munere fungi:  
Hac & oriri eadem si contemplabitur, & si  
Augeri ex sese penitusque increfcere cernet,  
Vt mox ex variis patefactis nosse licebit.*

*Quod si non sobolem educunt non cetera vertunt  
In semet, causa est, quod multa spiritus illic  
Materie abstrusus, vitam qui porrigit omnem,  
Explicat egre ex se vires, ni vivida promat  
Has hominum virtus densa sub mole latentes.*

Tunc igitur, quia non amplius impura & grossa mineralia existunt, per formam specificam illis introductam generabunt non quidem sibi simile, sed in sibi similibus alterationem & perfectionem talem, qualis tantopere desiderato Elixiri philosophico tribuitur; cujus divinas virtutes adeo admirantur sapientes, stulti vero contemnunt, quia propter oculos fascinosos ad centrum hujus mirabilitatis penetrare nequeunt.

Si igitur animalia, mineralia & vegetabilia, majorem partem visibilis hujus mundi constituentia, plena sunt vita, quænam ratio credere nos cogat, ut statuamus, totum partibus suis magis esse mancum? Atque hoc in rebus sublunaribus vero similis apparebit: Si enim globi cœlestes vitam corporibus inferioribus suppeditant, necessarium certe erit, ut hanc prius ab anima ista universali receperint,

quia nemo dare potest, quod non habet; audiatur ea de re prænominatus *Augurellus* :

*Hoc etenim quicquid diffunditur undique cœli,  
 Aëraque & terras & lati marmoris aquor  
 Intus agi referunt anima, qua vivere mundi  
 Cuncta putant, ipsumque hac mundum ducere  
 vitam.*

Ast vero motus, (naturalem intelligo,) vitam semper habet comitem; quomodo igitur in alio vitam & motum producet, quod in se nec motum nec vitam habet? Motus nunquam, deferit illud, quod vitæ particeps est, atque illud, quod semper aut movet aut movetur, vita carere, non est æstimandum. Anima universi sponte seipsam movens est fons & origo omnis corporalis motus, cum ordinarie corpus comitetur, unde fit, ut subtilissima pars hujus animæ mundi, utpote summa petens & in summis habitans, rotatione continua cum globis cœlestibus vertatur, quas motu proprio & continuo orbiculariter circumducit: & ob hanc rationem omnes res superiores sunt magis vitales, perfectæ & immortalitatis participes quam aliæ inferiores: quia oportet ut id, quod vita præditum est indeficiente, necessario motu in seipsum redeunte sive circulari moveatur. Inde etiam sequitur, illud, quod sine fine movetur, vita perpetua & indeterminata dotatum esse; atque ita ex his rationibus apparet, mundum universalem vitam universam-

**versaliter plenum esse, ita etiam, ut singula-**  
**rum specierum individuarum vita aliud nihil**  
**sit, quam vita participans ex hac generali**  
**mundi vita, quæ sola vere dici potest animal,**  
**in cuius corporalibus elementis inclusa sunt**  
**semina occulta omnium rerum visibilium &**  
**corporalium. Videmus enim plurima corpo-**  
**ra sine seminibus præcedentibus nasci, qualia**  
**sunt plantæ quædam, imo etiam sine conjun-**  
**ctione masculi & feminae, ut sunt quædam,**  
**animalia ex corruptione prognata. Planta-**  
**rum semina visibilia sunt in granis, & anima-**  
**lium in genitura. Metalla similiter suum ha-**  
**bent semen, sed hoc videri non potest nisi a**  
**veris Philosophis, qui illud ex subjecto suo**  
**proprio magna industria extrahere norunt;**  
**quanquam illud etiam facilius ratione concipi,**  
**quam corporeis oculis videri possit. Et nisi**  
**occulte elementis inesset virtus quædam se-**  
**creta procreatrix, in qua facultas generandi**  
**potentialiter lateret, multæ sane herbæ non**  
**germinarent ex terra, & multo minus ex mu-**  
**ris altioribus, quo nunquam semen aliquod**  
**avolare aut plantari potuit, cuius cognitio**  
**non præcesserit. Nec etiam tanta animalium**  
**diversitas in terra generaretur, vel in aqua,**  
**sine præcedente sexuum copulatione, quæ ta-**  
**men crescunt, & postea per commixtionem,**  
**masculi & feminae simile sibi, etiam ad specie-**  
**rum perpetuationem, producant, quamvis ex**  
**simili parentum commixtione generatæ non**  
**sint.**

sint. Id ipsum satis probatur ex generatione anguillarum ex limo prodeuntium, & muscarum aliarumque bestiolarum ex animalium excrementis prognatarum. Qua etiam vita dicentur ostreae vivere, & spongiae marinae, & multae res aquaticae, quae plantarum animalium nomen magis merentur, quam piscium; verum haec corpora non tam vivunt vita sibi proprie particulari, quam universali illa, quae generalis & omnibus communis est: qualis etiam inter terrenas res magis vigorosa apparet in corporibus subtilioribus, ut quae sint mundi animae universali proximiora, quam in grossioribus, & ab illa magis remotis,

Mundus igitur, per illum, qui ipsa bonitas est, totus bonus creatus, non solum corporalis est, sed etiam de intelligentia participat, (plenis enim est ideis omniformibus,) & ut antea dixi, nec membra nec partes habet, quae non sint vitales. Et hanc ob causam Sapientes illum dixerunt animal esse per omnia masculinum & foemininum, eumque mutuo amore cum suis partibus sese conjungere, ut monstrent, quantopere matrimonium & alligamentum cum suis partibus desideret. Hinc etiam per translationem quandam diversitas sexus in plantis & animalibus provenit, quae ad imitationem mundi congregiuntur, & simile sibi generant, non aliter ac mundus ipse, qui de se aliorum parvorum mundorum infinitatem producit. Quod enim in mundo corpora

ora generantur, tot etiam sunt microcosmi,  
quia nempe nullum est corpus, in quo partes,  
virtutes & qualitates parvi alicujus mundi  
non sint distincte notabiles, ita ut simile sem-  
per inclinetur ad producendum suum simile  
per adaptationem actionis & passionis, quod  
non fieri non posset, si omnia vita non es-  
set plena. Quæ enim generatio procedere  
posset a subjecto mortuo? cum probabile non  
sit possibile etiam, ut id, quod vita caret,  
vitam possit communicare. Videmus qui-  
dam interdum sine congressu maris & foemi-  
næ, imo sine uno, & altero, plures res generari,  
quibus per naturalem fomentationem ex vita  
universali vita infusa est, quemadmodum  
multi artificio quodam ova & pullos absque  
gallinæ incubatione excludunt. Alii autem  
certas materias quasdam præparant, easque  
putrefaciunt, unde mirabilia nascuntur ani-  
malia, sicut Basiliscus ex ovo galli, aut ex fo-  
eminæ rubicundæ menstruis, Scorpiones ex  
oculo herba, apes ex visceribus bovis, anatis  
certa species ex foliis arboris cujusdam in ma-  
re decidentibus, (a) & hujusmodi aliæ res no-  
bis & mundo nostro incognitæ, quæ magis ad-  
mirationem quam fidem fere merentur, quod  
præter consuetum naturæ cursum fiant, attra-  
hendo certis quibusdam materiis vitam ex vi-  
ta universali, in certis temporibus & locis. Us-  
que adeo mundus prægnante vivacitate sca-  
tet, & semper circa vitales actiones occupa-  
tur,

tur, adeo etiam, ut nihil in illo moriatur aut intereat, sed potius & prius quam sine actione & consequenter sine vita sit, indefinenter ex una re aliam reficiat, atque hac ratione nullum detur corpus, quod totaliter annihiletur & pereat. Si enim ita res sese haberet, omnes mundi partes una post aliam & sensim evanescerent coram oculis nostris, maxime post tot secula & mutationes, ut mirum videri posset, in natura aliquas adhuc rerum reliquias superesse. Nec absudit quispiam poeta Gallus in hac secreta Philosophia egregie versatus, amicam suam hisce verbis allocutus:

*Votre aspect inégal, qui ma fortune change,  
Est comme le Soleil, contraire en ses effets,  
Qui amollit la cire, & endurecit la fange  
Et fait des corps nouveaux de ceux, qu'il défait.*

Qui rythmi Latine ita reddi possunt:

*Vester inæqualis vultus, mea tota resultat  
Vnde salus, cunctas aut fors mutatur in horas,  
Solis habet genium, puncto qui temporis uno,  
Diversos parit effectus, virtute caloris  
Cum fundit ceras, & eodem luminis actu  
Molle lutum in duras cogit concrescere glebas,  
Cumque ex corruptis iterum nova corpora gignit.*

(a) Videtur autor noster vulgarem opinionem fovere de generatione anatum borealium, quas Scoti Clakis, Claiks sive Claikgees, Anglo-Britanni autem Bernacles vocant, & ex arboris cujusdam maritima nucamentis in mare decidentibus, aut ex conchis, putridis

*ipidis navium asseribus connatis, generari, multi auctores asserunt. Cujus rei doctissimus quoque Lobelius meminit in advers. stirpium p. 456. ubi primo assentiens postea dubitare videtur, ultimo autem hanc vulgi sententiam merito clarissimum Fabium Columnam refuasse scribit. Figuram hujus anatis aut anseris, ut arboris & concharum expressit Compiler Iconum stirpium Lobelii parte secunda p. 259. Pauca etiam verba de hoc anatum genere facit Olaus Magnus l. 19. historia Septentr. c. 9. Vera tamen harum avium generatio nunc patere creditur ex Caroli Clusii auctario exoticorum p. 368. qui nautas Batavos Novam Zemblam petentes ad fretum Waygatz hujusmodi anates ovis suis incubantes observasse dicit, quae verba ex eodem Clusio Fabius Columna repetit l. 2. stirpium minus cognit. p. 92. Vlysses Aldrovandus l. 19. Ornitholog. c. 23. sub finem mediam sententiam amplectitur, ubi dicit, se cum pluribus errare, quam tot clarissimis scriptoribus, (generationem ex conchis asserentibus) oblatrare velle, & posse haec animalia ex putredine nasci, & postea per coitum & ovorum incubatum multiplicari, exemplo murium & aliarum bestiolarum. Nec inepte ad hunc locum referri posset generatio erucarum ex plantis, tam naturalis quam artificialis, quae non nisi ex herba, unde prognatae sunt, aut ex specie congenere vivunt, donec adolescant, ut Chrysalis & tandem Papilio inde prodeat, suam deinde speciem per coitum multiplicans. Cujus generis unum ipse Roma vidit apud Dn. Henricum Corvinum, Batavum, insignem Pharmacopaeum & Botanicum a praedicto Dno. Fabio Columna,*



lumna, uti relatum nobis fuit, ex cupressi foliis per putrefactionem productum, elegantem admodum, magnum, & alas minimi digiti longitudine, totasque quasi oculatas habentem. Præstat tamen eade re dicti nobilissimi Domini Fabii Columnæ observationem eruca rutacea, ejusque chrysalidis & papilionis, parte 2. stirpium minus cognitarum. p. 85. legere.

## CAPUT II.

*Quod mundus, quia vivit, habeat spiritum, animam & corpus.*

**C**ORPUS mundi optime sensibus dignoscitur, sed in illo latet spiritus occultus, & in hoc spiritu anima, quæ cum corpore, nisi mediante hoc spiritu, uniri non potest. Corpus enim crassum est, & anima subtilissima, à corporeis qualitatibus longissime distans. Ad hanc igitur unionem efficiendam tertio aliquo opus est, cum amborum naturis conveniente, quod sit quasi spiritus corporeus, quia extrema non possunt associari, nisi per ligamentum aliquod medium, affinitatem cum utroque habens, ut cum utriusque natura convenire possit. Cælum altissimum est, terra humillima; illud purum est, hæc corrupta: quomodo igitur exaltare hanc, & turpem istam corruptionem, cum agili illa puritate conjungere quispiam possit sine medio cum ambobus participante?

Deus

Deus summe & infinite purus & mundus est, homines extreme impuri & peccatis inquinati; horum unitio & reconciliatio cum DEO fieri nunquam poterat sine Jesu Christi, Domini nostri intermediatione, qui cum vere sit Deus & homo, verus extitit hic magnes ferrominator. Similiter in machina mundi universi spiritus ille corporeus, aut corpus spirituale sese instar agentis communis aut calcis alicujus habet in conjunctione animæ cum corpore. Quæ anima in spiritu & corpore mundi est quasi inescamentum aliquod aut ferrumen intelligentiæ divinæ. Hæc enim intelligentia divina per elevationes effectivas, renovationes, mutationes, variationes & multiplicationes formarum clarissime intelligitur, quæ aliunde proficisci non possunt, quam de intelligentia divina, & non de materia, quæ ex sese bruta est, & nullam naturam intelligentem ad rerum formationem & specificationem causare potest. Mundus igitur hoc spiritu nutritur, & per animam, ipsi eodem hoc spiritu mediante infusam, agitur; id quod *Virgilius*, secutus doctrinam *Platonis*, eleganter his suis versibus expressit. libro 6. *Æneid.*

*Principio cælum ac terras, camposque liquentes,  
Lucentemque globum Luna, Titaniaque astra  
Spiritus intus alit, totamque infusa per artus  
Mens agitat molem, & magno se corpore miscet.*

Ad

Ad cuius imitationem *Augurellus libro 1. ita canit :*

*Ast anima quoniam nil non est corporis expers,  
Mundus at & mundi partes quoque corpore constant,*

*Spiritus hac intermedius fit, quem neque corpus  
Aut animam dicas, sed eum, qui solus utroque  
Participans in idem simul hac extrema reducat.  
Hic igitur maria ac terras, atque aëra & ignem  
Vivereque, augeri que atque in se cuncta referre,  
Semper aves semper stirpes animantia semper  
Gignere, perpetuamq; sequi per secula prolem, &c.*

### CAPUT III.

*Quod omnia essentiam & vitam  
habentia facta sint per spiritum mundi;  
& de prima materia.*

**R**es omnes nutriuntur ex eo, unde prodierunt, & plane animadvertitur omne, quicquid est, respirare, vivere, crescere & nutriri per hunc spiritum mundo insitum, atque hoc deficiente resolvi & mori. Omne igitur, quicquid subsistit, ex eo factum esse sequitur. Atque hic nihil aliud est, quam simplex & subtilis essentia, quam Philosophi, quia a corpore, tanquam a materia crassa & grossa, sive a quatuor elementorum superfluitatibus separari potest, quintam

vitam essentiam appellant, & tunc operationes habet mirabiles. Ea vero per omnes mundi partes diffusa est, atque per illam animæ virtus dilatatur & vigoratur; quæ quidem virtus maxime communicata est corporibus, quæ de illo spiritu plus attraxerunt & participant, infusa nimirum & ex superioribus transmissa, nempe a Sole, qui veracissime materiam æqualitatem in essentia producit; ita ut spiritus ille, actione Solis calefactus, magnam materiam abundantiam acquirat, multiplicans & vivificans omnium rerum semina, quæ crescunt, & ad magnitudinem usque determinatam augmentantur, secundum speciem & formam uniuscujusque rei. Quam ob causam vere de iis *Virgilii* illud dici potest:

*Ignis est illis vigor & cælestis origo.*

Hic igitur spiritus, (a Philosophis Mercurius appellatus,) quia multiformis, imo omniformis est, produciens omnia corpora, uni rei vitam largitur mundiorē & magis incorruptibilem, alteri autem debiliorem & corruptioni interituique magis subiectam, secundum materiam prædispositionem. Quæ ratione vigor ille igneus, ex radiis solaribus proveniens, non æqualiter idem est in omnibus subiectis, sed diversificatur, secundum quod seminibus magis vel minus inest. Omnes igitur materiam purioris prædispositionis spiritum & vitam habent magis durabilem & incorruptibilem. Cum enim qualibet res libenter delectetur

delectetur suo simili, conveniens est, ut hic cœlestis calor, purissimus existens, intret & penetret in corpora eo profundius, quo puriora sunt, eaque durabiliora, magis vitalia & incorruptibilia reddat. In cujus rei fidem & comprobationem aurum desumi potest, quod cum purius & mundius sit omnibus aliis terrenis corporibus, plus etiam de hoc calore & igne cœlesti participat, qui, terram penerrans, in mineris invenit materiam auri prædispositam, (nempe ejus Mercurium & sulphur, quæ Esdras terram nominat,) juxta potentiam actionis & diligentiam Naturæ, per depurationem & separationem omnis inquinatio- nis & secum terrestrium adustibilium præparatam. Quæ quidem materia in principio est sperma quoddam, aut aqua cum pulvere illo, aut sulphure purissimo commixta, quæ pedetentim, adjuta virtute propria coagulativa, inspissatur, & longa actione continui caloris indurefcit, ita, ut tandem ad suam perfectionem perveniat, quæ in natura simplex est & colore igneo tincta; verissime enim calor tin- cturarum mater est. Si igitur, calorem illum a Sole provenire, certum est, ut profecto cer- tum & indubitatum esse debet, quis veritati & rationi ita contrarius sit, ut Solem omnis perfectionis autorem & parentem esse negare velit? Mentem igitur paulo altius erigamus, & qua ratione hoc fieri possit, curio- se inquiramus.

## CAPUT IV.

## CAPUT IV.

*Quomodo Sol per Hermetem dictus sit Pater spiritus mundi, & materie universalis.*

**V**erum, dicet aliquis, si omnes res ex una eademque materia proveniunt, quomodo Sol potest esse materię parens, cum ipse ex eadem sit creatus? Ut respondeam ad hanc quæstionem, intelligere oportet, quod si consideretur prima præjacens omnium rerum materia, invisibilis illa invenietur, & non nisi per vivam & profundissimam imaginationem comprehendipotit: ex cujus Sole & igne vitali naturaliter ei insito Sol cœlestis lumine & pari vigore igneo prodiit atque elevatus est, qui postea internum hunc & essentialem calorem, naturali calore comitatum, erogando quasi, ignis sui radios super totum orbem spargit, superius quidem astra illuminando, inferius autem omnes res vivificando. Quia vero terra instar communis matricis omnium rerum sese habet, in illam tanquam in receptaculum omnium influentiarum Sol principaliter agit, in cujus sinu cunctarum rerum semina abscondita sunt, quæ radiorum Solarium calore agitata & commota in lucem prodeunt. Qua de causa hyemis tempore, quando Sol longius a nobis abest, videmus, quod

terra radiorum perpendicularium privatione nimis refrigerata, & sufficiente calore destituta, sterilis jaceat, & nihil producat; verno autem tempore, cum Sol ordinario suo cursu ad nos & super clima nostrum revertitur, tunc illa vitam & vigorem tanquam a mortuis resuscitata recipit. Hujus mutationis unica causa est spiritus ille universalis, anima & vita plenus, in terra principaliter habitans, qui, antequam generare quidpiam possit, necessario in corpore aliquo habitare & commorari debet, nempe in terra, quæ est tanquam corpus corporum. Et quia omnes res ex eo, unde factæ sunt, nutriuntur & sustentantur, singularis inter spiritum hunc & Solem intercedit amicitia & harmonia; atque ea de causa antiqui Sapientes non absque ratione dixerunt, Solem verno tempore parentem suum senio aggravatum, & ex hyberno frigore admodum debilem & pene emortuum calefacere & vivificare. Quia igitur per Solem fortificatur & vivificatur, non sine ratione cum Hermete dicimus, quod pater ejus sit Sol, sine quo alioquin sterilis esset, & neque crescere, neque multiplicari posset; idque tanto magis, quia calor ab astris influens a Sole provenit, & terram imprægnat, quæ postquam concepit, generat, extendit & multiplicat hanc materiam spirituofam, perducens illam ab incorporalitate ad corporalitatem.

*Horsulannus Philosophus, qui in tabulam Hermetis*

metis commentaria scripsit, radicalia naturæ principia reliquit, & a particularibus principis Alchemiæ statim sermonem suum exorsus, per *Solem aurum Philosophicum* intelligit, quod *Lapis parentem*, & quidem vere nominat. In hac enim arte versati per experientiam sciunt, & ex omnibus bonis autoribus, (quorum numerus infinitus est,) didicerunt in vera materia & lapidis subjecto aurum & argentum esse in potentia, & argentum vivum in natura. Quod quidem aurum & argentum meliora sunt iis, quæ vulgo videntur, & manibus tanguntur, quia illa viva sunt, atque vegetari & crescere possunt, vulgaria autem mortua sunt. Atque hoc si ita sese non haberet, materia nunquam ad ultimam perfectionem pervenire posset, qualem ars illi largitur, quæ quidem tanta est, ut *imperfecta metalla*, ut *Hermes* dicit, *miraculose quasi perficiat*. Hoc tamen invisibile aurum vel argentum, quod per magisterium in tam sublimem gradum exaltatum est, absque ope & ministerio auri vel argenti vulgaris, imperfectis communicare non posset istam perfectionem, qua etiam de causa Artistæ unum vel alterum fermenti loco adjungunt, atque ita aurum semper Elixeris pater est. Oportet autem illos, qui ulterius hujus veritatis confirmationem desiderant, bonos autores sedulo evolvere, cum propositum mihi non sit hac de re plura dicere. Sufficit enim ut monstrem, mihi videri,



divinum *Hermetem* uno eodemque digito tam hanc quam alteram cordam tangere voluisse, five sub uno verborum cortice duplicem sensum occultasse, ut satis declarat, quando dicit, *se se Hermetem Trismegistum dictum esse, quod tres partes sapientiae totius mundi possidet*; innuens nimirum, quod, postquam hujus generalis spiritus Anatomiam instituerit, (qui omnium trium summorum generum, totum & universum hujus mundi complectentium, autor materialis & principium est,) scientiam & sapientiam universalem adeptus sit, ut amplius illum nihil latere possit; præcipue etiam, cum de principio dixerit, & quomodo omnes res ab uno mediatione unius prodierint, atque ita ab hac una re omnia per adaptionem, orta sint. Hoc igitur UNUM, unde omnes aliae res natae sunt, est spiritus ille generalis, de quo tractare constitui. Et hæc unica res, a qua dicit miracula debere perpetrari, est vera materia mineralis lapidis, de qua superius locutus sum, quæ ex prima materia generali sive spiritu universali in terra a natura producta est; qui spiritus, omnes cœlestes virtutes in potentia in se continens, huic materię minerali tantum communicavit, quantum ad subsistentiam perfectam obtinendam, ad quam erat destinata, opus habuit.

Sed ut ad priora redeam, relictis Chemicorum viis, quantum hoc subjectum patietur, dico,

66, hunc spiritum generalem esse lapidem & Elixir a natura compositum, qua mediante, omnia sua miracula perpetrat, atque multo magis admiratione dignum esse, quam Chemicorum lapidem, cui solummodo per hunc ipsum spiritum concessum est, ut in suum simile agat, ad introducendum id, quod illi deest. Quia enim vere metallicus, purificatus & per artem completus est, purificat etiam & perficit metalla impura, digestionis inopia in his impuritatibus relictæ. Hic autem lapis Physicus perpetuo restituit res, quæ ab illo principium sortitæ sunt, & singulis momentis novas parit, tam in genere animalium, quam vegetabilium & mineralium. Id quod sine corporum cælestium ope & influxu facere non posset, Solis præsertim, tanquam originis & principii omnium facultatum & generationum. Solem igitur habet parentem, & continet in se aurum & argentum spirituale, quia est prima materia primæ materiæ auri & argenti corporalis. Et quia aër medium est, per quod virtutes superiores recipit, *Hermes* dicit, quod ventus eum portaverit in ventre suo, quam etiam ob causam *Raymundus Lullius* Mercurium aëreum illum appellat. Terra vero, instar primi parentis, eum in sinu suo fœcundo nutrit, quod omnium rerum ex terra nascentium, productione probatur. Si enim spiritus hic eadem non esset inclusus, non haberet potentiam nec vires ad generationem & productionem,

onem, cum proprie non sit aliud, quam vas aut matrix tot generationum & diversarum productionem. Hæc materia generalis, quæ Mercurius vocatur, cum sit, prout Sapientes dicunt, invisibilis & fere incorporea, non potest corporea fieri & visui apparere, nisi per subtile artificium. Quæ quidem materia, si ex sinu nutricis suæ extrahatur, postea ab omnibus accidentalibus superfluitatibus repurgetur, & per artem præparetur, quid impediat eam, quin a corporibus, quibus applicatur, res corrumpentes & heterogeneas separet, homogeneas autem & sibi conformes conservet & multiplicet, maxime cum omnes vires cœlestes & virtutes mundanæ in illa concurrant?

Certum est autores male intellectos videri jubere aut potius consulere, ut ad metallorum productionem metalla usurpentur, cum dicunt, in auro esse semina auri. Sententia equidem instar arresti sine appellatione. Præterquam enim, quod antea locutus sum de differentia metallorum vulgarium & eorum, quæ Philosophi ad confectionem magisterii sui accipere jubent, non tamen timeo affirmare, quod sine hoc spiritu generali, qui vegetationis in omnibus rebus sola causa est, facultas aurificandi & argentificandi, corporibus metallicis tam vulgaribus quam secretis & occultis insita, ad vegetationem, & de potentia in effectum deduci non possit, quia natura  
seipsam

seipsam non producit, & in omni operatione opus est agente aliquo & materia ejus actioni subjacente. Et hic procul dubio ignis ille est, de quo *Pontanus* loquitur, *quem Sapientes omnes occultaverunt, tanquam solam clavem sui secreti, cujus defensus, (ut ipse fatetur,) ducentes in practica erravit, quamvis in vera materia laboraret.* Hic igitur Mercurius triplex, aut summum universale, primum omnium metallorum semen est, ut & reliquorum duorum generum, quod pedetentim coagulatur & continua caloris actione, in mineris latente, indurescit, ac quam primum ad perfectam puritatem pervenit, tincturam recipit. In diversas autem species abit, diversasque formas & colores acquirit, prout locus & materia adjacens variat, producens metalla, mineralia & lapides in ventre terræ, atque in superficie ejus arbores ac plantas omnis generis, prout radiis Solaribus animatur, sine quibus sterilis maneret. A principio enim Natura hanc legem stabilivit, ut Sol perpetuo calefaciat & nutriat materiam, ejusque vis triplex, animalis, vegetabilis & mineralis indefinenter ad effectum moveatur: & hæc quidem est causa, cur *Hermes* scripserit, quod *Sol ejus sit pater.*

*Quomodo Luna sit mater Spiritus mundi, & materia universalis.*

**N**E quis hoc loco decipiatur, considerandum est, quod sicut nos Corpus, Spiritum & animam habemus, eodem modo Magnum hoc universum eadem habeat. Et cum nulla res existat, quæ tribus hisce careat, necessario sequitur, quod semper cognationem aliquam invicem habeant, ita ut una sine altera nunquam inveniantur. Quamvis etiam videatur, duo interdum esse a subiecto separata, sunt tamen eadem in tertio restante occultata, prout subtilis & profundus aliquis artifista facile cognoscere, & in unoquoque corpore per ignis examen experiri potest. Quod igitur materia est, idem etiam spiritus est, & quod est spiritus, non impertinenter corpus appellari potest, considerando, quod invisibilia sint, & naturæ lege ita generata, ut una sola & eadem res sint. Qua ratione materia non tantum corpus est, anima ut spiritus, sed hæc tria simul refert, quia unum cum altero generatur & nutritur, ita ut in propagatione & actione unius semper duo reliqua inveniantur.

¶ Quando igitur dicimus, Lunam esse matrem spiritus & materiam universalis, non sine evidenti

evidenti ratione loquimur, & nihil hic absurdum est, verum penitus inspicere nos oportet, unde hæc maternitas proveniat. Calor & humiditas sunt duæ claves omnis generationis, & calor quidem masculi officio fungitur, humor autem fœminæ. Per actionem caloris super humiditatem oritur primo corruptio, quam sequitur generatio. Id quod in parvo corpore ovi manifesto apparet, in quo sperma putrescit per calorem fomentationis & incubatus, postea coagulatur & formatur pullus: idem accidit in hominis generatione, qui in corpus completum per unionem duorum spermatum, masculini nempe & fœminini, in matrice, ope caloris naturalis fœminæ, in omnibus suis partibus deducitur.

Corruptionem hic voco mutationem & transitum formæ in formam, quæ non nisi mediante putrefactione, (solo medio & via ad generationem,) fieri potest, & hæc beneficio Mercurii cujusdam, aut argenti vivi, specialis nempe conductoris & delatoris virtutis vegetativæ promovetur. Semina autem omnium corporum aquea sunt, & quasi plena humoris Mercurialis. Quod si igitur calor illorum innatus per externum Solis calorem de potentia in actum deducitur, tum per decoctionem generatio procuratur. Hinc antiqui Philosophi dixerunt, quod Sol & homo generent, Sol nempe cœlestis Solem terrestrem, qui aurum est, & homo hominem. Et manifestum

est, sine igne Solari ignem elementarem mortuum & sterilem esse, unde etiam Sol dominus vitæ & generationis vulgo appellatur. Calor igitur in omni rerum generatione a Sole provenit, humiditas autem radicalis per influentiam Lunarem fomentatur, qualem omnia sublunaria recipiunt & sentiunt, nempe quando alterantur aut mutantur per motum hujus astri in augmento aut decreſcentia ejusdem. En rationem, cur *Hermes Lunam materiam universalis matrem dixerit, & Solem ejus patrem*: Calor enim Solis & Lunæ humiditas cuncta generant, quia calor & humiditas, si ad temperamentum deducuntur, concipiunt, & ex hac conceptione omnia nascuntur & vitam accipiunt. Et quamvis ignis & aqua contrariantur, unum tamen sine altero prodesse non potest, sed per diversas eorum actiones omne concipitur & concipit.

*Ainsi dans l'univers discordante concorde.*

*Aux generations devient apte & s'accorde.*

Hoc est :

*Hocque modo, in mundo nova si generatio prodit,  
Quæ fuerat discors, modo fit concordia concors.*

Nolo tamen apud lectorem hujus capituli suspectum me reddere, ut nimis præcipiti iudicio credat, quod intentionem principalem, Hermetis a via regia & trita Chymica in semitam, cui ego infisto, abstrahere velim, utpote qui sciam, omnes bonos Philosophos juxta

ta ejus præceptum statuere, & velle, ut Sol illorum Lunæ jungatur, ad absolvendam, necessariam generationem per hanc conjunctionem. Ut enim *Arnoldus de Villa nova in Flore florum dicit, sperma Philosophorum non conjungitur corpori eorum nisi mediante Luna ipsorum, & hac Luna non est argentum vulgare, sed vera lapidis materia, qua in ventre suo congregat & inseparabiliter retinet corpus, quod est Sol, & sperma, quod est Mercurius. De hac etiam Luna loquitur in suo Novo lumine, cum dicit, excepto magistro suo, a quo hoc opus didicerit, neminem se vidisse unquam, qui in vera materia operatus sit, sed quod omnes extravagati fuerint, & in rerum electione erraverint, quasi ex cane hominem generare vellent.*

## CAPUT VI.

*Quod radix spiritus mundi in  
aëre querenda sit.*

**V**entus nihil aliud est, quam aër, commotus & agitato, ut per animalium respirationem cognosci potest, quæ ventum efflant, quando aëris beneficio respirant. Ventus igitur aër est, & aër totaliter vitalis est & vitæ spiraculum, quia sine aëre nihil vivere aut consistere potest, quicquid enim illo privatur, moritur & statim suffocatur; imo etiam ipsæ plantæ,



tz, libero aëre destitutz, debilitantur, & alia-  
 rum respectu languescunt. Non igitur frustra  
 aut sine ratione dicimus, quod aër sit spiritus  
 vitalis, omnia penetrans, vitam & consistenti-  
 am omnibus communicans, ligans, movens  
 & implens omnes res. Per hunc aërem ge-  
 neratur & sese manifestat spiritus universalis  
 inclusus & latens in cunctis rebus, utpote for-  
 matus & ingrossatus per aërem, qui eum ad  
 generandum potentiores reddit, ut hac de  
 causa *Calid* Philosophus non sine iusta ratione  
 dixerit, *mineras rerum radices suas in aëre habere,*  
*caput autem & verticem in term:* quasi diceret,  
 aërem esse causam, quod hic spiritus vegetet,  
 augmentet & multiplicet mineram suam in  
 terra. Quanquam etiam illi, qui in præpara-  
 tione lapidis Sapientum experientiam ali-  
 quam habent, dicere possent, *Calidis prædi-*  
*ctum locum aliter esse intelligendum.* Nam  
 secundum doctrinam eorum in opere philo-  
 sophico duæ sunt partes, una volatilis, quæ in  
 forma vaporis elevatur, condensatur, & in  
 aquam resolvitur, quam spiritum nominant;  
 altera autem fixior, in vasis fundo residens,  
 quam corpus appellant, accipiendo nempe  
 partem volatilem pro aëre, & fixam pro terra,  
 prout etiam sunt in sua natura. *Rosinus* ean-  
 dem sententiam per aliam ejusdem autoris  
 explicuit, quando dicit: *Accipite res animarum*  
*suarum, & exaltate eas ad altiora loca, & metite*  
*eas in cacumine montium suorum, & reducite eas ad*  
*radices*

*indices suas.* Ubi glossa dicit, hæc verba esse clara & vera, sine invidia aut ambiguitate, prolata, quanquam non nominaverit res, quas intellexit, aut de quibus loqui voluit. *Per montes autem,* (dicit Rosinus,) *Sapiens significare voluit cucurbitas, & per cacumina montium alembicos.* *Mesere autem secundum similitudinem est, recipere aquam rerum supra dictarum per alembicum in recipiente.* *Reducere vero super radices est, facere, ut dicta aqua reducatur in terram, unde surrexit.* Hoc itidem per Morienum confirmatur, cum dicit, totam operationem Sapientum nihil aliud esse, quam extractionem a terra, & reductionem aquæ super terram, donec terra putrescat. Hæc enim terra putrescit, cum aqua & mundificatur, quæ munda existente, auxiliante Deo, totum magisterium dirigetur & perficietur.

Quidam tamen aërem non posuerunt in ordine aliorum elementorum, sed eum instar glutinis aut calcis esse judicarunt, diversas eorum naturas conjungentis. Putarunt nempe, eum esse spiritum aut instrumentum mundi, quia est origo & delator nostri spiritus universalis. Concipit enim proxime influentias omnium corporum cœlestium, atque hæc, aliis elementis & corporibus mixtis communicando, nihilominus, sicut divinum quoddam speculum, species & formas omnium rerum naturalium recipit & retinet, quas secum deferens & per poros animalium iterum se infinuans easdem illis imprimit, sive vigilent seu

seu dormiant. Ab animalibus & vegetabilibus discimus, quod omnis spiritus; terræ propriæ inhaerens, vires & virtutem suam ab aëre accipit; videmus enim eas res crescere & alta petere, usque adeo spiritus ille, qui vitam ipsis largitur, aërem appetit, tanquam locum, a quo originem duxit. *Hermes* etiam ait, *quod ventus*, hoc est, *aër portavit in ventre suo*. Cui subscribit *Aristoteles*, dicens, *quod res humida ex aëre nascantur, & terrena ex humidis*: aër enim terræ corpori proximus existens humectat eam undique, & hic humor, per calorem nativum, condensatus, in naturam cujusdam terræ vertitur, quæ Mercurium & sulphur debite proportionata in se continet.

## CAPUT VII.

*Quomodo spiritum universalem  
terra nutriet.*

**Q**UAMVIS hic spiritus infusus sit, & in rebus tam inferioribus quam superioribus habitet, in corporibus tamen proximioribus evidentius & facilius videri & cognosci potest. Proximus autem & magis vegetum corpus terra est; in illa ergo generatur, & non sine magna ratione copiosius manifestatur. Terra enim instar scopi cujusdam est, in quem astra omnesque influxus superiores radios suos & virtutes

virtutes simul projiciunt. Est insuper eadem  
 fundamentum & basis reliquorum elemen-  
 torum, continens in se semina & virtutes se-  
 minales omnium rerum; qua de causa com-  
 munitatis mater animalium, vegetabilium & mi-  
 nerarum vocatur. A cœlo igitur & aliis ele-  
 mentis imprægnata ex sinu suo omnia produ-  
 cit. Et licet hic spiritus ab ea expellatur, lave-  
 tur etiam, aut ab ea, quicquid volueris, separa-  
 tur, si tamen hæc terra ita exinanita aliquan-  
 diu in aëre relinquatur, imprægnabitur ite-  
 rum, ut antea, a virtutibus & viribus cœlesti-  
 bus, ut lapillos quosdam crySTALLINOS & lucen-  
 tes scintillas iterum edat, atque hoc modo spi-  
 ritus ille, separatus omnino existimatus, sem-  
 per regerminabit. Imprægnatio igitur, actio-  
 ne cœlorum & primarum qualitatum facta,  
 reddit eam continue generativam, ex illa,  
 enim omnia proveniunt, quæ sub Lunæ cir-  
 culo existunt. Producit ea omnes res vita præ-  
 ditæ, hæc conservat, nutrit, tandemque illas  
 resolvit, & in suam naturam transmutat. Agi-  
 tata insuper ab actionibus supradictis dupli-  
 cem expirationem projicit, tam extra se, quam  
 intra se, quæ quidem expirationes ab hoc ter-  
 restri spiritu, commoto & a cœlesti calore cale-  
 facto, egrediuntur. Ab expiratione extra ter-  
 ram elevata, si nempe humida sit, ros & prui-  
 na nascuntur, si vero sicca sit, ventos, ful-  
 mina & alias hujusmodi siccas aëris impres-  
 siones producit. Ab expiratione autem in ea

conclusa manente, si humida fuerit, omnes res liquabiles generantur, nempe metalla & mineralia; quod si sicca extiterit & arida, res non liquabiles, lapides nempe & alia ejus generis, producet. Omnes præterea res vegetabiles proveniunt & alimentantur ab hoc spiritu, cujus nutrix terra est; qua de causa antiqui Poëta hanc terram in matrem & nutricem omnium rerum nominarunt.

## CAPUT VIII.

*Quod spiritus mundi sit causa perfectionis in omnibus.*

**S**piritus universalis est genus generale & omnibus generibus commune. Si enim mundum inferiorem sive elementarem inspicimus, illum in tria subalterna divisum inveniemus, nempe in vegetabilem, animale & mineralem, semper tamen idem est in quavis re, diversimode autem operatur secundum specierum diversitatem. Et hinc infinita creaturarum varietas oritur, alioquin enim necesse foret, ut una tantum species rerum in toto universo esset. Si autem superiorem & cœlestem mundum considerabimus, inveniemus etiam, quod spiritus ille unus & æqualis in omnibus sit, nec unus ab alio differens, nisi in sola puritate & subtilitate. Nam de ejus pura substantia ignea facti  
- sunt

**sunt spiritus cœlestes, qui ab inferiore corporali grossitie longissime distant. Et de substantia media aërea compositi sunt globi cœlestes & luminaria eorum. Constituit ergo ille res omnes, quia virtutes & vires rerum superiorum & inferiorum habet, & quidem propter exquisitam suam temperiem. Hoc enim corpus inter omnia principium & finis est perfectionis, & si viribus suis destitueretur, nunquam rem ullam perficere posset. Intelligimus tamen hic perfectionem simplicem & naturalem. Quamvis igitur perfectus tantum sit secundum naturæ intentionem, continens in se regulam, lineam, actionem & potentiam perfectionis, acquirit tamen tantas vires super res naturales, ut omnia de potentia ad actum trahat: ille alterat & penetrat omnia, quanquam spissa sint mollificas res duras, indurat molles, & tandem augmentat, nutrit & conservat omnia. Hic igitur spiritus, in cunctis corporibus autor generationis & corruptionis existens, necessario triplicem habet operationem; per siccitatem enim vivificat, per frigiditatem congelat, & per humiditatem suam congregat & unit. Hanc ob rationem terræ triplicis attrinæ nomen illi fuit impositum, nimirum vitrificantis, falsuginosæ & Mercurialis. Omnia enim quæ in mundo existunt, ex sale, vitro aut Mercurio facta sunt, quanquam apud Paracelsum paulo aliter principia ista enumerentur,**

rentur, nempe Sal, Sulphur & Mercurius, & Vitrum pro quarto adjungatur, ac si dicere vellet, omnes res, ex dictis tribus primis compositas, ultimo ad quartum redigi, ita quidem, ut ultra Vitrum nulla possit fieri productio, que per naturæ nec per artis industriam. Pro babo interim opinionem meam exemplis & rationibus sequentibus, ossa animalium per vitrificationem consolidata & indurata sunt. Caro & nervi per Sal concreverunt, & per calorem Mercurialem unita & congregata in massam coierunt. In natura vegetabili testæ amygdalarum, pinearum, juglandium, avellanarum, & res hujus generis aliæ possunt similiter vitrificatæ dici; eodem modo & conchæ testudinum, limacum, ostrearum & similia animalium, quæ terra & mare producant. Gustus equidem solus sufficienter monstrabit, quod vere hæc corpora salsa sint, nihil enim Sale caret, nisi id, quod insipidum est, imo falsissima sunt ista, ex quibus vitrum fit, filix nimirum, Kali, & plura similia. Posset hic quispiam objicere, non vitrum, sed Sal causam esse indurationis ossium, testarum, & concharum in animalibus & vegetabilibus a me adductis; ad quod respondeo, quod experientia in hisce refragetur, & ratio itidem; quia Sal resolvitur & liquefit per minimam etiam humiditatem aëream aut aqueam, cujus contactum incurrit, aliæ autem res antea enumeratæ liquefactioni resistunt, secundum quod

quod magis vel minus per virtutem hanc vitrificatorem indurata sunt: ubi ad ultimam hujus assertionis confirmationem adducere, volo lapides pretiosos, adamantem & crystallos, qui aliud nihil sunt, nisi Vitrum in furno ingeniosæ naturæ ad suam perfectionem elaboratum. Quod autem omnes istæ res per humorem Mercurialem condensatæ sint, usque adeo manifestum est, ut alio testimonio non sit opus, quam communi experientia. Mineralia sufficienter Sale dotata sunt, ut & Sulphure & Mercurio. Lapidēs & omnia, quæ ex terra extrahuntur, fusionem & extensionem sub malleo non ferentia, habent quidem aliquid Salis in se, sed hoc per adustionem sulphuris corrumpentis superatum est, quod in vitrificatione & induratione illorum intervenit. Metalla & omnes res fusibiles & ductiles concretæ & condensatæ sunt beneficio Salis & Mercurii, non quidem sine vitrificatione illas indurante, & ad malleationem difficiles reddente, attamen prout magis vel minus puritati & adustibili terrestreitati implicantur, quæ in condensatione & coagulatione Mercurii illorum intervenerunt. Atque ita possumus vere dicere, quod omnes res quasi ex triade generatæ sint, ex Vitro, Sale & Mercurio, sive ex aqua, ubi Vitrum est causa duritiei, Sal præbet materiam, & aqua unionem & condensationem efficit.



*De specificatione spiritus universalis ad corpora.*

**A** Nima mundi, ejusque actio & virtus in omnibus rebus representatur, in quibus illa tota conformis est. Illa ligat & conjungit res superiores & inferiores. Quotquot enim in cœlo ideæ sunt, tot habet illa causas & rationes seminales, unde mediante hoc spiritu tot species in materia format. Quando igitur interdum accidit, ut aliqua harum specierum degeneret, postea anima, quæ intus est, mediante hoc spiritu mundi reformari, & ad pristinum statum reduci, qui illi proximus est, & ad omnem motus modum obedit. Interim cogitandum non est, hunc intellectum idealem attrahi, sed potius animam ejus virtute dotatam esse, & per formas materiales allici. Quod quidem absurdum nemini videri debet, nam & illa sibi ipsi nutrimenta & cibum præparat, tanquam transmutabilis in omnes res, per quas attracta & sollicitata fuit, & in illis semper manens & libenter residens. Zoroaster congruentiam & harmoniam formarum cum rationibus animæ mundi allectiones siue illecebras nominat; unde apparet, quod omnis res & species dona & vires suas ab anima mundi hauriat, non quidem omnes totaliter,

ter, sed eas quæ semen aut propagationem & his conformes alias concernunt, per quas germinat & pullulat. Exemplum hujus in homine observari, potest, qui licet humano victu tantum nutriatur, non acquirit naturam avium aut piscium, quos comedit, sed humanam speciei suæ convenientem. Contingit etiam, interdum plura alia animalia iisdem cibis & alimentis vescantur, ex quibus tamen, quodlibet attrahit illud, quod speciei suæ proprium est. Ita ut admiratione dignum sit, quod ex uno eodemque cibo homo attrahat id, quod homini proprium est, avis autem & animal id, quod avi & animali convenit. Hoc autem fit, non quod in uno eodemque cibo diversa & varia alimenta sint, sed ratione speciei nutritæ, quæ attrahit, & in se conforme, sibi nutrimentum transmutat, quo mediante sibi simile generat, ob virtutem hujus animæ, & rationem feminalem, quam secundum suam qualitatem in se habet.

Sed nec putandum est, in machina mundi spiritum, animam & corpus res esse separatas: hæc enim tria unita & semper invicem colligata sunt, ut in homine apparet, & per hanc unionem spiritum vitalem integrum reddunt, & substantiam corporalem. Anima igitur universi fingit & sibi imaginatur diversas formarum species, quas spiritus in viscera elementorum recipiens corporeas facit, & in lucem producit. Hinc animalia tantum ani-

malia generant, plantæ plantas, & mineræ mineralia, quanquam non uno modo per omnia: mineralia enim, ut antea dixi, non generant suum simile eodem modo ut plantæ, quia spiritus eorum materia nimis grossa cohibetur & opprimitur, qui spiritus, si congrue extrahi & cum minerali materia coniungi poterit, generabit sibi simile, quia acquisita ingressione & penetratione in corpora imperfecta, per summam artis subtiliationem & ignis graduationem artificiosam, haussit, propria & mineralia tantum semina, non autem animalia aut plantalia, quia hoc naturæ repugnaret. Non dico tamen, quod careat actione reliquarum virium, sed quod eam, non demonstret nisi secundum species, quibus accommodatur: alioquin enim oporteret, ut quævis res dissimilem sibi produceret, nempe ut arbor generaret hominem, planta bovem, & metallum herbam. Quod quidem tantum respectu specificationis rerum loquor. Si enim genus generalissimum, (ut vocat *Raymundus Lullius*,) consideremus, producit id sibi simile in omni re, cui coniungitur, quia Mercurius est, & naturam omnium, quibus commiscetur, assumit. Ars autem humana facere non potest, quod Soli naturæ concessum est, quæ speciem procreat, quam ars postea dilatat & multiplicat, si operatio incipitur cum radice speciei, ut facere norunt, prudentes Physici, qui extrahentes ex minera spi-

spiritum aliquo modo specificatum, imo etiam  
 excenter purificatum & ad perfectionem re-  
 ductum, aptum plane reddunt, ut imperfe-  
 ctum perficere possit. Et his quidem eacte per-  
 sonis industrius & expertus artista adapta-  
 tiones mirabiles facile instituet.

## LIBER SECUNDUS.

### CAPUT I.

*Quod spiritus mundi corpus as-  
 sumat, & quomodo incorpo-  
 retur.*

**P**Ræcedenti libro puto me sufficien-  
 ter exposuisse, quod per spiritum  
 universalem omnes res non solum  
 productæ, sed etiam corporeæ factæ  
 sint. Restat igitur declarandum,  
 quale corpus hic spiritus assumat, & qua ra-  
 tione corporeus fiat, omnesque alias res cor-  
 poreas reddat. Necessarium enim est, ut  
 ipse corporeus sit, si ab illo solo reliqua corpo-  
 ra corporea fieri debent, cum credibile non  
 sit, quempiam dare posse, quod nunquam ha-  
 buit. Videamus igitur, quali corpore & quo  
 modo vestiatur, non quod meum sit institu-  
 tum, de corporificatione rerum cœlestium &  
 supernaturalium hic disputare, sed tantum, ut

discursum meum ad generationes Physicas  
 sublunares applicem, atque ad corpus terræ  
 quod est vas & vera matrix, ubi primus & ge-  
 neralis corporificator rerum seipsum corpori-  
 ficat. Dico igitur, quod nulla corporificatio fieri  
 possit sine motore præcedente, qui potentiam  
 ad actum deducat, ut id, quod existere non  
 creditur, in lucem egrediatur, & ad terminum  
 finalem, pro naturæ intentione, perveniat, qui  
 semper est, corporificare id, quod producere  
 vult. Motor autem ille alius nullus est, quam  
 ignis, sive calor, qui primo in aëre se movet.  
 Omnes enim generationes inde incipiunt,  
 quia ignis omnium elementorum maxime  
 activus est, & consequenter quo subtilior &  
 levior, tanto promptior est ad motum. Ignis  
 igitur, cujus proprietas est, propter vivam suam  
 levitatem sursum tendere, & res incognitas  
 visibiles reddere, necessario originem  
 motus sui & actionis ab inferioribus, hoc est,  
 a centro terræ accipit, ubi, ut antea diximus,  
 antiquus *Demogorgon*, omnium rerum proge-  
 nitor, habitat, residens ibi in suo throno, tan-  
 quam in medio imperii sui, ut inde gubernet,  
 mandet, conservet, & essentiam vitæ omnibus  
 partibus magni istius corporis sphaerici, rotun-  
 de circa ipsum expansi, undique participet, ut  
 quodlibet in unoquoque membro id, quo ca-  
 ret, facilius & æquali distantia recipiat. Hujus  
 præsci parentis fecundo gremio ignis radix  
 implantata est, qui inde vaporantem halitum  
 excitat,

excitat, quem *Hermes* in suo *Parmandro Naturam* *benedictam* appellat. Vapor enim prima & proxima actio ignis est, cum quo taliter conjuncta est, ut sine illa ne quidem imaginatione concipi possit.

Sed dicet aliquis, si vapor ab igne proveniat, quomodo humidus esse potest, cum ignis calidus & siccus sit, unde igitur contraria ista qualitas accedere illi potest? Nihil hic inconveniens est, si considerabimus, impossibile esse, ut ignis absque humore vivere aut subsistere queat, qui alimentum ejus, imo sustentaculum & subjectum est, sine quo ipse ignis ne quidem imaginationem incurrere potest. Quia enim natura ejus est, agere, ejusque actio indeficiens est, necessario oportet, ut in rem aliquam agat, atque ut hac de re nunquam destituatur. Ignis igitur & coëssentialis humiditas sunt instar maris & foeminae in generatione, & corporificationis hujus spiritus mundi primi parentes, ut postea videbitur. Ignis autem instar primi operatoris est, quia actio passionem semper præcedit, quam patiens cum agente inseparabiliter coëxistit, sicut olim dicebat *Stoicus Zenon*, putans, substantiam ignis per aërem in aquam versam, & in illa instar spermatis generalis conservatam, primam universalem materiam, & inde postea omnes res generatas fuisse. *Thales Milefius*, quem Græci Sapientem cognominant, considerans materiam patientem, sta-

tuit, quod aqua ea sit, quam *Heraclitus* etiam mare nominabat. Et *Moyſes*, magis illuminatus, quam illi duo, dicit, quod spiritus Dei, ante creationem cœli & terræ, super aquam ferebatur, ignem, ratione nobilis, puræ & dignæ essentia, spiritum Dei nominans. Quando igitur ignem rerum principium esse dico, non sane rationis, aut veritatis limites transgredior, est enim sine dubio primus operator & ultimus destructor & mutator formarum, quarum causa extiterat, eo usque etiam, donec res ad periodum & materiam suam reduxerit, ultra quam non datur progressus, sed tantum transformatio, sicut hoc ipsum mox comparatione rerum visibilibus & familiarum declarabo. Prima potentia activa, quæ in hominis productione operari incipit, agitatio est aut motus caloris, qui actionem ignis imitatus, (cujus præcipua natura, est separare,) trahit de toto corpore sperma, (in quo semen humanum in potentia continetur,) illudque coquit & digerit, ut ad expulsionem & postea ad generationem & augmentationem perfectam hominis integri aptum fiat. Quæ quidem generatio & augmentatio semper ab igne juvatur & conducitur, qui solus operator est, adeo, ut si ad finem exaltationis suæ pervenerit, a sulphure excrementorum, ex impuritate alimentorum procedentium, nimis inflammatus, humidum radicale, vitæ sedem & conservatorem, exsiccat: quo facto ignis tamen ille actionem suam non intermit-

terminat, donec corpus per resolutionem & corruptionem in cinerem redegerit, qualis actio a nulla alia re, quam ab igne, proficisci potest. Quo vero melius hoc intelligatur, & quasi palpabile reddatur, ut prima corporis materia per cognitionem ultimæ facilius cognosci possit, imponatur corpus igni vulgari, & statim videbimus inflammabile quidpiam illud in se habere, quod totum pene consumitur, donec in paucos cineres redigatur, quos igneæ naturæ participes esse videbimus, & pro ultimo subiecto & materia purum Sal quoddam continere, cujus unicus parens & multiplicator solus ignis est; & licet ulterius comburatur, semper tamen Sal relinquetur, in cujus interiori ignis occultatur, qui suo simili delectatur. Hac ratione Spagirici experti sunt, quod in sale sit quidpiam incombustibile, sive secretum ignis elementum, qui cum primitivo igne easdem actiones habet, qua de causa balsamum corporis appellatur, quia in se habet, id, quod vitam dat, augmentat & conservat, quod nihil aliud est, quam vapor humidus calore temperato concomitatus. *Johannes Fontanus in narrationibus suis Philosophicis* (a) satis demonstrat, quod hoc secretum non ignoraverit, quando naturam ita dicentem introducit:

*Aucuns disent, que feu n' engendre  
De son naturelle force que cendre :*

*Mais*

(a) *Roman Philosophique.*



*Mais leur reverence sauvee  
Nature est dans le feu antee :  
Et si prouver je le vouloye,  
Le Sel á temoin je prendroye.*

**Quæ Latini ita reddi possunt:**

*Sunt aliqui, placuit quibus affirmare, quod ignis  
Præterquam cineres nil generare queat.  
Ast mihi commodius sentire videntur, in igne  
Naturæ vires qui residere putant.  
Hujus proposui si quæ argumenta requires,  
Dicam, sufficiens Sal mihi testis erit.*

Quod autem de humore participet, ex facili ejus resolutione liquido apparet, quemadmodum etiam caloris ejus plenitudo ex prompta congelatione non difficulter demonstrari potest; ex qua observatu dignum est, quod ignis agat, & cum igne uniatur, sicut in liquefactione aër cum aëre conjungebatur. Quomodo enim in uno subjecto siccum posset humidum bibere, si calor non esset innatus, cum siccitas a calore procedens naturaliter humorem imbibat. Atque hinc facile intelligi potest, quod bemogorgon, ignis nempe centralis, humiditate non destituatur, super quam in suo proprio sinu agens vaporem elevat ex duabus qualitatibus mixtum, quem ego mundi spiritum voco, multi autem Philosophi Mercurium Mercuriorum nominant, quia omnes alii universaliter ab hoc procedunt. Hic tamen vapor elevatus nondum corpus est, sed res  
media

media inter corpus & spiritum, tanquam participans de una & altera substantia, qui si eo in statu maneret, non posset ullam rem generare. Oportet igitur, ut corpus assumat, aut corpus formet, quod hoc modo fit : Vapor ille subtilis, ex sicco & humido procedens, quando elevatur, penetrat spongiositatem terræ, in qua pedetentim in aquam Mercurialem convertitur ab occurſu aëris infusi & ipsius terræ, cujus superficies a centro longissime distat, in quo focus est, unde hic calor surgit; eadem fere ratione ac in alembico fit, ubi vapor aut spiritus destillandus funditur & confluit. Quia vero vapor hic, ejusque aqua de duobus principiis participant, calore nempe & humiditate, ingrossatur, & sensim per moderatam & continuam coctionem condensatur, cujus actionis principale instrumentum & medium ignis innatus est, quem hic ipse vapor continet, per actionem suam assiduam stimulans, imo cogens, siccum bibere suum humidum, & hujus aquæ coagulationem facere, non quidem cum soliditate aut duritie in omnibus & per omnia simili, sed mucilaginosam primo & differente. Quod autem natura per informationem idearum in mucilagine facere tentat, principium est indurationis & soliditatis, quæ necessario naturæ viam tenere debet, quæ est progredi ab una extremitate ad alteram per dispositionem mediam. Natura igitur digestionem suam continuante, hæc mucilago

cilago sistitur, & de ejus grossiori materia corpora metallica in venis terræ aut petrarum, cavitatibus generantur: quæ corpora, utpote ex uno semine orta, non differunt substantia, sed tantum accidentibus, quæ illis secundam dispositionem locorum aut matricum adveniunt, in quibus generata sunt. Quod vero in hoc vapore subtilius est, cum libenter ascendat, tandem ad superficiem terræ pervenit, ubi subsistere cogitur. Et quia ociosus esse non potest, neque regredi datur aut altius ascendere, (spiritus enim cum sit, proprium ejus est, sese elevare) quia etiam solidi nihil invenit, quod ipsum portare possit, cogitur naturæ intentionem continuare, atque ideo generationi & corporificationi individuorum incumbit. Veruntamen ut clarius intelligatur id, quod dixi, accipiamus unum horum individuorum, atque ut huic capiti absolutam conclusionem imponamus, videamus, quomodo id ipsum productum sit. Hoc enim certos nos reddet, quod spiritus ille mundi corpus assumat, nobisque monstrabit, qua ratione sit corporificatus. Glans in terram defossa aut seminata semper inutilis ibi maneret, & absque germinatione consumeretur, nisi agens quoddam penes se haberet, quod potentiam occultam, a natura illi inditam, ad actum promoveret. Unde quæso actionem istam imaginari sibi quispiam posset, nisi ab igne centrali exeunte ex corde Demogorgonis? qui ignis attractus, & per radios

**S**olis cœlestis fomentatus in viribus & vigore suo duplicabitur. Germinatio igitur sua nonne initium suum ab igne naturæ capit, qui, vaporem suum elevans & multiplicans, excitat ignem innatum in glande, quæ ex sua parte etiam in vaporem resolvitur, mediante suo proprio aëre. Hic autem vapor suscitatus nutritur & augmentatur a vapore primo, qui nunquam deficit, nec agere in materiam glandis cessat, donec ad periodum perfectionis suæ devenerit, ad quam intentio naturæ ipsam destinavit, quæ est, ut fiat quercus: atque eadem, postquam suo tempore ad magnitudinem naturalem excrevit, incipit non quidem proprie mori, sed ad declinationem vergere, & tandem in primam formam converti, nempe in terram, ubi idem vapor nondum deficit, aut otiosus est; nascuntur enim ex hujus arboris putredine animalcula quædam, polypodes vocata, una cum infinita bestiuncularum aut vermium copia: aut, postquam quercum in terram convertit, aliam inde vegetationem incipit. Si quis autem cogitare aut dicere vellet, massam glandis augmentari & multiplicari, erroneum hoc esset. Manifestum enim est, illam in germinatione integram manere, & sine diminutione aut qualicunque minoratione a germine suo sese separare, & tamen arbor inde exiit. Non ergo ex multiplicatione & augmentatione glandis quercus nascitur.

scitur. Per additionem etiam & extrac-  
 tionem terræ adjacentis parum accedit,  
 hauriretur enim tantum terræ, quanta  
 boris esset magnitudo, quod tamen non  
 Necesse igitur est, ut hoc fiat alia quapian-  
 via & materia, postquam nec hæc nec illa  
 ratione ex dictis accidit. Hic igitur spiritus  
 aut vapor, solus ad hoc destinatus, ille est  
 qui incorporatur, & hoc individuum pro-  
 ducit, & ab illo provenit creatio, augmen-  
 tatio & conservatio omnium rerum, non  
 autem ex massa terrestri, quæ nihil aliud  
 est, quam excrementum materiæ spirituo-  
 sæ & primæ; ut ex digestionem stomachi ap-  
 paret, quæ excrementa in eodem fere ponde-  
 re & quantitate rejicit, qua cibus assumptus  
 fuit; cum tamen proprium suum & particulare  
 alimentum inde extraxerit, quod aliud nihil  
 fuit, quam spiritus ille in massa illa antea con-  
 clusus, qui solus per siccitatem suam se corpo-  
 rificat, & per humiditatem suam se dilatat &  
 augmentat, proprio suo calore eo adductus  
 & coactus.

## CAPUT II.

*De conversione hujus spiritus in  
 terram, & quomodo in hac terra vis  
 ejus integra manet.*

**P**Errationes adductas, ut ego quidem  
 puto, satis probatum est, spiritum mun-  
 di corpus assumere, restat igitur ulterius  
 decla-

declarandum, quomodo corporificetur. Quamvis autem in hac inquisitione magnus ubique labor impensus, sed effectus fere nullus insecutus fuerit, conabor tamen hujus rei demonstrationem aggredi, & sensibus quasi comprehensibilem reddere, in eorum præsertim gratiam, qui, in nativitate sua coelum favabile nacti, rariorem naturæ effectuum admiratores sunt, & secretorum ejusdem sacrarium intrare gestiunt. Quod etenim multi homines docti & curiosi in hujus corporis inquisitione & detectione enormiter fuerint decepti, ea potissimum causa extitit, quia aliqui crediderunt, cognitionem eam captum sensumque communem hominis longe excedere, atque adeo angelis & dæmonibus tantum perviam esse. Alii putarunt, quod cum spiritus mundi nominetur, nemo sibi corpus aliud imaginari debeat, quam universale, quia spiritum generalem corpus etiam universale habere oporteat. Alii autem existimarunt, eum non posse aliter percipi, quam per conversionem corporum perfectiorum in primum suum spiritum & sperma, exacta nempe & laboriosa subtiliatione, non animadvertentes, in natura non dari regressum, & corpora, quod sint perfectiora, eo longius a principiis suis & prima corporeitate abesse. Fuerunt etiam nonnulli opinati, ex corporibus extrahendam esse quintam essentiam, persuadentes sibi, partem subtiliorem & magis volatilem spiritum illum esse, quem quaerunt, aberrantes.

ita a scopo, ad quem collimabant, & orientem in occasu quærentes; corpora enim spiritualia reddebant, ubi spiritus corporeos facere debebant. Quia autem spiritus ille manifeste in corpus terrenum conversus videtur, & sine contradictione aut ullo dubio omnia corpora ab eo generata sunt, oportet igitur, ut ab iis ipsis extrahatur, quoniam alioquin recta naturæ semita periculose & longissime relinqueretur, & cum faciendum esset corpus terrenum, ex igne aliquod perficeretur, quod Quintessentiales cælum suum appellant. Corporificationis vero initium in omnibus rebus a terra fit, est enim prima & proxima Mercurii operatio, ut terra fiat; cur igitur ab ignificatione incipere volunt? quod quidem ea ratione fieret, ac si quis ædificium erecturus a tecto initium faceret, & non a fundamento.

Illi tamen, qui corpora in primum germen reducere volunt, haberent ad suum propositum rationem magis speciosam præ cæteris, qui ea in quintam essentiam redigere desiderant, nisi in hoc processu viam ingrederentur tortuosam, atque ad locum oppositum & menti suæ contrarium eos conducentem. Præterquam enim quod natura nunquam regreditur, non animadvertunt, se completionis viam & non reversionis destructivæ sequi, si-ve, ut clarius dicam, quæ ad originem seu nativitatem reducit. Præterea enim quod hi labores plane sunt impossibiles, aut saltem

ita difficiles & longi, ut vita hominis ordinaria ad hosce absolvendos non sufficiat, veram certe & naturalem reductionem hac via nunquam nanciscerentur, sed corpus tantum phantasticum facerent longe remotum ab eo, cum quò natura omnes suas operationes productivas incipit, quod solum & legitimum sperma omnium corporum est. Si considerabimus, quod omnia per terrificationem corporificentur, necessario statuemus, dari subjectum præjacens, & ad terrificationem proxime aptum. Dixi autem a principio, ignem esse primum operatorem in mundo, qui vaporem spirituosum elevat, quem coquit & desiccatur, ut corporificat. Corporificatio enim absque coagulatione, ignis siccitatem necessario insequente, fieri non potest. In quo autem alio loco hæc immassatio, desiccatio aut coagulatio fit, quam in corpore terræ, unde omnia alia corpora proveniunt? Oportet igitur, ut præjacens materia illorum ibi occultetur; si enim non adesset, sequeretur ex nihilo ea facta esse, quod naturæ ordini repugnat, quæ vult, ut quælibet res suum habeat principium, & ex nihilo nihil enascatur. Hæc ergo materia sive principium corpori terræ alligatum est, ubi nutritur, inspissatur & corporefit. Et hac de causa illi, qui eam ex corporibus metallicis perfectis & imperfectis & simplicibus per attractionem quintæ essentia extrahere voluerunt, me-



lius fecissent, (cum primum sperma quærent,) ut matricem matris aperuissent, quam infantes ad perfectam ætatem jam evectos occidissent & destruxissent, dum in eum statum reducere voluerunt, in quo tempore conceptionis fuerunt. Si autem matricem hanc aperirent, quid invenirent ibi? nihil enim intus visui apparet, & multi credentes, istam viam maxime proficuum esse, decepti tamen fuerunt, sperantes, in ventre minerarum specimen saltem initii aurificationis sese inventuros, quod cum non fieret, desperarunt de proposito suo, quia dispositionem mediam inter metalli molliem & duritiem nullibi obviam habuerunt. Si igitur oculus observare nihil potest, quomodo possibile est, aliquid ibi invenire & accipere? Hoc opus, illud vero labor est. Tales certe investigatores non credent, materiam primam spiritum & vaporem esse tam subtilem & solutum, ut non nisi intellectu & imaginatione percipi possit. Attamen quia illa corpori hujus matris alligata est, & in illo habitat, ipsa ratio evincit, eam naturam quandam quasi corpoream & ad corporificationem aptam possidere. Quamvis autem antea satis aperte declaraverim, illis præsertim, qui subtili ingenio dotati sunt, quænam hæc natura sit, addam tamen hoc loco, spongiositatem terræ vapore illo spirituosissimo plenam esse, qui, beneficio caloris sui innati, siccam

ficcā acquirīt qualitatem, humore quodam secreto comitatā, per quam condensatur, & in corpus specificum coagulatur. Et sicut hæc natura humida exiccata primo aqua fuit, ita oportet illam per aquam in aquam reduci, quod unicum medium est ad res siccas in aquam redigendas, sicut ignis est medium ad deficcandas humidas. Opus sane, quod natura exactissime in metallorum generatione observat. Aqua enim, dum per poros terræ fluit, invenit ibi substantiam dissolubilem, cum qua per partes illius simplicissimas unitur, & ad hanc unionem elementa debito modo proportionata conveniunt. Substantia igitur per suam dissolutionem ita conjuncta de se ipsa congelatur & coagulatur per indurationem, quam naturaliter, ratione suæ innatæ siccitatis in se habet, deinde per successivam & longam decoctionem duritiem acquirīt metallicam. Quia autem hæc substantia dissolubilis est, de qua natura alia, quam de Sale participare potest? Nihil enim dissolubile est, quam Sal, cujus etiam multitudo & varietas permagna est, prout in mundo summa est rerum varietas: imo quo magis comburitur, tanto facilius dissolvitur, nisi forte ad vitrificationem devenierit. Prima igitur hæc materia Sal est, hoc est, Sal primum corpus est, per quod illa palpabilis & visibilis apparet; de quo Sale *Raymundus* loquitur in suo testamento, cum ait:

*Declavimus superius; quod in centro terre sit quæpiam terra virgo, & verum elementum, & quod hoc opus natura sit.* Natura ergo locatur in centro cujusque rei. Ita Sal est hæc terra virgo, quæ nihil adhuc produxit, in quam spiritus mundi primo convertitur per vitrificationem, hoc est, per humoris extenuationem. Ipsum est, quod formam dat omnibus rebus, & nihil in sensum visus aut tactus absque Sale cadere potest, nihil coagulatur quam Sal, nihil quam Sal congelatur. Illud est, quod auro duritiem largitur & omnibus metallis, ut & adamanti & omnibus lapidibus, pretiosis æque ac vulgaribus, per potentem admodum, sed secretissimam vitrificantem virtutem. Et quod majus est, videmus manifeste, res omnes ex quatuor elementis compositas in Sal regredi. Si enim corpus aliquod putrescit, quid restat, nisi pulvis aut cinis Sal pretiosum occultans? & si corpus quoddam per combustionem, calcinationem aut incinerationem destruitur, quid in ultima extractione restat, quam Sal? Vitri conflatores hujus rei exhibebunt testimonium. Unde *Arnoldus de villa nova* Medicus & Philosophus magnus *in novo suo lumine Chemico* loquens de aqua permanente Sapientum, quæ aqua sicca est, manus non madefaciens, haud magis quam argentum vivum vulgare, dicit: *Quis igitur erit, qui aquam hanc præparare possit? dico certe, quod ille erit, qui vitrum facien-*

*faciendum cunct.* Idem autor, de aquæ hujus  
 siccæ excellentia dicens, satis clare illam ma-  
 nifestavit, quando ait in tractatu Chemico,  
 quem *Breviarium Philosophicum* vocat: *Opera-*  
*tor plus nihil efficit sine Sale, quam balistarius*  
*sagittam mittet sine chorda; & Fons amantium.*  
 dicit idem:

*Sans sel je ne puis mettre en effet*  
*Utile chose pour ton fait.*

Hoc est:

*Officium præstare tuis quoddam utile rebus*  
*Utique non possum, deficiente Sale.*

Ex Sale igitur omnia corpora primo com-  
 posita sunt, atque ut in præcedenti capite di-  
 xi, principia compositionis & resolutionis  
 æqualia sunt. Et ut volunt omnes Philoso-  
 phi, & pro regula tenent infallibili, prima re-  
 rum materia non est alia, quam ultima, h. e. ea,  
 in quam ultimo resolvuntur, ubi glaciem &  
 nivem pro exemplo allegant, quæ in aquam  
 per calorem resolvuntur, ex qua per congela-  
 tionem facta erant. Et si omnia testimonia  
 bonorum autorum hic alligare vellem, ju-  
 stum inde oriretur volumen. Ut vero mon-  
 stre, hoc Sal puram & veram terram esse,  
 (non quidem illam, quam pedibus calca-  
 mus, quam nihil aliud esse probabo, quam  
 fæces & excrementum alterius,) recurrere mi-  
 oportet ad primam rerum creationem, quam  
 per exemplum operationis familiaris figura-

bo, quæ ad imitationem naturæ, & per eandem modum & regulam fit, qua magnum hoc universum factum est. Dixi antea, quod rerum principium aqua fuerit, sive natura humida, ut *Hermes* dicit, super quam, etiam secundum *Moysem*, Spiritus Domini ferebatur. Posset autem quæri, quomodo magna illa & confusa aquarum congregatio divisa fuerit, ita ut ampla hæc & grossa massa terrestris inde provenerit, & quo medio tam diversæ res ex terræ productæ sint? Respondebo ad has quæstiones illud, quod sola experientia conspiciendum mihi præbuit & dicam, naturaliter probabile esse, quod in medio harum aquarum, per modum separationis quasi sedimenti alicujus congregatio facta fuerit, ubi textum Moyfis sequor, qui dicit, quod Deus separaverit aquas ab aquis, duplex enim est aquarum genus, nempe aqua elevativa & aqua congelativa. Prima igitur per evaporationem sese elevans secundam in fundo fixam reliquit, ut quotidie experiuntur Salis coctores tam marini, quam fontani. Verum quidem est, unam fieri fortè attractione radiorum Solarium, alteram autem per ignis violentam expulsionem. Ignis autem solus, sive calor solus inter omnes res mundanas hanc virtutem separativam possidet, & quidem per unum aut alterum modum nempe, naturalem aut violentum. Accidit igitur per unum aut alterum horum modorum, quod

quod separatio ista facta est. Sed cui rei *Moyſes* potuiſſet hunc ignem melius comparare, quam Spiritui divino, qui aliter definiri non poteſt, quam origo univerſalis luminis, caloris animantis & vitalis motus, per quem omnes res exiſtunt, & in ſuo eſſe conſervantur? Conſideremus Sal naturæ, dum in limbo aut ſuo chao adhuc latet, h. e. diſſuſum, diſſolutum & in aqua ſua quaſi ſuffocatum, in qua forma apparebit viſui noſtro, & quam qualitatem tribuet illi guſtus & tactus noſter aliam, quam aquæ amaræ? qualem quidem formam & qualitatem in æternum conſervaret, ſi ſeparatio non interveniret. Verum ſtatim atque aqua hæc elevativa actionem ignis ſentit, qui illi adverſatur, incipit ſeparatio per evaporationem fieri, & pedetentim diminuitur, donec in centro globi ſui parva maſſa Salis appareat, quæ coit eo modo, ut corpus terræ in primo limbo aquarum univerſalium faciebat. En primam operationem ab igne factam, nempe producere, aridam, h. e. terram. Sed tamen quemadmodum hæc prima terra cum ſuis excrementis & ſæcibus per ignem coagulata manebat, ita hoc Sal, quod vere terra eſt, ſuas ſæces etiam retinet, licet mundum & purum videatur, atque albedine & luce plenum. Nihil enim generatur, alimentatur & creſcit, quod excrementa ſua non abjiciat, de quorum formatione & ſeparatione ſuo loco plura dicam.

Hoc autem Sal, aut hæc terra arida coagulata, & in aqua subsidens, rebibit totam suam humiditatem, & per ignis continuationem sponte siccatur, humiditatem nihilominus internam suam conservans, a qua nunquam deseritur, & a qua virtutem illam dissolutivam possidet: postea, temperamento inter humidum & siccum illi accedente, apta fit & manet ad rerum productionem, a potentia nempe ad effectum caloris actione compulsa. Et plane sicut corpus magnæ terræ hanc virtutem productivam & specificam individuum habet, ita nostrum hoc, quod Sal vocamus, eandem in se continet. Non equidem, ut producat herbas, metalla aut animalia, quemadmodum alterum facit, sed quod semen originale omnium rerum in sinu suo servet, prout experientia per ignis operationes in iis nobis manifestat, colores, sapores, incrementa, vegetationes & indurationes omnium, quæ in unoquoque horum trium generum conspiciuntur, & non solum hæc, sed & proprium ignem, quem Sol introduxit, per quem omnes res vivificat & nutrit. Quod quidem ipse aliquando in *processu operis cujusdam Philosophici* observavi, dum in hac sola materia omnes colores distincte, & unus post alium, secundum ordinem & intervalla per magistros hujus artis determinata, mihi apparuerunt, prout in materia & lapidis sui confectioe fieri debere Philosophi indicant, una cum fusione repenti-

na,

na, postquam ad summam rubedinem papaveris sylvestris devenerat: Veruntamen minuculosum & tamdiu desideratum illum effectum in metallorum transmutatione non produxit, sed in corporibus humanis per sudores universales & naturales tam mirabiles exeruit vires, ut efferre & publicare eas vix audeam, ne titulum Medicastrī Charlata-ni forsan incurram. Quanquam C. V. Sere-nissimus Princeps ab hac injuria eximere me facile potest, tanquam testis irreprehensibi-lis. Cum enim fama harum miraculosarum curarum ad aures C. V. pervenisset, dignata fuit instar Jovis gratiosi habitationem pau-peris sui Philemonis ingredi, inducta, ut opinor, animi quadam generositate, & rela-tione boni cujusdam viri, qui diversis dolo-ribus miserrime afflictus, & diuturnitate gra-vissimi morbi a deo extenuatus fuerat, ut, præter spem in divina bonitate aut saltem in mortis impendentis grato solatio nihil habe-ret reliqui: cujus vera relatio apud C. V. tantum effecit, ut solennem informationem de multorum hominum curis postulaverit, quos eodem remedio sanitati restitueram. Et si avaritia aut invidia ejus hominis, cui con-credita fuerat sanitas Reverendisimi Cardi-nalis & Domini fratris V. C. dilectissimi P. M. non prohibuisset usum hujus medicamenti, puto equidem a Deo ter O. M. gratiam & be-nedictionem Eminentię Ejus non fuisse de-nega-



negatam, quam tot miseris hominibus abunde contulerat.

Si igitur hoc Sal omnes terræ qualitates habet, quis obtinere vellet, illud non esse terram, & per consequens spiritum universalem terrificatum dici non debere, prout *Hermes* illud describit? Afferro autem, conversionem hanc fieri non posse, nisi per artificium facilioris quidem Præcticæ, difficillimæ autem perquisitionis. Est enim, sine mendacio, actus, qui humanas cogitationes superat, exhibere nempe oculis videndam & manibus tangendam primam istam materiam, quam tot viri doctrina in omnibus seculis famosissimi invisibilem & incomprehensibilem esse putarunt, imo etiam affirmarunt; per profundam nimirum theoriam de rei hujus excellentia bene discurrere laborantes, non autem, ut per effectus eam inquirerent & cognoscerent. Et certe inter tot curiosos viros, cum quibus per annos 40. conversatus sum familiariter, & ex quo tempore hujus materiæ cognitionem aliquam habui, ne sex quidem inveni, qui illam novissent.

Postquam igitur sufficienter declaravi, quomodo hoc Sal in terram versum sit, quæ est vera operatio operationum, restat adhuc demonstrandum, quod post conversionem virtus ejus integra maneat. Antequam tamen progrediar, conveniens & rationi consentaneum est, paucis referre, qua vi & virtute spiritus

ritus aut Sal illud prius dotatum fuerit, ut in eodem in terram verso easdem virtutes quæramus & inveniamus. Dicam igitur in confirmationem mei propositi, dubium non esse, nec ulla probatione indigere, quod cœli in continuo motu sint, necessario ad finem aliquem tendente. Quamvis enim naturaliter dici possit, finem ejus, quod movetur, esse, ire de loco ad locum, motus tamen propter aliam causam fit, & intentio motus non solum est, de loco ad locum moveri, sed moveri ad obtinendum effectum alterius cujusdam finis. Duo enim fines sunt, unus a Philosophis dictus finis, propter quem res fit, sicut finis generationis Platonis est anima Platonis, & finis, propter quem Plato virtutibus studuit, est beatitudo. Alter finis est ille, ad quem res præcedentis finis causa tendunt, sicut finis conjunctionis masculi & feminae est generatio, sed finis, propter quem generatio fit, est homo sive animal. Ita finis, propter quem Plato ex Græcia in Ægyptum proficiscebatur, erat, ut sapientiam disceret, finis autem profectionis Ægyptus erat, quam adire constituerat. Finis igitur motus cœlorum non est tantum, moveri de loco ad locum, sed ut eorum virtus in corpora inferiora influat. Si enim sibi quispiam influentias inutiliter fieri imaginaretur, & in loca extendi, ubi nihil eas recipere posset, error esset nimis crassus. Hic autem virtutum cœlestium influxus

influxus perpetuus & continuus est, qui  
 motus, per quem descendit, orbicularis est  
 semper a se incipiens & in se rediens. Et  
 hæc est ratio, cur res, quibus influit, & quod  
 inde prodit, ejusdem naturæ & qualitatis  
 sint, utpote indefinenter recipientes potenti-  
 am & multiplicationem harum virtutum,  
 quæ nunquam deficiunt. Et quia influen-  
 tia hæc non extenditur supra cælos, ubi, ut  
 dixi, nihil est, sequitur necessario, in rem ali-  
 quam inferiorem & corpoream fieri debere,  
 in quam agere possit. Nihil enim patitur,  
 quam quod corpus habet: quædam autem  
 corpus naturale aliud in mundo est, quam ter-  
 ra? nonne hæc est corpus corporum & sola,  
 quæ de seipsa subsistere potest, habens nimi-  
 rum omnes qualitates in corpore requisitas,  
 longitudinem, latitudinem, profunditatem &  
 superficiem? nonne subjectum aut præfixus  
 naturæ scopus est, in quo continue illa occu-  
 patur, ut corporificet & animet? ubi posset  
 illa opera sua complere melius, quam in cor-  
 pore terræ? Terra igitur solum illud corpus  
 inferius est, quod recipit cælestes influentias,  
 quarum virtutes & potentix sunt penetrare,  
 calefacere, purgare, separare, vivificare, aug-  
 mentare, conservare & restaurare. Non  
 opus jam est disputare, an astra & cæli cor-  
 pore suo in terræ corpus influant, experien-  
 tia enim, etiam sensuum testimonio, omnem  
 hanc dubitationem tollit. Hoc igitur tan-  
 quam

quam notum relinquens deducere solum conabor, quomodo illa influentias suas virtuosas perficiant. Dixi antea, eas directe deorsum tendere, & non sursum. Et quia inferius corporis alicujus sphaerici centrum ejus est, oportet igitur, ut in terram defluant, & in illa sola apicibus suis quasi insigantur. Terra enim verum centrum universi est, & punctum vasti hujus orbis, ad quod omnes horum influxuum lineæ collimant. Quia autem terra corpus solidum est, & omnium aliorum corporum soliditas ab illa provenit, necessario igitur requiritur virtus subtilissima, quæ illam per partes minimas penetrare possit. Cæli igitur, qui subtilissimam habent materiam, similes sibi virtutes producant, operationes enim ordinariæ qualitates corporis sequuntur, quod eas producit. Hæc autem penetratio nihil prodesset, & instar torrentis sese haberet, campum quidem percurrentis, sed ob cursus celeritatem superficiem non humectantis, nisi aliquandiu sistatur. Sed cum infallibiliter ad centrum usque vergat, & ulterius tendere nequeat, quia locum inferiorem non invenit, ad quem descendat, cogitur ibi subsistere & sese congregare. Hinc dixerunt quidam, fundum terræ pretiosissimum esse, quod omnes virtutes cœlestes ibi coeant & uniantur: quæ ibidem unitæ & coactæ infinitam habent potentiam, non solum quod continue affluant, quam quia a corporibus

his in virtute infinitis, incorruptibilibus, & indeficientibus oriuntur. Antiqui Poëta, qui fabulis involutos suos conceptus nobis de hisce rebus occultis reliquerunt, mundum in tres partes dividentes, Jovi, tanquam primo Saturni filio, cœlum assignarunt, (quanquam alii jus primogenituræ Neptuno tribuerint, electionem autem regni superioris Jovi, ob rationes quasdam sophisticas, proposito meo non necessarias,) Neptunum autem maris Dominum fecerunt, & quidem per sortem; Plutoni tanquam natu minori terræ hæreditatem assignarunt, qui tamen trium fratrum ditissimus fuit habitus, quod in ejus dominio omnes mundi thesauri continue nascantur, imo duos suos fratres tributarios sibi fecisse videatur in iis, quæ maxime exquisita possident. Inferni regem illum nominarunt, & Elisios campos, tanquam locum delitiosum, illi tribuerunt, ubi felices homines post mortem aulam ejus sectentur. Theologi etiam asserunt, in hoc eodem loco infernum esse, & animarum torturam, persuasi eo argumento, quod, cum verum sit omnium astrorum, natura sua igneorum, influentias ibi concurrere, ardorem etiam incredibilem adesse oporteat. Locus quidem iste absque dubio infernalis appellari potest, quia nihil illo inferius est: animas autem hoc igne torqueri, & ardorem ejus tantum esse vel esse posse, prout illi dicunt, a ratione longius recedere videtur, & a veris

a veris Philosophiæ axiomatibus. Præter-  
 quam enim quod animæ locum non occu-  
 pent, juxta ipforum confessionem, & post-  
 quam corporum suorum onus & carcerem de-  
 posuerunt, natura earum sit, sursum tendere  
 & evolare, propter spirituales suam levita-  
 tem, quæ plus de qualitatibus igneis, quam  
 de omnibus aliis participat, non possent eti-  
 am nisi cum violentia, nec in hoc loco sub-  
 terraneo, cum leves sint, submergi, nec utpo-  
 te simplices, actionem ignis pati, qui super  
 suum simile non habet imperium. Quare  
 igitur statuunt, eas ad hæc loca descendere,  
 ut ibi crucientur? nisi forsan grave peccato-  
 rum onus, quo implicantur, naturam illarum  
 deprimens in loca inferiora eas detrudat, &  
 ad terræ centrum descendere cogat: aut illud  
 ipsum peccatum sub dominium suum eas re-  
 degerit, & cum illis quasi incorporatum,  
 compositionem, nescio qualem, constituat,  
 quæ passibiles eas reddat, & actioni, non  
 quidem simplici & naturali hujus ignis, sed  
 alterius forte violentiæ a Deo ad hunc effe-  
 ctum creati & destinati, subjectas, & forsitan  
 hujus ignis, de quo loquimur, actione,  
 nempe ejus secreta & divina virtute duplica-  
 ta, quod quidem valde probabile est, & SS.  
 Scripturæ autoritate comprobari videtur. No-  
 lo tamen particularem opinionem temere  
 fovere, aut a fide orthodoxa me segregare,  
 cujus bono diu nunc vitam & parvam a Deo

mihi concessam industriam consecravi. **Dico** nihilominus, quasi in transitu, (ne longius a primo meo discursu recedam,) male concludi, quod cum in hoc loco omnes astrorum influentia concurrant, extremus ibidem ardor oritur, quod quidem libenter concederem, si ignis astrorum talis esset ac vulgaris, destruens & consumens, non vivificans, conservans, & nutriendus: si enim talis esset, ut vulgo creditur, non solum terra, sed & totum universum diu jam consumptum esset. Iste quidem influentia vere calefiunt in antiqui *Demogorgonis* sinu, verum ex calore vitali, & non mortali aut destruyente, qui virtutem ibi uniformem plantat, mediante calore illo per totum corpus terræ sese dilatantem, cum sit generationum prima causa motrix. Nec cogitandum est, calorem externum, a Sole provenientem, solum terram calefacere & generationem causare; videmus enim hyberno tempore, quando Sol longissime a nobis abest, eam plus caloris in sese habere, quam sub maximo æstatis ardore, prout experientia ex fontibus, cisternis & cellis profundis nos docet: ita ut tempore intensissimi frigoris hyberni metalla coqui & indurari non cessent, imo credibile sit eorum maximam immassationem tunc fieri, quia calor centralis reprimatur, & in terra retinetur, propter aeris & aquæ frigus, quod eam circumdat. Sol etiam Vere regressus & magis perpendicu-

laris

laris nobis factus non est vegetationis rerum causa principalis. Si enim hæc ab illo solo dependeret, dubium non esset, quin vegetationes, quo sublimior ille evaderet, proportionaliter ex crescente calore augmentarentur, cum tamen contrarium plane observetur. Sed quia simile libenter suum simile attrahit, & uno recedente alterum etiam recedit, Sol radiorum suorum magnetica virtute, calorem Solis centralis, ad interiora terræ frigoris asperrimi rigore detrusum & compressum, attrahit & revocat, qui, ad superficiem ascendens, rebus omnibus vegetativam virtutem reddit. Non igitur externus Solis celestis calor est, qui profundum terræ calefacit, sed potius Solis terrestris innatus calor; duplex enim est calor, unus reverberationis, qui externus est, alter influxionis & penetrationis; qui internus est, de quo jam loquor, cujus natura est vivificare, augmentare, conservare per sustentaculum radicalis humoris in hoc igne contenti, cujus mentionem in præcedenti capite feci. Atque ut magis stabilietur, hunc centralem ignem extreme intensum non esse, aut ad tormenta & combustionem aptum, videmus omnia astra influxibus suis non vergere ad calorem, eorumque solam naturam non esse, ut calefaciant. Saturnus enim frigidus & siccus est, Jupiter calidus & humidus, Mars calidus & siccus, Sol calidus & siccus, Venus frigida & humida, Luna hu-



mida & frigida, Mercurius autem naturam  
 omnium habet, & cunctis varie accommoda-  
 tur. Facile igitur judicari potest, omnes influ-  
 entias temperatum calorem ex quatuor qua-  
 litatibus generare, quæ sunt calor, siccitas,  
 frigus & humiditas: quibus convenientibus,  
 necessarium est locum, in quo conveniunt,  
 eas cum sua temperatura in se continere. Va-  
 por igitur ille aut spiritus, ex centro egredi-  
 ens, participat de hisce quatuor, & hinc omnes  
 qualitates simplicium originem sumunt, quo-  
 rum aliqua calefaciunt, quia calor in illis do-  
 minatur, alia siccant, quia siccitas superabun-  
 dat, alia humectant & refrigerant, secundum  
 eopiam aut inopiam frigoris & humiditatis in  
 illis existentem. Ex altera parte Astra in cen-  
 trum plures adhuc alias naturas aut qualita-  
 tes, quam hæc projiciunt, dant enim origi-  
 nem suam saporibus, coloribus & odoribus,  
 quales in omnibus rebus gustamus, videmus  
 aut tangimus. Dico igitur, astra terram in  
 centro suo calefacere, & consequenter spiri-  
 tum originalem, ibi habitantem, participare  
 de illo calore. Et quia naturalis potentia  
 caloris est separare, cum eadem etiam in-  
 fluxione descendere hanc virtutem separati-  
 vam, quæ purum ab impuro segregat, subtile  
 a grosso, leve a gravi, & dulce ab amaro.  
 Qualis separatio, quæ purgativa dici potest,  
 causa est, quod omnes res naturaliter & de  
 seipsa excrementa, quæ non sunt de substan-  
 tia

tia sua specifica, rejiciat; quod equidem maxime necessarium est, nihil enim in mundo existit, in quo excrementa substantiam naturalem non excedant; & omne, quod videmus & tangimus, nihil aliud est, quam excrementum substantiam occultam obumbrans. Quod clare in cibis, quibus vescimur, animadvertere possumus, quorum massa non convertitur aut transubstantiatur in nostram carnem, sed per loca huic negotio destinata evacuat: natura vero ex illa succum invisibilem & spiritualement tantum attrahit, aptum, ut in carnem & substantiam nostram congeletur. Possumus similiter dicere, quod massa hæc terrestris, quam pedibus calcamus, nihil aliud sit, quam excrementum primæ substantiæ, in limbo chaotico unitæ, circumquaque centro circumfusum, & æquali proportionem concretum, unde sphaerica, hæc rotunditas provenit cum æquilibri substantia, quæ facit, ne moveri aut cadere possit. Cum enim jam locum infimum possideat, nunquam ulterius aut alio tendere possit, nisi ut iterum ascenderet, quocunque latere hoc fieret, quod naturæ ejus plane repugnaret. Videmus lineas a qualibet parte, superficie circuli ad centrum, (nimirum ad punctum suum cadentes,) alio non posse abstrahi, nisi ascendant rursus ad locum, unde descenderunt. Interim non dico, terræ corpus aliud nihil esse, quam excrementum. Licet

enim tota excrementitia appareat, latet tamen sub ejus excrementis substantia pura, quæ tota spiritualis cum sit, absque corporis alicujus administratione substantialis fieri nequit, prout in omnibus rebus productis cernimus, quarum semen & prima materia invisibilis est; & tamen massa quadam corporali ipsi congenita portatur & continetur, quia sine excremento nihil corporificatur. Quæ de causa substantia hæc in rerum generationibus a corpore terræ per operationem caloris influxi separata est, nihil de illa terra accipiens aut retinens, sed pro sustentaculo tantum suo illam adsciscens. Quæ etiam ab initio mundi usum non habuit illum, nisi ut receptaculum & officina influentiarum cœlestium, sive ut melius dicam, vas quoddam esset, ubi materia hæc spiritualis operationes suas absolveret, ut infra sequenti capite clarius & evidenti demonstratione ea de re tractabitur, ubi de separatione largius agam. Veruntamen parum procul dubio separatio proderet, si post eam res separatæ inutiles & sine actione manerent. Naturæ scopus, ad quem tendit, est, ut in separatione vivificet, & mortem evitet, quæ non aliunde, quam ab excrementorum abundantia, puram & naturalem substantiam suffocante, provenit; intelligo autem, mortem naturalem, non vero violentam aut coactam. Quod si rerum semina in hac excrementitia terra semper sepulta manerent, nihil

certe in lucem prodiret, aut vitæ benefici-  
 reciperet: ast celestis virtus vitali sua in-  
 tentia extrahit illa, tanquam spiritum pri-  
 vum, & hic virtute illa plenus promovet  
 & dilatat ea in omnes species, & unamquam-  
 harum, prout natura & compositio ea-  
 requirit. Vivificatio igitur a purifica-  
 eprovenit, quam astra influxu suo effici-  
 eum quo simul virtus augmentativa & re-  
 rativa descendit. Quia enim in continuo  
 u sunt, continua quoque influxionum,  
 one occupantur, & per consequens perpe-  
 etiam vivificatione, vitam vitæ indefinen-  
 addendo; ubi fieri non potest, quin  
 mentatio una cum conservatione & re-  
 ratione insequatur, & una quidem per in-  
 tiens vitæ sustentaculum, altera autem  
 infinitam restitutionem ejus, quod in spe-  
 cun generationes impenditur & consumi-  
 prout id ipsum manifeste in hac prima ma-  
 corporificata apparet, quæ impragnatio-  
 celesti gravida facta, ex seipsa viva qua-  
 & inexhausta alimenti & augmenti sca-  
 tagine nutritur, crescit & multiplicatur.

Et hac de causa nominatur Draco aut Ser-  
 pēs in seipsum sævius, vegetabilium instar  
 perrenascens & germinans; ubicunque  
 quam sit, ita quidem, ut si quodam in loco se-  
 nel irradicetur, nunquam ibi futura sit ejus  
 inopia, quantumcunque etiam lavetur aut  
 comburatur, quod quidem evidens & certum

E 4      signum

signum est, ex quo hæc prima materia rite agnosci potest. Hæ igitur sunt principales virtutes, quas spiritus ille universalis a mundi initio ab influentiis cœlestibus recepit, & ad finem usque recipiet, semper per effectus mirabiles in omnibus membris magni hujus corporis universalis produciens & producturus. Sed quæri posset, cur hæc prima materia, quam tam puras & potentes influentias a cœlo recepisse dixi, tot vitiosis qualitatibus ordinarie conspurcata sit, & quomodo illas receptas retineat, cum tamen indefinenter separationis, vivificationis, augmentationis, conservationis & restaurationis actionibus incumbat? Si enim non separat, necessario mortificabit; & si non augmentat, conservat & restaurat, oportet ut diminuatur, destruat & debilitet, quod tamen, ut vere dicam, nunquam facit. Ad quod respondeo, astra duplicem habere influentiam, unam naturalem, & alteram accidentalem. Naturalis illis innata & in prima creatione communicata fuit, & est gubernatio illa universi, de qua Hermes in Poëmandro loquitur, per quam illud in suo esse conservant, defendendo & conservando idem per virtutes suas a destructione, interitu & annihilatione virtutum influentiæ hujus, quibus spiritus universi, ut videmus, continue dotatus & provusus est, qui eas applicat, & in omnibus rebus, quibus incrementum & subsistentiam communicat, spectandas exhibet. Acciden-

cidental<sup>is</sup> vero astrorum influentia illa est, quæ præter naturam illis per diversitates situationum & aspectuum accidit: & hæc omni momento mutationi subjecta est, ita, ut nunquam æqualis maneat, atque hæc in effectus tantum materiæ potentiam habet, & non in materiam ipsam. Quæcunque enim, etiam maligna, influentia incidat, videmus tamen, terram in suo centro non intermittere suas operationes, ut convenienter eas absolvat, & continue animalia, vegetabilia & mineralia producat. Quod si interdum mortificationes accendant, illud tantum a malitia aspectus oritur, qui non nisi superficiem corporum tangit, h. e. massam excrementitiam, & non substantiam interiorem, quæ res ipsa est. Et certe hoc accidens mutatur, ita ut hæc influxio interdum unam rem, interdum autem aliam plane contrariam, operetur, quod naturalis & principalis nunquam facit, quæ in puncto suo fixa & permanens manet. Inde conclusio desumi debet, quod materia prima, tanquam simplex, de se non recipit, nisi virtutes cœlestes, quas etiam in terrificatione sua adhuc retinet & conservat. Declarandum vero est, quomodo illas retineat, ut *Hermetis* illud probari possit, quod *vis ejus integra maneat, cum in terram conversa fuerit*, quia nempe omnes virtutes cœlestes descendunt & in terræ centro conveniunt, & cursus earum non tendit, nisi ad informationem materiæ, quæ est instar receptaculi su-

premarum idearum. Eadem ista materia formarum plena existens, non quidem actu sed potentia, per innumerabiles specificationes diversificatur, atque ita proprie non est corpus, sed quasi corpus & continuus corporis comes, qualem informationis desiderio semper appetit, & ad quam fine intermissione tendit & movetur. Et hic quidem motus actione ignis cœlestis illi accidit, quem antea primum motorem in chao esse dixi. Quod prisci Poëtæ, Orpheus & Hesiodus, sub nomine *Amoris* descripserunt, *Ronsardus* autem, *Galicus* *Homerus* aut *Pindarus*, vix imitando carmine ita cecinit :

*Je suis Amour, le grand maitre des Dieux,  
Je suis celui, qui fait mouvoir les Cieux,  
Je suis celui, qui gouverne le monde;  
Qui le premier hors de la massa éclas,  
Donnois lumiere & fendois le cahos,  
Dont fut bati cette machine roud.*

Quod Latine ita reddi potest:

*Ex vulgo rudior si quis me nosse negaret,  
Amor quod almus sim sciat.*

*Imperium cujus veneratur Iupiter, & cui  
Dii Deæque subjacent.*

*Is sum, qui moveo cœlos, rutiloque capistro  
Stellas & astra dirigo.*

*Is sum, qui moderor magna telluris habenas,  
Et quicquid orbis continet.*

*Primus*

*Primus ego, massa tenebrosa exclusus, in auras*

*Lumen coruscum detuli,*

*Imo ego divisi vastum Chaos, unde creata est*

*Mundi rotunda machina.*

Cum igitur hæc materiâ ex sua propria natura & desiderio ad suam corporificationem vergat, quis rationabiliter dicere poterit eam, dum corporificationem assumit, a natura virtutibus ipsis corporificationem causantibus privari & exui? & quia, dum corpus accipit, in terram primo & proxime convertitur, quis terram hanc iisdem virtutibus dotatam esse negabit? licet enim ratione commixtionis & concursus elementaris impuritates quasdam habeat, in profundo tamen sui semper pura est, ita ut post ejus purificationem etiam ignis, (potentissimum alioquin & magis activum omnium elementorum,) in illam nullam amplius habeat potentiam destructivam, quia hunc in perfectione & subtilitate vincit. Inde tam subito corpora penetrat, vivificans ea & augmentans in virtute, restaurans & conservans in illis, quod de sua natura est, nempe humidum radicale, quod subtilitate sua ignea ab excrementis connatis, illudque suffocantibus purgat & separat: ut uno verbo dicam, est illa ipsa excellentissima medicina, quam *Siracides* (a) ex terra extractam esse dicit, & quod *homo prudens eam non aspernabitur*. Est insuper  
Sal

(a) *Cap. 38. v. 4.*



*Sab illud pretiosum, cui magnus ille Doctor Doctorum (b) Apostolos suos comparabat, tanquam thesauro exquisitissimo a cœlis producto. Potuisset enim æque dicere, Vos estis adamantes, rubini, perlæ, aurum & argentum terræ, nisi scivisset omnes hæce res, quanquam admirabiles, nihil in se continere, quod cum Sale hoc generali conferri possit, cui soli gloriosæ suæ perfectionis homagium debent. Medicina hæc instar ignis operatur consumendo impurum, quod a puro per disgregationem partium heterogenearum, & adoptionem homogenearum separat. Quia igitur cœlum virginem hanc in utero terræ generavit, optime jure parentum suorum virtutes connatas retinuit. Et sicut infans, qui naturaliter de patris & matris humoribus, per commixtionem seminum, ipsorum, participat, ab antiquis sapientibus vocabulo, ex amborum progenitorum nomine proprio composito, appellatus fuit Androgynus, quæm Poëtæ Hermaphroditum vocarunt, quia nec masculus nec femella dici potuit, utpote, nec hoc, nec illo sexu aliquem generandi effectum habens, ita conveniens est, ut huic virgini nomen uranogææ, aut cœli terrificati, tribuatur, quia licet terra existat, virtutes tamen cœlorum continet, & indissolubili vinculo connexas sibi habet, quarum admirabiles operationes videndas exhibet. Quæ de re in præcedentibus sufficientem declar-*

(b) *Matth. V, 13.*

clarationem iis feci, qui, nobilis ingenii sui lumine freti, horridas nigræ sylvæ spissitudines petrumperere satagunt, vel, ut *Virgilius* ait, *quibus obscurum terra Chaos feliciter ingredi cælum conceditur.*

## CAPUT III.

*De separatione ignis a terra, subtilis a spisso, & qua industria fieri debeat.*

**N**ATURA sagacissima operatrix per suas proprias operationes docet nos, quod in omnibus rebus finis considerandus sit, ad quem pervenire contendimus, & postea, unde operationes nostras incipere debemus. Prudens igitur secretorum naturalium inquisitor veram cognitionem habere debet principiorum, progressus & qualitatum materiæ, tam internarum quam externarum, ne finem cum principio confundat, si excellens quoddam opus perficere constituit, aut per regimina phantastica & calles incognitas a via regia, quam natura a primis mundi fundamentis tenuit, abstrahatur. Divino *Hermeti* optime cognita fuit hæc via, propter scientiam perfectam, quam de constitutione universi habuit. Cupiens igitur per artem sequi vestigia naturæ, prudentissime sibi imaginatus est, quod terra omnium rerum principium sit, & prima creatura, quæ per separationem

rationem in ventre Chaos creata fuit. Quae de causa tam discrete arcanorum naturalium sacrarium per terrificationem materię hujus primę ingressus est, quam antea in matrice terrę nutriri dixi. Sicut autem Architecto non sufficit, habere materialia ad construendum ædificium, nisi simul modum ædificandi & scientiam habeat, eadem ad opus suum adaptandi, ita etiam *Hermes*, non contentus materiam convenientem agnovisse, diligenter inquisivit & didicit modum, quo opus suum ad imitationem summi Physici in creationem mundi ad finem propositum deducere posset, formans nempe ex illa parvum mundum, cui omnis majoris mundi virtutes inclusit, utpote ex quo & ad cujus formam illum formaverat. Considerans igitur illud, quod faciendum sibi proposuerat, rem esse perfectissimam, & quod a rebus inferioribus & adhuc grossis incipere, oporteat ad obtinendam hanc perfectionem, videlicet a separatione partium superfluarum & operi inutilium, ad evitandam ejusdem ruinam primo naturas contrarias dividere voluit. Ubi vere dici potest, quod, secundum adagium, avem per pedes ceperit, atque ita per veram portam, directę ad sacrarium secretorum naturę conducentem, introiverit. Separatio enim initium est omnium rerum, & prima operatio corporis universalis confusa, membra segregans. Per divisionem difformis massę chaoticę primo ordo & forma elemento-

mentorum clarescere & in ordinem redigi coepit. Nam absque hac separatione dies & nox, Sol & Luna, hyems & æstas ad hoc usque tempus una res essent, metalla & mineralia tam diversa uno contingerentur corpore, & omnia vegetabilia uno semine. Necessarium igitur erat, ut natura ordinem illum pulcherrimum & distinctionem, qua universum hoc, adeo condecorari cernimus, per opus separationis inciperet. Verum ut ad particularia descendamus, consideremus, quomodo docta hæc operatrix omnes suos labores hinc, inde Generationes nec initium nec finem capiunt, nisi per separationem; per separationem alimenta omne corpus augent & conservant. Et si huius argumenti probationem per singulas species latius deducere vellem, procul dubio me confusione ipsius chaos intricarem, unde propter infinita exempla exitus nunquam mihi pateret.

Ponam igitur hoc primum fundamentum, Naturam omnes suas actiones a separatione incipere. Quia vero illud novisse non sufficit, si nescimus, quas res separet, & unde illa vis separativa proveniat, oportet hanc materiam paulo exactius discutere, ut discursus meus regulariter & ordinate procedat. Prius tamen quam dispositionem illam aggrediar, consultum puto, definitionem quandam separationis proponere, & quot ejus sint species declarare. Separatio igitur in genere nihil aliud est, quam

quam divisio & distinctio rerum dissimilium, sicut cœli a terra, Solis & Luna, & aliarum rerum antea dictarum, ut & puri ab impuro, caloris a frigore, sicci ab humido. Ex hac autem definitione duas species separationis adducam, quarum prima erit rerum simpliciter differentium & non contrariarum, ut partium mundi, quæ a primo Chao separatae fuerunt; vel ut ad particularia accedamus, sicut ligni a cortice, foliorum a fructibus, radicum a ramis. Hæc autem species simpliciter dicetur distinctio, quia revera hæ partes non sunt divisæ, nec una ab altera separata, sive membra principalia mundi consideremus, sive particularia. Quanquam enim terra & cœlum separata videantur ratione situationis, nempe superioritatis aut inferioritatis, non tamen ab invicem divisa sunt, cum inter ea perpetua sit connexio & cognatio, sicut ex multis locis hujus libri colligi potest. Unde *Homerus*, non minus in Philosophia quam in Poësi admirabilis, dixit, terram cœlo catena aurea alligatam esse. Veruntamen ut exemplum antea dictum retineam, folia & fructus, lignum & cortex, rami & radices non sunt separata & divisa, sicut contraria, sed distincta tantum & horum quodlibet in suo loco & ornatu; habent interim certam quandam affinitatem & colligamentum mutuum, ita quidem, ut, unum alterius locum non occupet, sed inter se

se consentiant, sese juvent, & unum alterum supportet.

Secunda species separationis est solutio aut distractio rerum totaliter dissentientium, contrariarum & superfluarum, quæ connexionem nullam habent naturæ cum substantia rerum, sicut puri & impuri, frigidi & calidi, grossi & subtilis, & similia rerum. Non quod velim dicere, has res non posse simul stare, sed quod earum unio & mixtio propter suam diversitatem causet destructionem, vel saltem actionem virtutis naturalis, puræ substantiæ innatæ, impediat. Et hæc species separationis propriè divisio vel decisio dici debet, qua natura in omnibus suis productionibus utitur, ut proprias actiones & virtutes cujuscunque rei liberæ reddat. Prima igitur est tantum distinctio partium in situ & figura vere dissimilium, in virtute tamen & substantia, homogenearum. Certum enim est, quod lignum, cortex, & omne id, quod in arbore est, de virtute innata participet, quæ illi propriè particularis est, generalis autem omnibus ejus partibus. Quod autem subalternas alias attinet, potest ibi esse dissimilitudo, ut nimirum plus vel minus de substantiis recipiant, sed non de contrariis. Unus enim idemque effectus non producit res ex diametro adversas in eadem materia: ex salutari certe planta non promanat vis venenosa, quamvis ea salutaris sit uni corpori, mortalis autem sit alteri; sicut veratrum

F

nutrit

nutrit & impinguat coturnices, hominem autem interficit. Has interim contrarias vires in uno eodemque subiecto exercere non potest, ut nempe veratrum coturnicem nequeat nutrire & interficere, nec hominem simul intoxicare & nutrire. Virtus igitur plantæ propria in tota planta est, quælibet autem pars plantæ in situ & figura alteri dissimilis est, sed non contraria in virtute & substantia: folia enim & fructus sunt de plantæ substantia, & de virtute ejus plus vel minus habent. Posset hic quispiam objicere, quod brassica duos diversos effectus producat, secundum vulgi opinionem, qui asserit decoctum ejus alvum laxare, pulpamentum autem eandem obstruere. Ad quod respondeo, si proprium substantiæ hujus plantæ est laxare, impossibile etiam est, ut astrictio inde sequatur: nam, ut verum dicam, pulpamentum illud, post decoctionem reliquum, non est de substantia, quemadmodum patet ex digestionem stomachi, qui substantiam quidem brassicæ in alimentum accipit, magna autem, tanquam excrementum nullius virtutis nutritivæ particeps, abjicit, quæ virtus tota in substantia est, & in qualibet ejus parte. Substantia enim hanc habet proprietatem, ut contrarietatem nullam in se recipiat, sed tantum plus & minus; quod tamen de actionibus & viribus ejus intelligo, & non de essentia. Pro exemplo fit homo, de quo dici potest, quod in unaquaque parte hominis non

non magis vel minus homo est quam alius ;  
 Interim tamen videmus, quod virtutes & acti-  
 ones hominis in uno quam in altero, & in hoc  
 membro quam in alio, excellentiores & po-  
 tentiores sint. Idem observatur in simplici-  
 bus aut plantis, in quibus partes plus vel mi-  
 nus calidas aut frigidas, siccas aut humiditas, &  
 eadem tam in hac quam in illa videmus, id  
 quod colores & sapes earum manifestum  
 faciunt, & tamen in hisce rebus nulla est con-  
 trarietas. Non enim invenimus unam partem  
 plantæ interficere aut intoxicare per nimium  
 frigus, alteram vero curare per nimium suum  
 calorem ; hoc tamen experientia nobis de-  
 monstrat, quod flores & summitates ramo-  
 rum in actione & virtute subtiliores sint, quam  
 truncus aut partes inferiores, quia in qualibet  
 substantia proprium est, partis purioris sur-  
 sum ascendere, & impurioris inferius & prope  
 excrementa manere. Quod quidem natura  
 duas ob rationes praticare voluit, quarum  
 una est, ut ornaret plantam & per digestionis  
 suæ varietatem visui gratam efficeret ; altera  
 autem, ut hominibus aut animalibus submini-  
 straret id, quo plus vel minus ad essentia suæ  
 conservationem opus habet ; ea sane in re so-  
 licitam matrem referens, quæ omnes res ne-  
 cessarias & convenientes præparat, quamlibet  
 secundum suum gradum, prout industria aut  
 possibilitas suggerit. Nunquam enim simpli-  
 cem perfectionem excedit ; sicut in herbis flo-



res & semina perfectissimæ partes sunt, quas elaborare potuit, quales deinde ars, incipiendo, ubi natura substituit, ad altiore perfectionis gradum deducit, & quidem per eandem viam, qualem natura tenuit, per separationem nempe, ut postea latius explicabitur.

Natura igitur prima hac separationis specie nihil aliud facit, quam res distinguere in, subjecti sui ornamentum & animalium utilitatem, aut alias partes mundi, inter quas cognitionem & reciprocam amicitiam sevit & plantavit, ut omnes secundum naturam & sympathiam suam mutuo sibi succurrere & inservire possent. Secundus autem separationis modus diversus est; per eum enim natura, aut ars, ad ejus imitationem, res contrarias ab invicem dividit & segregat, h. e. abstrahit a substantia id, quod non est de ejus essentia, sed ei adversatur potius, cum illa tamen habitans, quamvis non sit de illa, sicut purum cum impuro, subtile cum grosso, substantia cum excremento. Et hæc secundæ separationis species etiam duas ob causas fit sicut prior: una, ut pura substantia a corruptione & morte præservetur; altera, ut virtutes & actiones suas liberius proferat, utpote a grossis facibus liberata. Impurum enim occupans & implicans id, quod de substantia purum est, eique admixtum, non cessat hoc opprimere, donec plane tandem superaverit & suffocaverit, eaque ratione corruptioni mortali initium & accessum præbens,

præbens, quæ alioquin res simplices & puras nunquam aggreditur, sed spurcas & compositas. Omnis igitur substantia de seipsa simplex & pura est, & per consequens corruptioni & morti non subjecta, ut in rebus & corporibus superioribus, ab omnibus excrementis liberis, videmus. Inferiores autem eo modo non se habent; jacent enim in medio sæcum impurarum hujus mundi, quarum natura est destruere & mortificare, cum puritatis proprium sit vivificare & conservare. Corruptiones & mortificationes hominibus per mundi sæces accidunt, in quibus brevementem & labariosam vitam transigunt, plenam miseriis, fastidio & morbis, eodem fere modo, quo criminis alicujus reus obscuro & turpi carcere detinetur, ubi inter mortem & spem vitæ dubius, squalens foetore, scatens vermibus, & cibis immundis aut corruptis insuper nutritus jacet. Omnia enim alimenta impura sunt, & vitæ carnificem tecum portant, venenum nempe in illis latitans, unde mors tandem, propriarum quasi manuum proditiōe & spontaneo assensu introducta, finem nobis imponit, cum in se non habeant nisi parvam admodum quantitatem substantiæ vivificantis & nutritis, eamque adhuc excrementis adeo obrutam, ut vix digestio ventriculi, quantumvis valida, eam attrahere solam possit. Hoc venenum igitur una cum substantia ingrediens atque corpus pénétrans non cessat aug-

mentari & accumulari, donec vitale lumen, obscuraverit & tandem extinxerit, seu potius naturæ actionem legitimam, quæ vivificatio est, aboleverit, nisi medicina & separatione retardetur aut suspendatur.

Ab excrementis igitur inducitur corruptio, & hæc duobus modis accidit, primo per semen parentum, qui cum non satis bene valent, & naturam corruptam habent, impurum etiam, corruptumque semen producunt, de generatione in generationem magis degenerans; medicamentosæ tamen correctioni subiectum, cujus beneficio corruptionis activæ, ad mortificationem tendentis cursus retardatur, & aliquo modo sistitur. Posset non admodum improprie hæc corruptio dici maledictus ille Satanas mundum circumiens, & indefinenter quærens, ut homines devoret: quæ etiam de causâ circa globum terrestrem vagatur, h. e. circa excrementa mundi, quæ principalem sedem in terra habent, quæ & ipsa corruptionem suam super alia elementa eructat: atque ita homines de illis & in illis viventes, in illis & per illa corrupti sunt, atque adeo corruptum semen habent, quod cum tempore semper magis ac magis corrumpitur. Nostra enim ætas magis vitiosa & dissoluta, quam antecessorum nostrorum, fecit statum nostrum pejorem illo, quo parentes nostri vixerunt, & post nos alius magis depravatus, & postea forsân, adhuc alius dissolutissimus insequetur.

**Secundus**

**S**ecundus modus corruptionis, & origo ejus ex alimentorum nimis excrementitiorum, continuo usu oritur, ex quo corpora nostra depravantur, ita ut hæc infectio de parente in filium derivetur, quemadmodum in lepra aliisque morbis hæreditariis videmus. Hæc vero alimenta corruptionem suam a loco generationis trahunt. Postquam enim summus creator omnium rerum confusionem chaoticam disposuisset, ordinavit, ut res superiores manerent puræ & subtiles, inferiores autem grossæ & impuræ, quia natura substantiarum est, ascendere ad locum originis suæ, excrementorum autem ascendere & ad centrum vergere. Hinc accidit, ut purum, quod animalibus & vegetabilibus inest, elevetur & superiora petat, atque eadem secum ascendere & crescere faciat, usque dum a massa excrementitia liberetur, quæ illud purum corruptioni mortali subicit & alligat, atque insuper, ut possit attingere locum, ubi longissime ab excrementis absit, atque sine alteratione & labe vivere possit. Eadem etiam de causa creaturæ magis spirituales & subtiles altiora loca occupant, veluti magis depuratæ, & alimentis sibi convenientibus ac naturali earum substantiæ similibus vivunt, quæ vero magis corporales sunt, inferiora loca inhabitant, immerisæ fæcibus & immunditiei, in locis humilibus sedem suam habentibus, unde etiam corrumpuntur & ex eo vivunt, quod fæcibus

mundanis immixtum & intricatum est. Quicquid enim terra & cætera elementa, (impuritatibus receptacula,) producere possunt, corruptum & maculatum est, corruptionem per consequens & spurcitiem omnibus rebus, quibus pro alimento est, inferens. Atque hoc modo sanguis malam dispositionem acquirit, unde postea maligni humores sortiuntur, in uno tamen plus & in altero minus, secundum parentum statum inquinatum, & ab usum rerum corruptibilem, a quibus destructionis & mortalitatis causa procedit. Si enim terra, ejusque fructus æque pura essent ac cælum, animalia etiam omnia eadem viverent vita, qua cœlestes inquilini vivunt. Verum natura hanc legem necessariam stabilivit, ut illud, quod plus de corpore habet, maxime etiam corporeum circum habitet, & quod magis corruptibile & inquinatum est, circa illud, quod sibi simile est. Terra autem omnium corporum inferior est, adeoque magis grossa & corruptibilis. Nihil ergo ex illa prodire potest, quod ei non sit simile, nisi separationis ars interveniens corruptionem & impuritatem auferat, extrahendo quicquid puræ substantiæ in corpore est, quod etiam verus Philosophus industria sua perficere potest. Nunquam fuit, nec adhuc est intentio mea, ut Medicos offendere velim, quibus debitum potius honorem defero, miror tamen cum multis viris doctis, eos majori cura Apothecarios non

non instruere, ut in præparatione medicamentorum magis curiosi sint, cum tamen in vulgari procedendi modo toties successu optato frustrari se videant. Volunt enim corpora ægra & debilia curare & restituere offerendo illis jusculorum magnam quantitatem, quibus tanta impuritas & grossarum facum copia immixta adhuc est, ut parum illud substantiæ, in qua sola virtus curativa latet, in suo veneno submergatur, & actionem contra morbum nullam habeat, natura etiam actionem juvare non possit, quia ipsa succumbere in hoc conflictu cogitur, hinc ratione impuritatum remedii, illinc autem morbi causa. Idem igitur est, ac si quis corruptionem armis aut mediis corruptis & corrumpentibus abigere vellet, quod ego quidem impossibile esse puto: ut enim *Petrarcha* dicit, *a pluviis nunquam flumina exiccata fuere, nec ignem per flammam extinguere, & corruptibile corruptibili additum corruptionem augere.* Ægri etiam vires admodum debilitatis alimentis instaurare conantur, quæ facilis digestionis, minorum impuritatum, & corruptioni adeo subjecta non esse credunt; sed non considerant, hoc etiam modo parum se proficere, atque alimenta, quantumvis electa, prodesse tamen admodum non posse, quia cum actionem aut potentiam destructivam, ad exterminationem aut saltem causarum morbificarum minorationem, nullam habeant, pro sustentaculo tantum serviunt

vitæ miseræ ex debilitate fere collapsæ, quæ  
tamen ideo ab expiratione aut morte libera,  
nondum est, nisi natura sponte assurgat, ac de  
inimici sui mortalibus machinationibus se  
objiciat, aut medicamentis forsitan exquiri  
artificis magna industria ad puritatem & per  
fectionem supernaturalem reductis, adjuvet  
tur, quorum virtus a corruptione libera vigi  
rem pristinum restituat, & hoc modo origi  
nem morbi eradicare valeat. Omne enim ve  
rum medicamentum duas hæc operationes  
perficere debet, ut simul purget & vires instau  
ret: in quo totius Medicinæ ars & fundamen  
tum consistit, quanquam hodie dictarum dua  
rum partium minor tantum in usu sit, purga  
tio nempe; magis autem excellens restaura  
tio fere abolita, & per inertiam aut avaritiam  
neglecta jaceat. Quod hoc ita sit, ex quibus  
dam portionibus intra corpus assumptis appa  
ret, quæ aliud effectum non habent, nisi ut  
ventrem laxent & sæpius purgent, non qui  
dem id, quod causa mali est, sed materiam,  
quandam excrementitiam cum morbo nihil  
commune habentem & interdum propter sim  
plicia male præparata aut dispensata, aut im  
pertinenter adaptata superfluas evacuationes  
causentur, naturam jam ante debilem non si  
ne periculo offendentes, quæ quidem enerva  
ta magis tam propter vacuum, a quo abhorret  
super omnia, quam propter motum violentum  
in hisce purgationibus contingentem,  
atque

Atque hinc necis magis quam curationis cau-  
 sam existentem, quem etiam violentum mo-  
 tum non minus detestatur quam vacuum, est  
 eorum impatientissima ad horum duorum ho-  
 minum juratorum insultus, destructionem ei  
 inferentes. Ea de causa Medicina vulgaris  
 morbos obstinatos compositionibus suis com-  
 muni modo præparatis raro curat, & si inter  
 multos unus forsan curatur, non hoc accidit,  
 per pilulas, bolos & portiones, sed per vires  
 naturæ, quæ sufficiens est ad devincendam im-  
 puram quantitatem immixtam his remediis,  
 & commodum aliquod in suum subsidium ex  
 pauca eorum substantia extrahendum; sive  
 quod qualitas venenata harum rerum excre-  
 mentitiarum & corrumpentium robore na-  
 turæ expulsa & rejecta ejus sit potentia, ut se-  
 cum portionem aliquam humoris peccantis,  
 sibi similem, per attractionem & sympathiam  
 extrahat & deturbet. Atque ita tale medica-  
 mentum extraneum impugnando corpus na-  
 turæ etiam movet, quæ irritata & ad resisten-  
 dum huic suo inimico parata rejicit & violent-  
 ter impugnat id, quod sibi noxium & contrari-  
 um est. Si igitur omne medicamentum con-  
 veniens & non adversum naturæ esse debet,  
 oportet ut a veneno suo, h. e. a massa excre-  
 mentitia & corruptibili illi adhærentes, repur-  
 getur. Qua de causa Medicus primo res elige-  
 re debet corpori humano convenientes &  
 sympathiam cum eo habentes, & hæc ab  
 impu-



impuritatibus liberare, aut eas saltem accipere, quæ naturaliter virtutem generalem & puritatem innatam, atque in interiori suo occultam continent. Quæ purificatio aliter fieri non potest, nisi per destructionem & separationem impuri noxii, & restaurationem puri, quod sub immunditie sepultum aut suffocatum jacebat.

Quia vero professio mea non est medicinam facere, ulterius ea de re tractare superse-  
debo, atque viam repetam a qua per occasionem paulo declinaveram. Dico igitur, cum in rebus inferioribus nihil sit nisi veneno infectum, fæcibus immersum & in excrementorum corruptione quasi sepultum, quæ mortificationem generat, & legitimæ substantiæ libertatem ejusque actiones impedit, naturam necessitate quadam coactam fuisse, separationis remedium adhibere, quæ per divisionem & decissionem puri ab impuro, subtilis a grosso, salutaris a destructivo perficitur. Quia vero mirabilis hæc operatrix hujusmodi operationes in occulto facit, laborando in corporibus per secretam digestionem, ita ut nunquam perfectionem simplicem excedat, ad quam absolvendam ejus tantum potentia extenditur, unde etiam alimenta corporalia non possunt corpora, quibus inclusa sunt, ad supremum proprietatum suarum gradum conducere, Philosophi prudenter conati sunt, totaliter hanc substantiam a massa corrupte  
 pente

pte separare, & post hanc separationem per  
 sam naturæ, digestionem nempe & sublima-  
 tionem, ad summum gradum puritatis evehe-  
 re, acquirendo illi per regenerationem for-  
 mam novam, ita ut rebus primam suam natu-  
 ram, qualitates & proprietates abstulerint,  
 mutantes, ut melius dicam, corpus impurum  
 in spiritum puritate plenum, humidum & fri-  
 gidum in calidum & siccum, atque illud ipsum  
 non solum in speciebus & simplicibus, sed  
 etiam in magno mundi composito, quod spi-  
 ritus noster universalis est, practicando. Nisi  
 enim natura rerum universalis renovetur, im-  
 possibile est, ut ad statum incorruptionis & re-  
 novationis perveniat. Regeneratio igitur pri-  
 mus fructus est, quem separatio producit.  
 Sicut vero granum de seipso generare nihil  
 potest, nisi moriatur & in terra putrescat, ita  
 impossibile est, ut quidpiam renovetur & re-  
 generetur, nisi per præcedentem mortifica-  
 tionem. Mortificatio igitur primus scilicet gra-  
 dus est, quo ad separationem ascenditur, at-  
 que unica semita ad eam perveniendi. Nam  
 quamdiu corpora in antiqua sua corruptione  
 & origine manent, separatio nunquam adve-  
 nire poterit, nisi mortificatio h. e. putrefactio  
 & dissolutio præcesserit. Quod etiam Domi-  
 nus noster *Jesus Christus* (a) divine docuit, di-  
 cens, *nisi ad imitationem grani frumenti homo mo-  
 riatur, vitam acquirere incorruptibilem non potest.*

Non

(a) *Job. 12, 24.*

Non quod dicere velit, hanc incorruptibilem vitam per mortem corporalem acquiri debere, alias enim mali & scelerati homines moriendo eandem beatitudinem cum bonis & iustis consequerentur, sed hoc tantum innuere vult, quod antiquum hominem mori oporteat, h. e. mortificare & separare de se antiquam corruptionem, quam ex semine primorum nostrorum parentum attraxerat. Hæc autem corruptio proprie est intemperantia & excessus per morsum vetiti pomi introductus, per quem mors introducta fuit, & homo mori non cessavit, quia postea terra, omniaque, quæ produxit, animalia a veneno fraudulentis serpentis occultati in fructibus, h. e. in alimentis infici cœperunt, quorum cupedia miseros mortales ad transgressionem & ad pomi vetiti deglutationem pellexit, in quo mors latebat. Et serpens corruptor ille est, quem Satanam ego nomino, quia super terram repit & indefinenter illam circummeat, immiscens & insinuans sese illi, & omnibus, quæcunque ea producit, animalibus, nempe vegetabilibus & mineralibus, ea quasi intentione, ut mundum veneno inficiat, & homini mortis tyrannidem inferat. Ex hac intemperantia & excessu in victu virtutum privatio insecuta est, quia vitium proprie nihil aliud est, quam iustitiæ neglectio, iustitia autem temperatum desiderium & continuus progressus ad bonum est. Oportet igitur, ut hæc intemperantia

tia

& excessus in nobis moriantur, quia in ho-  
 mine omnes species peccatorem generant, at-  
 que ad malitiam & impietatem nos stimu-  
 lant. Atque ea de causa injunctum nobis est,  
 ut simus sobrii & crapulam & ebrietatem vi-  
 tepus, carnalium desideriorum verosau-  
 tores; atque ut jejunemus frequenter ad inter-  
 rum flammarum extinctionem, quæ sensus  
 nostros movent, & sanguinem nostrum ad  
 corruptiones incendunt. Notum autem est  
 corporis humani anatomicis, quod homo du-  
 plex sit, cœlestis unus & immortalis, alter ter-  
 restris & corruptibilis, & prior quidem capti-  
 vus, posterior vero carceris instar sese habeant.  
 Magna interim quaestio est, quomodo fieri  
 possit, ut cœlestis ille, in hac putida & corrupta  
 voragine sepultus, essentialem suam purita-  
 tatem conservare possit? Manifestum enim  
 est, si liquorem aliquem, quamvis excellentem  
 & pretiosum, saporem & odorem perdere,  
 si diu in fœtido vase concludatur & servetur,  
 & hominem etiam optime sanum, si in domo  
 peste infecta habitet, infectionis periculo sub-  
 jectum esse. Homo cœlestis de se bonus &  
 sincerus est, terrestri vero junctus, cui impu-  
 ritas & vitia naturaliter adhaerent, difficulter  
 a labe immunis manet. Depravatio puri-  
 tatis hujus essentialis sine dubio a pomi ve-  
 titi comestione dependet, sive, ut expressius  
 loquar, ab intemperantia alimentorum, cor-  
 ruptione perniciofa & contagiofa condito-  
 rum.

rum. Ob hanc causam opus est, mortificare hanc intemperantiam & corruptionem, ad cohibendum antiquum illum destructorem unius & alterius hominis, atque ad reparandum illud per novam vitam, quod incorruptibilitati cœlestis nostri Patris appropinquat.

Restaurator vero noster *Jesus Christus* duos tantum modos regenerationis nos docuit, unum per aquam baptismi, & alterum per ignem spiritus sancti. Aqua est, quæ maculas lavat, ignis vero consumit & separat omnes impuritates a pura essentia. Atque ut pretiosus ejus sanguis, (qui vera aqua est,) vitia purgat, & hominem a morte salvat, quam mortalis corruptio terrestris parentis introduxit, ita aqua dissolvit & purgat fæces & excrementitias impuritates, quæ corruptionem in omnibus substantiis generant. Ignis Spiritus sancti consumit & separat impuritatem excrementitiam peccatorum, ita ignis vulgaris delet similiter impuritatem substantiæ rerum, quæ ideo mortificari debet, ut regenerari possit. Et hæc mortificatio est putrefactio & digestio, quæ aptiorem illam reddunt, ut beneficium separationis recipiat. Et hæc mortificatio in nobis tum fit, quando Sol Sancti Spiritus divinos suos radios ad hominis globum interiorem, qui cor est, ejaculatur, qui ad centrum usque illum calefaciunt, & sensim affectus corrumpentes antiqui Adami consumunt. Eodem

dem modo ignis Chymicus flammam suam circa corpus purgandum reverberans, virtutem habet comburendi & annihilandi illud, quod impuræ & extraneæ naturæ est, secundum magis & minus, prout impuritas illa rebellis est, & difficilior ad dissolutionem & separationem, quæ deinde per destillationem completur. Hæc igitur recta via est, quam natura in regeneratione omnium rerum observat, quæ laudabilem effectum medicum non haberent, nisi mediante igne & aqua renascerentur. Eædem etiam post secundam hanc suam nativitatem seu regenerationem in virtutibus & actionibus liberrimæ sunt, cum antea in massa excrementitia sepultæ suas functiones vitales, quibus benigna cœli influenza abundabant, depromere non possent; eadem plane ratione ac homo, dum antiqui Adami carceribus adhuc detinetur, actionem aliquam laudabilem & virtuosam producere nunquam potest.

Verum antequam ulterius ad harum rerum practicam explicandam progrediar, repetam ordinem inceptum, ut nempe, postquam Separationis definitionem dedi, &, quot ejusdem species sint, declaravi, nunc etiam monstrem, quænam sint ex species, unde procedant res separandæ, & unde vis separativa oriatur. SuffICIENTER autem hætenus deduxi, in quolibet corpore duas esse partes, quarum una est excrementum, & altera, substantia, at-

que unam esse accidentalem, alteram essentialem. Substantia enim simpliciter considerata, ut antea dixi, tota pura est, & sine ulla corruptione; excrementum contra totaliter impurum, immiscens se substantiæ, ejusque puritatem contaminans & pervertens. Generatio & formatio substantiæ sufficienter declarata est in duobus primis capitibus secundi hujus libri; restat nunc igitur, ut excrementorum quoque naturam & qualitates explicem. Ubi ex antedictis infero, nihil præter excrementum separari debere, supponendo hoc fundamentum, quod inter res passibiles in mundo sublunari nihil sit ab excrementis vacuum aut liberum. Cum enim Deus mundi partes separaret, jussit, ut quædam ad imum locum descenderent, ex nempe, quæ in prima materia magis grossæ erant, atque ibi tanquam minus subtiles & graviores congregarentur. Et ex hac massa fæculenta, inferius circa centrum coëunte, terra formata est, aliqua nihilominus parte veræ substantiæ dotata, verum per grossam ejus spissitudinem diffusa, postquam Phœbus monstrosum Pithonem, humore venenato inflatum, interfecisset, qui ex limo terrestri prognatus fuerat, hoc est, postquam ficcum innatum operatione caloris naturalis humidum superfluum imbibisset, incepit terra actiones hujus substantiæ, in sinu suo occultatas, sentire. Quæ substantia est illa materia spirituosæ, nunquam otiosa, verum semper

per & sine fatigatione circa generationes & vivificationes occupata. Quæ etiam proprie hoc loco terra appellari debet, quia vere terræ propria & virtuosa substantia est, atque illa sola, quæ per propriam corporificationem suam omnia corpora, secundum individuorum ideas, generat. Quod antehac Oda Pindarica, Serenissimo Alenfonii Duci, Domino meo dementissimo dedicata, descripsi, ex qua versiculos aliquot, proposito meo convenientes, depromam :

*L'esprit porte sur la face  
De cette indigeste masse,  
L'environnant tout autour,  
Fait separer la matiere  
Pesante de la legiere,  
Et la noire nuit du jour.  
Puis de l'humeur amassée  
Le corps plus pesant & froid  
Fait la rondeur compassée,  
Que d'un serrement etroit  
L'eau, ou l'air contrebalance  
D'un poids si ferme & egal,  
Que sans souffrir même mal  
Ne peut choir en decadence.  
Puis versant l'ame au dedans,  
Et les semences du monde  
La fait nourrisse feconde  
Du Ciel & des feux ardens.*



**Quorum versiculorum hic sensus est :**

*Mox in principio creationis  
Cum confusus adhuc jaceret orbis,  
Plenus spiritus igneo calore  
In summaque voraginis profunda  
Motans se facie, fovendo cuncta  
Fecit materiam rudemque massam,  
Miranda utique separatione,  
Vnam in multiplices abire formas.  
Sic ut pars levior volare sursum  
Gauderet, gravior sui deorsum  
Centri querere conglobationem,  
Et clara ex tenebris dies micaret.  
Tum vero ex reliquo humido coacta  
Adhuc corpore ponderosiore  
Frigidoque simul rotunditatem  
Confecit quasi circino globatam,  
Quam cingens aqua strictiore nexu  
Aut circumfluit & volucris aer,  
Sic intra propriam ratamque sedem  
Æquis ponderibus coërcuere,  
Vt pars neutra suo loco moveri  
Absque præcipiti queat ruina.  
Illi præterea fluentem ab astris  
Infundens animam atque sperma vivum,  
Sanxit inviolabili statuto,  
Vt cæli foret igniumque nutrix.*

**Quia vero in hac separatione universali id,  
quod plus de igneo & subtili continebat, al-  
tiores locum pro sede sibi eligebat, grossius  
autem**

autem & massivum versus inferiora vergebat, ut ibi quiesceret, contigit, ut corpora cœlestia, remota & ab omnibus fœcibus immundis separata, manerent immortalia, & in rotunditatem sese curvarent, quia a principio suo uno quasi volatu ascendebant, qua etiam de causa natura rerum æternarum formam rotundam desiderat, quæ sola forma completa est & indeficiens. Ex alia parte contigit, ut grossæ & terrestres corruptioni & morti obnoxie manerent, quia in corruptione res contrariæ jungebantur, elementa nimirum in qualitatibus differentiâ, puta calore, frigiditate, humiditate & siccitate. Quibus impuritates immiscebantur, quæ proprie primæ universalis materiæ fœces erant, per se puræ non creantur, ut quidam sibi imaginantur; omne enim quod inde prodiisset, & adhuc prodiret, mortis causa non fuisset. Et quod magis est, nulla generatio in mundo inferiore fieri potuisset, quia formarum alteratio & mutatio nulla ibi fuisset, quæ omnes eandem haberent faciem, sine ulla superioris aut inferioris distinctione. Omnes res manerent æqualiter puræ & subtiles, & consequenter ornatu suo privatæ; imo, ut libere loquar, non fuisset ulla facta creatio nec materiæ nec mundi. Fuit igitur plane necessarium, ut substantia subtilis cum fœcibus grossis misceretur. Ubi enim nihil quam puritas est, ibi neque actio esse potest, quia sine patiente actio nulla est, cum purum

super suum simile imperium non habeat, nec impurum super suum simile. Natura autem, in continua actione separationis puri ab impuro, ad conservationem essentiae & incrementi vitalis occupata, pro unico suo subiecto hanc substantiam impuritibus mixtam habet, quae semper statum & naturam primae creationis retinens, non nutritur, multiplicatur aut crescit, quam cum nutritione, multiplicatione & faecum accretione, quae quidem consubstantiales illi non sunt, sed tantum nativitatis comites, aut sorores uterinae. Quod haec ita se habeant, per experientiam sciunt illi, qui divina inspiratione invenerunt modum extrahendi primam hanc materiam, atque illam ad imitationem naturae corporificandi, quae qualemunque etiam puritatem, munditiam & claritatem habere videatur, semper tamen magna sordium terrestrium quantitate onerata observabitur, quae non nisi magna industria auferri potest. Puto insuper, fortissimis argumentis me demonstrasse, quod omne corpus massivum, sive sensibus subiectum, alimentetur & conservetur non quidem terra hac visibili & excrementitia, sed materia illa spiritiuosa solummodo; qua ratione etiam videmus excrementis ea plane scatere, & totam eorum massam nihil aliud esse, quam excrementum, in quo materia haec spiritiuosa, ad propriam corporificationem, apta, invisibiliter delitescit. Quamvis enim

edamus

edamus & bibamus, omne tamen id, quod stomachum nostrum ingreditur, per loca destinata simile fere pondere & quantitate, quæ illud ingessimus, egreditur. Non igitur, ex massa vitale oleum extrahimus, sed de purissima essentia, & substantia in suo interiori latente. Ut breviter dicam, excrementum illud nihil aliud est, quam impurum domicilium spiritus hujus nutrientis, & instar vehiculi ad locum distributionis illum portantis, ad complendam ibi digestionem & requisitam separationem. Arbores & plantæ nonne, massam excrementitiæ secum incorporatam habent, atque hæc massa nonne spiritus hujus vivificantis & vegetantis conductrix, & quasi fulcrum aliquod est, qui illas crescere facit? non dico, omne, quod in arbore aut alio individuo est, totaliter esse excrementum, in omnibus enim nescio quæ particula substantiarum habitat, quam sane corpus non possum recte appellare, sed tantum ad sese corporificandam quodammodo aptam, quod natura de seipsa facere non potest. Licet enim quod videtur & tangitur, vere per materiam ad corporificationem aptam progeneratum sit, non tamen hoc corpus substantiale est, & præter excrementum nihil cernitur, ita ut natura nihil apparere sinat de eo, quod essentia vitalis est, & rei substantia, sive ut clarius dicam, id, quod de prima & ultima materia est. Ars autem, cujus industria simpli-

cem naturæ potentiam superat, id ipsum **bene** facere potest. Ingeniosus enim Physicus hoc considerat, quod licet in naturali creatione spirituosâ materia & substantia rerum nunquam inveniatur pura, quia tamen fœcibus immixta est, sequitur eam heterogeneam, adeoque per digestionem ventriculi separabilem esse, qui excrementa rejicit, substantiam autem retinet, non quidem, quod hæc separatio visui subjiciatur, sed tantum intellectui per apparitionem effectus, quia nempe fœces separari & rejici videmus, tanquam res ad conservationem essentia corporis inutiles. Sed & augmentatio, restauratio & vivificatio, corporibus per hanc substantiam accedentes, hujus rei certos nos faciunt, quamvis natura nobis operationem, qua hæc actio fit, occultet. Quia igitur substantia separabilis est, oportet, ut illi puritas quædam innata sit, quæ homogenea & in omnibus partibus sibi similis est. Hæc autem puritas per naturam manifestari aut in lucem trahi non potest, quia nunquam nisi simpliciter, ad res juxta suam intentionem perficiendas, operatur. Artista autem observans, calorem solum medium & instrumentum esse, quo natura ad abstinendam hanc perfectionem utitur, ignem itidem unicum esse purgatorem & separatorem, qui semper ad perfectam purificationem tendit; videns insuper in omnium corporum centro substantiam puram contineri, quæ per naturam separari

rari possit, & si forte non adeo exacte, saltem secundum virium suarum extensionem, proponit sibi eandem viam sequi, eodemque instrumento uti, quo natura usa fuit, igne nempe, eumque ita administrare, ut sine destructione hujus substantiæ, quæ in centro suo pura est, omnia excrementa comburat & separet, eo usque donec ad summam puritatem, devenerit, atque ignem nihil amplius potentia destructivæ super eam habere videat, sed actionem potius convenientem ad ejus conservationem, exaltationem, atque introductionem tincturæ aut qualitatis sibi similis, atque ita tandem totam hanc mundissimam substantiam in suam propriam naturam convertat. Artis igitur minister animadvertens hanc substantiam omnibus rebus insitam esse, & cunctas res comburi posse, ita ut post combustionem cinis restet, quem ignis devorare nequeat, sapienter concludit, in illis cineribus restantibus thesaurum aliquem latere flammæ rigori non subiectum. Operationi ergo suæ ulterius incumbens, Sal quoddam invenit, per ignem non productum, sed ignis potius victorem, instar puri cujusdam, auri cujuscunque corporis combusti. Hoc Sal ultima materia est in corporum anatomia restans, & non cinis, unde hoc Sal extractum ultimo fuit, ex quo etiam postea nihil amplius trahi potest. Si enim per humiditatem in aquam convertitur, eadem per calorem

in Saliterum congelatur ; unde consequenter affirmari potest, hanc aquam verum fuisse Mercurium, ex quo corpora primo creata sunt : & hanc aquam, in cineribus occultatam, impedire ejus totalem in combustionem consumptionem : eodem plane modo ac Mercurius universalis in sinu terræ latens ante corporum productionem. Qua de causa, doctissimus *Rovillasius* hanc humiditatem in scriptis suis *aquam ignis Mercurialis* appellat, quia ignis eam generat & nutrit, imo etiam bonitatem ejus tanto magis augmentat, quo diutius in illo manet. Ultima enim operatio ignis est, Sal facere, & Sal nihil aliud est, quam aqua ficca, quæ humorem & ficcitatem suam per ignem acquirit & conservat, & inde necessario consimilis naturæ est. Id quod hic moneo, ne cui videatur absurdum, quod in principio hujus libri dixi, ignem non esse sine humore. Cum enim de eo nutriatur, oportet etiam ut de illo participet, quia omnes res ex eo alimentum suum capere debent, unde factæ sunt ; ita ut ignis & humor sint quasi duo correlata, quorum unum sine altero, ne imaginatione quidem, consistere potest. Et habent procul dubio elementalem connexionem & affinitatem inter se, ut unum de altero participet, & unumquodque in altero & suo socio inveniatur. Terra enim continet aquam, aërem & ignem ; aqua ignem, aërem & terram ; aër terram, aquam &

& ignem; & ignis aquam, aërem & terram: sine quibus participationibus nulla posset invicem conversio fieri, & nulla etiam sympathia aut convenientia, Ex dictis colligi potest, quod ab excrementis nihil liberum sit, quodque excrementum & substantia duæ sint partes, unde omnia corpora componuntur, & quod nihil nisi solum excrementum, tanquam accidentale, & nullam affinitatem cum essentia substantiæ habens, a subjecto separari debet. Similiter colligi potest, ignem esse, qui solus hanc operationem procuret & facili- tet.

Tempus nunc est, ut progrediar & explicem, quomodo hoc fiat; non enim sufficit, proponere, quod separatio sit initium operum tam naturæ quam artis, nec scire, quæ res sint separabiles, si praxis & præparandi modus non intelligitur. Dixi autem antea, duas esse separationis species, unam, quæ fit propter distinctionem & ornamentum, de qua nihil amplius dicam, quia ad solam naturam & non ad artem pertinet; alteram autem, quæ fit per divisionem vel decisionem partium, cujus practicam explicare decrevi. Dixi in præcedentibus, omnes res visibiles & palpabiles ex duabus contrariis partibus compositas esse, excremento nempe & substantia. Substantia de se simplex & indivisibilis est, sive generaliter pro prima materia universali, sive pro speciebus particularibus capiatur, secundum impressionem ideæ aut formæ cœlestis, quæ infinita



infinita est; hoc est, substantia ista in limbo universi vel in quacunque specie corporum, compositorum una est in essentia, virtute & qualitate. Et dici non potest, in uno eodemque subiecto unam partem esse unius speciei, alteram autem alterius. Verum in excrementis res ita sese non habet. Ad quod melius intelligendum ponam sequens fundamentum, nimirum non esse nisi duo media, quorum beneficio omnes separationes complentur, ignem scilicet & aquam: & non esse nisi duas res separabiles in omnibus corporibus, quarum una separatur per ignem, altera per aquam. Primo loco tenendum est tanquam indubitabile, quod ignis natura sit consumere & destruere omne id, quod combustibile est, aquæ autem lavare & mundare substantiam & impuritatibus rem commaculantibus. Ignis devorat omne id, quod volatile est, & qualitatis aëreæ, quia proprium ejus est nutrimentum. Aqua vero omne id dividit, quod terrestre & grossum est. Oportet igitur, ut inter hæc duo extrema, media quæpiam dispositio sit, quæ salvari & conservari debeat, nec fæces, nec adustibile quid in se continens, quorum ratione his duobus expugnatoribus subjiçatur: & hinc clare patet, adustionem & fæces esse duos corruptores & destructores omnium rerum. Quod divinus equidem *Hippocrates* probe scivit, quando dicit, *omnes morbos aut ex aëre aut ex alimentis provenire:*

venire : innuens nempe , excessum alimentorum excrementitiorum , & aërem ad recipiendam corruptionem aptum , facileque excrementa per ignem , naturae ignem excedentem , inflammantem & corrumpentem , cujuscunque morbi causam esse . Alimentorum enim excrementum corpora terrestribus impuritatibus replet , & aër inflammabilis materiam sulphuream & adustibilem generat ; quæ facile ardorem concipiens , etiam id , quod vitale & radicale est , secum consumit & dissipat , majori videlicet volatilis atque adustibilis quantitate illud deportante . Fæces igitur terrestres & adustio duo autores sunt corruptionis , & quæ vigorem actionum substantialium in omnibus rebus impediunt . Si argumenta familiara ad hoc probandum desideramus , monstrabit nobis id ipsum digestionis & excrementorum fœtor , ille enim in rebus , quæ comburuntur , olfactu perceptus , parum boni subesse indigitat . Eadem ratio est in excrementorum fumis fœtidis ex corporibus prodeuntibus , qui corruptionem semper supponunt . Præter autem corruptionem , istam , quam generant , duo etiam inconvenientia hinc sortiuntur , quorum unum est penetrationis , alterum fixationis impedimentum , quæ sunt duæ actiones ad vitæ conservationem maxime necessariae . Quod enim vitam nutrit & sustentat , merito res debet esse subtilis , ut corpora per subtilissimas partes penetrare , imo etiam instar balsami secreti , vitæ lumen

lumen in centro corporis latens roborare & ejus substantiam augere possit. Si enim grossa res illa esset, obstrueret, suffocaret & extingueret potius, quam vias adeo delicatas & angustas pervaderet. Ex altera parte, quod vitam in statu suo conservat, rationabiliter, etiam res aliqua stabilis & non fugiens esse debet. Si enim volatilis esset, singulis momentis nobis mors metuenda foret, a corruptione videlicet, quam fæculenta adustio generat, introducta, quæ continue vitæ nostræ insidiatur. Terrestritas igitur impedit ingressionem, & adustio fixationem & stabilitatem. Hinc salutaris admonitio in Medicinæ incrementum desumi potest, nempe omne verum medicamentum, intra corpus pro viribus restaurandis, aut instantis mortis causâ profliganda, assumendum, duas proprietates habere debere, ut videlicet ad centrum sanitatis penetret, & hoc centrum, per totum corpus ipsum dilatando & deducendo, conservet. Quod antiqui olim felici & glorioso successu ad praxin revocarunt, atque ante annos non ita multos nimis allatratus & ubique exosus *Paracelsus*, qui vestigia illorum relegens posteritati explicuit ea, quæ tot sæculis aperta fuerant. Loquatur & faciat contrarium, quicumque vult, ego sane affirmare non dubitabo, sine ignis operatione nihil ad puritatem & fixationem conduci posse, quæ duæ partes in cujusvis medicamenti præparatione maxime obser-

observandæ sunt. Ad cujus assertionem validissima hæc ratio me inducit, quod nullum corpus vere medicinale, in prima sua origine existens, h. e. in prima sua forma, sæcum suarum corruptione plenarum excrementosa, spissitudine immersum, ad locum & sedem sanitatis pertingere, neque etiam eandem, præservare possit, quia subtili penetratione, & fixa permanentia caret, ad restaurationem corrupti & deperditi, atque ad restaurati conservationem magnopere requisitis; quod equidem per vulgares præparationes sive in substantia sive in infusione fiat, perfici nunquam potest. Impossibilitas in substantia facile seipsam prodit, quia hæc non nisi violentam purgationem producit, periculosam debilitationem potius, quam salutarem restaurationem procurantem, ut antea demonstravi. Quantum autem infusiones attinet, non potest per illam aliud quid ex simplicibus extrahi, quam pauca nitrositas, omnibus aliis corporibus insita, cum partibus quibusdam sæcum excrementitiarum. Hinc etiam infusio non rerum virtutem interiorem, sed exterior tantum saporem attrahit, qui tamen in centro suo vere alius, quam in superficiali materia est. Videmus enim ordinarie infusiones communes amaras admodum esse, quas saccharo aut melle emendare nos oportet, quia maxima Pharmacopœorum pars industria ea caret, ut rerum naturalem dulcedinem,

nem, qua natura gaudet, extrahere valeat. Omnis enim amaritudo proveniens a Sale, cui amarus sapor tribuitur, in profundo suo dulcedinem continet, quæ per simplices infusiones nunquam extrahi potest, sed tantum per ignem, & quidem ingenioso artificio, maxime cum hæc dulcedo totius Medicinæ perfectio sit. Ea de causa *Arnoldus de Villanova* dicit, *si sciveris amarum dulcorare, totum magisterium consequeris.* Quod etiam *Bracescus* bene intellexit, ut in dialogo intitulato, *Demogorgon*, testatur.

Ut ad propositum redeam, occulta ea dulcedo manifesta fieri nequit, nisi plene a terrestribus fœcibus, atque a volatili & aërea aduſtione liberata & exempta sit. Terreſtreitas enim extraneum saporem præbet ratione priorum excrementorum Salis, ex quorum diversitate, secundum specierum & locorum, in quibus generantur, diversitatem, saporum varietas oritur. Omnis enim sapor a Sale prodit, & quo plus Salis adest, eo sapor est intensior. Ex alia parte aëreum & volatile malos & non naturales odores parit, quod propter aduſtionem & inflammationem sulphuris unctuosi & combustibilis fœtorem illum, exerit, qui in combustionem alicujus rei percipitur. Quod autem res illa volatilis excrementum sit, per fœtentes fumos corporum ardentium satis probatur, a quibus fuligo caminis & asseribus infumatis adhærens ascendit,

dit, quæ corporum combustorum odorem, & excrementorum Salis amaritudinem retinet. Atque hoc tanto magis per nigredinem & obscuritatem manifestum fit, quam vapor ille, omnibus rebus, quas tangit, imprimit, quique maximam partem luminis & splendoris naturæ impedit, quæ semper puritatem atque a tenebris separatam sese desiderat, quemadmodum in perfectis corporibus ex intenso splendore, magnæ puritatis indice, apparet, cum alia, secundum compositionem suam magis vel minus impuritatibus immersam, etiam magis & minus umbrosa conspiciantur, prout metalla perfecta aut imperfecta, & lapides pretiosi hac de re amplissimam præbent cognitionem. Quod si peregrinationes longinquas & extraneas relinquere, atque juxta oraculi consilium, curiosa itinera in nobis ipsis terminare volumus, inquirendo nimirum causas ægritudinum & morborum nostrorum, facile ab infectis hisce fumis, lumen sanitatis nostræ obscurantibus, eas derivari inveniemus, unde manifestum signum eorum, quæ interius fiunt, capere possumus. Homo enim sanus, ob dispositionis naturalis internam claritatem, faciem habet claram & vive coloratam; æger vero etiam a primo morbi insultu, statim pallet, atque obscurum plumbeumve colorem induit, unde nativus vigor perit & exolescit. Ac omnis ista mutatio tantum a fumis adustionis & inflammationis sulphureæ

H excre-

excrementitiæ procedit, qui per omnia membra sese extendunt; & fuligine sulphurea, mediantibus poris corpus rarum reddentibus, usque ad superficiem eadem inficiunt. Posset etiam dici, pallorem eum & discolorationem a natura, sentiente se morbo aggravari, contingere, ea videlicet omnem sanguinem purum & mundum introrsum revocante, ut inde vires suas colligere, inde contra morbum pugnare, ejusque insultum sustinere possit, & per hanc occasionem partes exteriores claritate illa naturali destituantur & defraudentur. Quo quidem in conflictu partes exteriores terræ quasi & mortificatæ manent, atque ad obscuritatem vergunt, quia terra, in qua fit pugnae initium, natura sua nigra est, prout contra ignis sua natura clarus & candidus est, tanquam duo elementa qualitatibus contraria. Terra igitur ex sua parte, utpote spissa & tenebrosa, nigredinem parit, & adustio sulphurea, fuliginosa & fumosa, similiter obscurat, qua ratione tam illa quam hæc corruptionis, destructionis & interitus in omnibus rebus causa est: & præter hæc duo nihil proprie est in hoc mundo, unde ruina universalis procuratur, quia cunctis rebus insunt, nec in compositis hisce inferioribus aliquid ab hoc malo exemptum est, quam aurum & lapides pretiosi, quæ natura ad perfectionem, quantum potuit, perduxit. Atque ita mors in omnibus reliquis corporibus instar perpetui hospitis est,

est, cogitantis illa occupare & tandem destruere. Natura autem, instar piæ matris & sollicitæ conservatricis operum suorum, in eorum adiutorium duos potentes & subtiles pugiles armavit, ad retundendam adversariorum insolentium iram, quorum unus ignis est, adustionis sulphureæ exterminator, alter vero aqua, qui terrestres fæces separat & abigit. Sicut autem natura ingeniosa & subtilis est in omnibus suis operationibus, ita artem reliquit, pari subtilitate & industria dotatam, neque enim aliæ ad separationem viæ sunt, quam hæ duæ, quas ipsa natura a mundi principio tenuit, cujus prima semina informia, vacua & confusa mixtum in aqua dissolvebantur, ubi mediante igne Spiritus Domini illi incubante, primo nempe agente & motore in separatione chaotica, divisa & distincta fuerunt, unde continuo separatio luminis a tenebris infecuta est, formarum itidem distinctarum a confusione, generationum a sterilitate, & mortis a vita. Et si res ita confusæ mansissent in prima sua mixtione impuri cum puro, excrementi cum substantia, terræ cum cælo, vitæ cum morte, omnia etiam mansissent, destituta actione, potentia, essentia & vita, tota massa inutiliter in confusione sua jacente. Artista igitur hanc rem considerans, & nihil vires suas exercere posse observans, donec confusio excrementorum & impuritatum sublata sit, aquam & ignem in coadjutorium de-

H a sumit,



sumit, & quidem ad naturæ exemplum, cuius operationem curiose observare debet, præsertim in metallorum generatione, quæ eo perfectiora sunt, quo magis in terræ ventre mundificata & digesta sunt. Stet igitur firma & fixa hæc sententia, ignem & aquam generalia & principalia separationis esse media. Quia vero rerum compositio diversa est, & una difficilior altera cedit, pariter quoque necessarium fuit, ut actio horum duorum diversificetur, ita tamen, ne plana naturæ via relinquatur. In quibusdam enim adustionem & sulphur unctuosum, inflammabile & inficiens uno modo extrahere oportuit, alio autem terrestrem fæculentiam in aliis. Calcinatio cum sublimatione ad purgandam adustionem inventa fuit, ad terrestrem vero fæculentiam auferendam destillatio & dissolutio in usum venerunt. Ad conservationem etiam debilium & facile inflammabilium corporum descensionis usus increbuit: omnes tamen hi modi aut per ignem fiunt, nempe calcinatio, sublimatio & descensio, per aquam autem destillatio & dissolutio. Quia autem in libris antiquorum & modernorum auctorum de hisce copiosa fit mentio, non faciam eorum largiorem explanationem, quia nihil novi, nec etiam ornamentum aliquod aut facilitatem addere possem. Sufficiet, si generaliter quidpiam tanquam definitivum, & mihi notum adjecero, videlicet, quod calcinatio ad res duras & rebelles

belles devincendas inventa sit, & quidem, propter continuitatem & fortem compositionem, quæ impedit, ut, nisi per minimas partes dividantur, facilem separationem non admittant. Atque hinc quatuor utilitates proveniunt, quæ sunt: Combustio sulphuris impuri & fætidî, Separatio facilior superflue & extraneæ terreitatis. Fixatio sulphuris interni, & Dissolutio promptior. Est enim natura, ignis, consumere partes adustibiles, quæ non sunt de essentia substantiæ, facilitare divisionem & rejectionem excrementorum terrestrium, figere sulphur radicale, & multiplicare, Sal in corporibus, quod solum postea dissolutionem per aquam patitur. Dico igitur, Calcinationem tantum convenire corporibus, propter continuitatem suam difficulter cedentibus, quia spiritus aut res volatiles & in igne facile fugientes sine additione rerum fixarum & earum naturæ repugnantium calcinari non possunt: cum calcinationis alius scopus non sit, quam ex omnibus rebus Salia extrahere, quia in illis melior pars & secreta virtus corporum & spirituum principaliter consistit, quibus adustio illa corrumpens adhæret, quæ ea de causa in omni sublimatione tanquam inutilis evaporare & non excipi debet, ut restans media substantia a fæcibus terrestribus melius liberetur, & per actionem ignis ad purificationem & fixationem deducatur. Hæc autem sublimationis praxis inventa fuit, quia

calcinatio, quæ non nisi extrema ignis violentia fieri potest, purum cum fæcibus absque ullo separationis aut purificationis progressu elevaret. Verum quidem est, quod sublimatio etiam aliqualem ignis fortitudinem requirat, sed hoc tum solummodo fit; quando res sublimandæ fæcibus aut calcibus corporis alicujus fixi profunde immixtæ sunt, ut ea ratione terrestres impuritates fortius & pertinacius secum cohibeant. Et hic sublimationis modus magis securus est, nisi in subjectis, sua natura fæces fixiores habentibus, labor suscipiendus sit.

Descensio usum duplicem habet, quorum primus est, ut oleum sine combustionem ex vegetabilibus extrahatur, alter autem, ut corpora fusibilia mundificentur, antequam volatilia reddantur. Et hi quidem tres separationis modi sunt, qui per ignem fiunt, restat, ut de duobus reliquis, qui per aquam perficiuntur, nimirum destillatione & dissolutione aliquid etiam in medium proferamus. Et horum prior per inclinationem & filtrum fit, ut limpiditas corporum cum aqua in aquam dissolutorum prodeat. Ille enim, qui per alembicum perficitur, ad ordinem sublimationum pertinet; quia per elevationem & non per ablutionem fit. Quamvis autem hunc modum nonnulli pro indifferenti & parum efficaci habeant, mihi tamen nequaquam rejiciendus, sed magni æstimandus videtur, tanquam unus ex principalibus,

**C**ipalibus, quo natura in operationibus suis  
utitur, & quem tanquam solum medium  
ad separandam immunditiem terrestrem,  
(præcedente tamen calcinatione adaptatam,  
& ad separationem habilitatam,) stabilivit, per  
quem etiam quælibet res ad exaltationem  
perfectionis suæ conducitur, ad puritatem  
nempe hoc destillationis modo elevata & sub-  
limata, unde etiam a quibusdam Philosophis  
secreta sublimatio vocatur. Secunda opera-  
tio, quæ per aquam fit, dissolutio nempe, per  
calorem humidum & moderatum perficitur,  
qualis est, finus equinus, Balneum Mariæ,  
vapor aquæ bullientis: aut per infusionem in  
aqua, aut per inhumationem in locis humidis.  
Horum tamen omnium unus finis est, redu-  
ctio nempe rerum calcinatarum in aquam, ut  
per hanc liquefactionem in filtratione terre-  
stris materia in fundo vasis resideat. Reitera-  
tio vero hujus practicæ subtilis, & fere in-  
omnibus rebus necessaria est. Si enim per con-  
tinuam calcinationem quispiam simplices  
partes compositi separare, atque id quod Salis  
essentiam habet, in Sal reducere vellet, irre-  
parabile damnum inde sequeretur. Intempe-  
rata enim & assidua flammæ violentia melio-  
rem & majorem partem ejus, quod tanto stu-  
dio quæritur, sublimaret, & ad fugam cogeret,  
ita ut nihil, præter parvam quantitatem ma-  
teriæ solubilis, una cum magna sæcum quan-  
titate, restaret, præterquam quod per lon-  
gam

gam moram in igne materia ista reliqua vitrificari posset. Melius igitur est, per excessum cujusdam præcipitantæ naturam non violare, & patienter ad reiterationes confugere. Accidit mihi tale incommodum aliquando in crysalli communis calcinatione, quem cum ab excrementis purgare, & in veram essentiam per longam ignitionem reducere vellem, inveni eum cum fæcibus plane vitrificatum, atque ideo meo proposito & omnibus aliis laboribus inutilem. Quamvis enim crysallus clarus, lucidus & transparens appareat, fumus tamen primo niger, & deinde violaceus, qui in calcinatione occurrit, odor etiam foetidus & sulphureus de terrestreitate ejus excrementitia testantur, sicut postea albi fumi insequentes veram homogeneitatem substantiæ indicant, quæ tandem clara & fluens in parva quantitate remanet, tantisper dum ad naturam & consistentiam puri salis crysallini devenit: durantibus etiam hisce reiterationibus ultimis, odor ingratus, qui primo percipitur, in suavissimum & delectabilem, pulveri violaceo similem, mutatur. Ex reiteratione vero calcinationum, præter prædicta, duo adhuc commoda accedunt; unum, quod res calcinata per ignis consuetudinem medicamenti subtilitatem & stabilitatem afferat, prout antea dixi; alterum, quod corpus aliquod sæpius dissolutum, penetrationem, ingressionem promptam & subtilem, imo etiam fortes

**fortes vires** ad transmutandum statum patientis acquirat, a morbo ad sanitatem, ab ægitudine ad vigorem, a destructione ad relevationem & perfectam convalescentiam. Et hæc viæ sunt ordinariæ omnium separationum, quæ alium scopum non habent, quam ut puræ substantiæ ab excrementis corrumpentibus mudentur, atque ab inani terrestri spissitudine ad puritatem igneam, & ut paucis dicam, ab imperfectione ad perfectionem eleventur. Quod etiam *Hermes* docere voluit, cum dicit, *certum ab igne separandam esse*, ubi sese ipsum explicat hisce verbis, *& subtile a spisso*; quod etiam *suaviter & magno cum ingenio faciendum* præcipit. Dum enim de præparatione Spiritus generalis mundi, post terrificationem suam, loquitur, atque viam simul ad omnia individua præparanda aperit, significare voluit, in hac terra latere aliquid, quod difficulter retineri & conservari possit, spiritus nempe levis & volatilis, qui per temperamentum ignis conservatur, contra autem facile cum parte separabili, semper copiosiore, & in quantitate substantiam fixam vincente, evanesceret, si in operatione ignis temperantia, & ingeniosa methodus cum magna patientia non adhiberetur. Ubi artista regulam singulari diligentia observare debet, distinctionem videlicet trium sulphurum, quorum duo separabilia sunt, externum nempe, quod per calcinationem & dissolutionem perit, & internum, per solam

decoctionem evanescens ; tertium vero fixum vocatur, quod proprie sulphur naturæ est & proprium subiectum substantiæ, cui Philosophi agentis nomen, aut grani fixi, aut elementi ignis, in composito suo Physico, tribuerunt. Quod externum attinet, primum illud volatile est, & adustibile, quia plane extraneum, & primum ignis alimentum est. Internum vero magis unitum & in substantia radicum est, atque ideo non cedit, nisi maximæ ignis violentiæ & continuationi. Hac de causâ omnes assumit colores antequam exeat, incipiendo a nigredine, quod primum est terreitatis, adustionis & corruptionis signum, & antecessor putrefactionis & mortificationis. Postea transiens per alios medios sensim albedinem induit, qui color est aëreus, unde ad colorem igneum ascendit, rubedinem nimirum, in quo potentia artis & ignis imperium terminatur, ultra quem etiam non datur progressus. Quam rem Poëtæ fabulose sub inconstanti figura Prothei depinxerunt, qui in diversas figuras monstrosas sese convertibat, ad absterrendos eos, qui captivum illum sistere volebant. Hæc autem colorum varietas ab interno sulphure prædit, vero autore & productore omnium tincturarum & varietatum, quæ per naturam aut artem in omnibus subiectis observantur. Possunt etiam colores illi distincte in decoctione primi universalis subiecti notari, quemadmodum idem, ut antea recensui,

sui, eos aliquando mihi produxit. Quam primum autem albedo sese præsensat, apparet, etiam statim *sulphur natura*, quod *Geber extrinsecus album, intus autem rubrum esse* dicit. Hanc enim albedinem tandem rubedo sequitur, sine ullo alio nisi ignis adjumento, qui continuari & per gradus augmentari deber; unde Sapientum quidam dixit, *lapidem suum esse annulum aureum argento obductum*. Volui hæc obiter & paucis verbis de coloribus annotare, prout, etiam omnes boni autores designarunt, non ut præparationes & operationes docere præsumam, quas ad absolvendum magnum Elixir Philosophorum tantopere deprædicatum & laudatum necessarias esse scio, sed tantum ut monstrem curiosis doctæ Medæ discipulis, qui profunda quadam & ingenua inquisitione inducti sacrarium mysteriosæ Physicæ intrare satagunt, quæ in omnibus rebus sulphura sint vel auferenda vel retinenda. Spero autem, me satis bene tempus collocasse, quod negotiis meis æconomicis, quibus totum me mancipavi, subtraham, si tantum vigorem aliquem aut vitæ scintillam languenti illi naturalis Philosophiæ parti restituere possem, quam invidi & gloriæ ejus infesti vivam plane in calumniarum sepulchro defoderunt, sub transmutationis abusivæ & falsificationis metallorum odioso titulo; quanquam sola veri magisterii ignorantia eos impedit, ut veritatem discernere non possint, sed con-

tume.



tumeliis eam aggrediantur & injuriosis verbis obruant, quorum solum fundamentum malitiosis impudentissimorum hominum mendaciis innititur, qui urbes transcurrunt, fumos vendunt, & falsissimas suas sophisticationes sacro pulcherrimæ hujus virginis pallio obnubulant & cooperiunt; cujus etiam pigmentis nimis credulorum oculos decipiunt, atque instar Sirenium fraudulentarum curiosos viros in Charybdin & Scillam præcipitant.

## CAPUT IV.

*De spiritus ascensu ad cælum & descensu ejus in terram.*

**O**Mnipotens Deus, omnium rerum creator ab initio mundi prævidens infectionem & corruptionem, omnibus rebus ex corpore & spiritu compositis connatam, continuum & intestinum bellum moturam, certum aliquod remedium huic dissensui opponere voluit, ut unum conservetur & alterum non destruat. Quia vero spiritus & substantia corpore includebantur, corpus autem corruptioni immergebatur, impossibile erat, corruptione vim corpori inferente & quasi victoriosa, spiritum in utrisque locatum immunem servari, & damnum non incurrere, vel potius cum corpore mortis jugum evitare posse, ut quæ semper

per eo tendat, ut naturam obruat, & omnia individua tyrannidi suæ subjiciat. Quæ quidem res probatione non multum indiget, sed ex fine naturali, imo etiam interdum præcipitato, animalium, vegetabilium & mineralium sufficienter patet, qualem nobis ex corruptione accidere quotidie experimur, unde etiam, corpore mortificato, spiritus eandem fortunam subire cogitur, hoc est virtus ejus vivificans plane annihilatur. Quia vero admirabilis ille opifex in omnibus suis operibus ignem emicare voluit, mera sua bonitate & amore erga humanum genus inductus, quem ab omni sæculo prædestinarat, ut esset instrumentum gloriæ suæ, subjiciens illi soli, quodcunque in creatione admirabile facturus erat, in ejus quoque commodum remedia quædam summa stabilivit, tum ut res creatas in usum suum purificare & perficere, tum etiam iisdem sese conservare, & contra mortalis hujus corruptionis insultum præmunire, posset. Cum igitur sciret, duas hominis partes unam in altera creatas esse, spiritum nempe, in corpore, corpus autem continue a corruptione infici, per sensualitatem præterea ad intemperantiam, veram corruptionem & omnium membrorum debilitationem inferentem quasi trahi & allici, prævidit, spiritum, in corpore hospitis instar habitantem, non posse a contagiosa depravatione eximi. Et certe plerunque aut etiam ordinarie videmus homines

nes intemperantiæ deditos, & sensualitatem  
 excessibus addictos, ex iisdem causis pessimi  
 quoque mores induere, & in omni spiritu  
 aut mentis corruptela licentiam sibi sumere  
 amore & timore Dei, honore & respectu ma-  
 di, pietate erga suos & charitate erga pro-  
 mum longe posthabitis, ita ut impossibile  
 si mortis tempore hisce iniquationibus con-  
 stricti maneant, spiritum, a pœnis liberum  
 evadere, quia voluptatum quoque particeps  
 factus fuit. Videns insuper, omne genus hu-  
 manum a primi parentis lapsu morti obnox-  
 ium esse factum, & inde quemlibet hominem  
 interitum totalem inevitabiliter incurrere,  
 miseriam hanc mirabili quodam & captum  
 nostrum superante remedio mitigare aut po-  
 tius redintegrare voluit. Cum enim sciret,  
 hominem per spiritum & corpus cum cœlo  
 & terra participare, voluit, ut remedium hoc  
 similiter de illis participaret. Quod utique  
 unico nostro Servatori, Restauratori & Con-  
 servatori, Iesu Christo, competit, qui de cœlo  
 in terram descendit, & mysterio nobis sensui-  
 que communi incomprehensibili, absque Dei-  
 tatis abdicatione, miraculose homo factus  
 est, quia salus a terra sola proficisci non po-  
 terat, ubi corruptio regnat, sed necesse erat,  
 ut aqua ex supernis deflueret, ubi purioris  
 fons est. Venit igitur in terram, ut in nobis  
 & cum nobis habitaret, atque in terminis iu-  
 stitiæ & temperantiæ nos concluderet, rege-  
 nerans

rans nos ad vitam novam per mutationem  
 ritus & corporis, mortificans in nobis cor-  
 ruptionem & peccata, & viceversa purita-  
 tem & virtutum studium restituens. Quod  
 idem perfici non poterat, nisi per il-  
 lud solum, propter duarum naturarum ex-  
 altates, quas habere debebat. Divinæ enim  
 humanæ naturæ fuit particeps, ut res supe-  
 rioris cum inferioribus conjungeret, quæ per  
 substantiam incomparabilem mortis & vitæ,  
 corruptionis & puritatis invicem dissidebant.  
 Terra certe inæstimabilem hunc thesaurum,  
 mensuri sui conditionem longe superantem,  
 præmedium, quod comprehendere non po-  
 tuit, recepit, a qua, post regenerationem per  
 aquam purificationis, & ignem Spiritus Sancti  
 nobis relictam, ad cœlos iterum ascendit, ab  
 accidentibus & corporalibus passionibus pla-  
 ne quidem immunis, corpus tamen suum non  
 deponens, quod incorruptibile & glorifica-  
 tum retinuit, per mortem videlicet immorta-  
 litate acquisita. Et a dextra patris in terram  
 iterum descendet, post universalem conflagra-  
 tionem, ad mundum renovandum atque ad  
 faciendam separationem bonorum, ad vitam  
 destinatorum & exaltatorum, a malis ad mor-  
 tem depressis & condemnatis. Vide nunc,  
 quam bene summus Pater omnis misericor-  
 diaz hominis saluti consuluerit, cujus corpori  
 cum anima conjuncto similiter conservato-  
 rem

rem tribuit, quem cœlum nobis demisit, ut in mundo nasceretur, & quem per lumen naturæ inquirere debemus, cum homo ob hanc causam ratione & iudicio præditus sit, ut dona oblata cognoscere & comprehendere debeat. Homo autem ad hujus beneficii indagationem creatus tanquam cœlestis, sortis suæ oblitus est, impenderis potius id, quod nobile & divinum in se continet, ad nescio quas vanitates frivolas & transitorias, quam ad sapientiæ & solidæ veritatis inquisitionem: & ut breviter dicam, maluit inclinationem terrestris suæ genituræ sequi, quam divinam & cœlestem intelligentiam, qualem quasi longe a sese distantem reliquit, tanquam rem indifferenter, & ex supernis casualiter sibi transmissam. Quam ob causam omni tempore radix humana, quasi extincta, antequam lucem aspiceret, (exceptis tamen quibusdam, quos astrum mitiori & magis favorabili oculo in nativitate sua respexit,) magis possessionem thesaurorum & bonorum transitoriorum, quam cœlestium donorum & pretiosarum divitiarum acquisitionem concupivit, quas optima mater natura publice & omnibus in locis ad salutem & conservationem vitæ ejus stabilivit, læsa potius quam adjuncta per abundantiam & ingluviem corruptioni mortali communiter immerfam. Atque clare apparet, eos, qui vulgo spiritu aliquo altiori dotati sunt, quamvis harum infinitarum divitiarum splen-

splendidum fulgorem aliquo modo conspexerint, non tamen nisi in superficie hærere, & divinam virtutem, in centro occultatam, tanquam degeneres relinquere. Quod quidem multorum errorum non solum in Medicina, sed & in Philosophia eorum causa exitit, quas ambas quasi rependo & in obscuris incertitudinis specubus titubando pertranseunt, quia vivo lumine destituuntur.

Revocans igitur animum ad claram lucem, cujus ductu salutaris maxime & summi remedii compotes fieri possunt, quod a Deo particulariter ad conservationem humani generis, & ad effluentiam benedictionis cœlestis obtinendam destinatum est, conabor cum omni humilitate & requisita sinceritate atque professione meæ conveniente, non tanquam Theologus, sed sicut simplex Philosophorum discipulus, nativas quasdam conceptiones meas rudî quasi creta adumbrare, quas amatores veritatis grata mente, si placet, accipiant, prout rationabiles eas invenerint.

Dico igitur, doctrinam aut intelligentiam, omnem homini cuiquam ab homine solo communicatam incertam & confusam esse, quia ordinarie laborat ignorantia & tarda resolutione; eam autem, quam a lumine universali accipit, clarissimam esse, & fundamento immoto niti. Absolute enim scire est, rem per causas primas cognoscere, nec unquam certitudo in causis secundus est, donec ad earum

I  
originem

originem perventum sit. Qua de causa specierum natura cognosci non potest, nisi cognitio generis earum præcesserit; nec microcosmorum naturæ, (quorum numerus infinitus est,) apertæ satis erunt, nisi magni mundi natura primo innotuerit, qui illis essentiam dedit. Homo etiam bene cognosci non potest sine præcedente cognitione macrocosmi, cujus hic effigies est, non magis ac macrocosmus sine scientia, unde & quomodo ille factus sit. Quæ enim ratione hominem cognoscere quis possit, qui in suo principio nihil aliud est, quam pauca mucilago informis, aut quomodo ad perfectam notitiam ejus quis ascendat, nisi cogniti sint illi, qui eum genuerunt, non quidem secundi parentes, pater nempe & mater, verum primi, cælum videlicet & terra. Et nisi horum quoque creationem primam quis intellexerit, quomodo eorum cognitionem habere poterit? Simili modo ac hominis limbus in matrice jacet, ubi nihil aliud est, quam pauca congregatio humoris, qui postea ad exemplar parentum formatur, & per eundem progressum & modum donec perfectus fuerit. Ita cælum & terra, & omne quod illis inest, h. e. totus hic magnus mundus, est instar limbi in chao, unde nemo lumen aliquod habere potest, nisi prima rudimenta & progressum distinctionis & formationis ejus consideraverit. Abeamus igitur ad origines; ut rivos inde descendentes cognoscamus, & per exemplar for-

marum

marum res formatas judicemus. Dico igitur, quod primus & absolutissimus creator, (qui est instar puncti, unde omnia exeunt, aut instar fontis inexhausti, unde infiniti rivuli effluunt,) naturam habeat sibi propriam & particularem, quæ est, omnia in universo producere & conservare. Est enim proprium perfecte boni auctoris, res producere & procreare, deinde easdem conservare & sustentare, postquam eas creaverit. De hoc primo effectu, qui creatio est, secretum omnes nos latet, idque nos intelligimus, quam per effigiem in generationibus.

Secundus autem apertus est, saltem illuminatis, tanquam electis & natis de spiritu, non quidem filiis carnis, ne pretiosæ margaritæ indigne prostituantur, & impuris stupidisque porcis offerantur. Primum & excellentiorem *Jesus Christus*, Dominus noster, modo antea declarato perfecit & nos docuit, qui sese imitari nos jussit in omnibus rebus, ineffabili mysterio seipsum omnium bonorum operum, quæ in mundo fieri debent, exemplar constituens. Natura enim semper eodem passu ambulat, ut nunquam vias suas relinquat, sed eas exactissime in cunctis operationibus observet. Pro ut igitur Parens & communis Conservator communi rerum conservationi a mundi principio sua provisione consuluit, ita natura a principio suas habuit intentiones, & semper actione continua circa productiones occupa-



ta fuit. Sicut enim necessarium erat, ut salus ex supernis ad conservationem partis spiritualis in homine descenderet, ita eadem necessitate conveniens erat, ut corporis quoque salus ex eodem fonte scaturiret, quia ex infernis, ubi sedes & habitaculum corruptionum mortalium est, nec salus, nec vita provenire possunt. Qua etiam de causa cœlum, tanquam perpetuus omnis instaurationis & perfectionis fons, suarum virtutum influxu continue in corpus terræ defluit, quod astra benevola, aspectibus suis benignis & cum afflicta humani generis sorte quasi compatientibus indies gratiose prosequuntur, ad generandum in illa per suas influxiones spiritum durabilem & vivificantem, qui in sinu fecundæ huius matris corpus assumit, & virtutes suas per omnes mundi partes manifestat & dilatat, distribuendo illas singulis creaturis secundum exigentiam. Et hinc vires particulares dependent, per effectus suos in herbis, bestiis, lapidibus, aliisque rebus cognoscendæ, quæ de spiritu hoc generali potentissimarum proprietatum infinitatem hauserunt, & in corporum nostrorum & omnium aliorum conservatione miracula quasi perpetrant. Sicut vero Deo perfectione Filii sui homines, secundum extensionem naturarum eorum, ditare placuit, & tamen noluit, ut quilibet vitiis aut peccatis contaminatus remedium & perfectam salutem penes suum simile quæreret, sed apud eum

eum solum, qui verus erat Oceanus, unde illis hæc perfectio promanabat, ita etiam natura, exacta divinæ voluntatis observatrix, & operum imitatrix, perfectam curationum & restorationum virtutem non stabilivit in herbis & creaturis particularibus, sed voluit, ut, eam præcise in centro quæramus, unde hæc illis communicata fuit, nempe in terra, ubi hic spiritus vivificans generatur. Si enim simplicia dotata sunt virtute curandi, restaurandi, nutriendi & conservandi, quanto magis illa abundabit dispensator generalis, a quo omnes res eam recipiunt? Ut autem probemus terram esse thesaurariam & harum virtutum dispensatricem, sola quotidiana experientia, sufficientes nobis ministrabit rationes. Necessarium enim est, ut omnes illas possideat, alias eas dare non posset. Admiratione igitur dignum est, tot viros egregios studiorum suorum & practicæ tempus eo impendisse, ut e simplicibus rivis, a limpida & pura scaturigine longe remotis, & impurum limum aut terram immundam percurrentibus aquas suas haurire, quam directe ad verum fontem pergere, maluerint. Nolo interim medicamenta specialia contemnere, sed hoc tantum vellem, ut generale diligenter quæratur, particularia tamen non negligantur. Quamvis enim generale illud ad omnes curationes sufficiat, specialia tamen suam quoque laudem merentur, præsertim in morbis quibusdam exterioribus,

& superficiem tantum, non autem sanitatis centrum affligentibus.

Ut igitur ad scopum redeam, dico iterum, terram esse matricem, in qua cœlum spiritum illum nutritorem, restauratorem & corporum conservatorem genuit, a quo solo omnis soliditas & curationis perfectio hauriri potest & debet. Quomodo autem spiritus iste tam potens & summe efficax inveniendus & capiendus sit, omnes sane prudentes homines, ad tam utilem inquisitionem sincere aspirantes, eo cogitationes suas dirigere debent, ut semper exemplaris, divina manu designati, vestigia observent, quod etiam ipsa natura suis intentionibus perficiendis sequitur, & pro regula tenet: quamvis Deus infinite naturam excedens, non sit ullo modo rationibus naturalibus alligatus, non magis quam summus aliquis Monarcha legibus a se præscriptis, quas tamen subditi populi observant sine ulla inquisitione, cur ita eas præscripserit. Quis autem fidelius aut felicius hoc exemplar insecutus est *Hermete Trismegisto*, qui post diluvium primus, (ut quidam statuunt,) hominibus mysteria perfectæ cognitionis Dei aperuit, & naturæ etiam secreta exactissime rimatus est? Præterquam enim quod angelico quasi modo *Divinitatem* in *Pæmandro* explicuit, ubi admirabili doctrina creationem magni & parvi mundi, ejus principium, progressum & durationem manifestavit, & continuans eodem filo sacram hanc

hanc Philosophiam in *Asclepio*, spiritu & voce, quasi prophetica excelsæ admodum declarat, quod hominis regeneratio, mediatione filii Dei, humana carne induti, fieri debeat. Veruntamen industrie etiam eundem scopum in *tabula Smaragdina* tetigit, ubi dicit; quod quemadmodum omnes res mundi ex uno solo subiecto, mediatione unius, Dei nempe, create sunt, suum etiam magisterium, quod summa & generalis medicina est, ex hac unica re perfici & compleri debeat adaptatione. Adaptatio ista nonne speculum est, ubi ænigmatice meditationem divinam repræsentatam videmus, ad demonstrandum, naturam necessario sequi vestigia magistri sui? prout etiam aliis in libris testatur, autorem regenerationis ad salutem de cælo descendere & hominem fieri debere, inter homines viventem ad eorum adificationem. Pariter in *tabula sua* dicit, (quam instar testamenti & testimonii ultimi de excellentia altarum suarum conceptionum reliquit,) quod spiritus hic generalis conservator corporum, quem parentem perfectionis totius mundi nominat, de cælo descenderit, a Sole nempe & Luna, (quales in *Pœmandro* monarchiæ hujus mundanæ principales gubernatores nominavit,) ad assumendam corporeitatem in terra, quam nutricem ejus vocat, per mediationem aëris, de quo dicit, quod in ventre suo illum portaverit, quia influentiæ cælestes terræ non possent communicari, nisi aër, qui primus illas recipit, instar mediatoris eas portaret, iisque pro vehiculo serviret. Et sicut divinus noster restaurator & animarum protector in as-

sumptione carnis humanæ de sua divinitate nihil deposuit, ita dicit etiam, *spiritum universalem corporum conservatorem retinere & servare vires suas integras, cum in terram versus fuerit, h. e. quando corpus terrestre assumit.* Voluit insuper Deus filium suum proprium redemptorem nostrum in humanitate sua assumpta per aquam Baptismi & ignem Spiritus sancti quasi regenerari debere, non quod in centro naturæ suæ ulla purgatione egeret, sed tantum quia in mundo & inter homines corruptione contaminatos versabatur, quibus sese in omnibus & per omnia exemplar renovationis & purificationis præbere voluit, dans eis visibile & amplissimum testimonium, quod secundum carnem ejusdem cum illis naturæ esset, non quidem contaminatus aut corruptus, sed passioni obnoxius & mortalis æque ac illi. Similiter optima mater natura voluit, ut primogenitus suus, in suo quidem centro substantia pura existens, renovaretur tamen & quasi regeneraretur per aquam & ignem, h. e. per separationem partis terrestris ab ignea, spissæ a subtili, & unico verbo, impuri a puro. Quod *Hermes* etiam intelligit, quando jubet, *terram ab igne separari debere.* Homo enim separare non debet, quod Deus conjunxit, sed solum impurum & grossum a puro & subtili substantiæ hujus terræ, & ab igne proprio, quæ sunt partes aut elementa spiritus nostri corporificati.

Præter

Præter autem hunc sensum, qui prior oculis intellectus nostri se præsentat, alius adhuc est occultior. Cum enim per separationem terræ ab igne significasset illam, quæ est grossa subtili, voluit etiam innuere, quod qualitates naturales horum duorum elementorum, separare oporteat, detrahendo humidam frigiditatem terrestribus & gravibus rebus admixtam, sine quibus illa subsistere non potest, ad induendam calidam siccam, quæ de natura ignis est, & per consequens levis & spiritualis. Quæ de causa adjungit, *quod ascendat de terra ad cælum*, nempe *ab imperfectione ad perfectionem*; *Paracelsus* enim ignem *firmamentum* vocat. Sicut autem nihil ad cœlestem perfectionem pervenire potest, nisi prius imperfectum grossum & mortalem corticem deposuerit, in quo proprie qualitas hæc frigida abundat, causa omnis mortificationis, sicut calor vitam contra generat; ita etiam sapientissima natura hanc regulam constituit, quod suum subiectum obscuram mortis nigredinem sustinere & transire, atque claram candidamque immortalitatem, & vitæ renovationem expectare oporteat, h. e. essentiam impassibilem, super quam nec ignis nec corruptio ullam habeant potestatem. Et certæ vitæ ista acquisitio per mortem naturaliter in omnibus creaturis vitalibus quotidie exercetur. Omne enim sperma aut semen animalium in matrice mortificatur, & vegetabilium in terra, antequam vegetabilis accretio

aut specificatio fieri possit. Quod si regula illa in membris locum habet, quanto magis & exactius in capite illa observanda & directe imitanda est? & si per hanc mortificationem vita accessorii durabilitatem aliquam acquirit, quanto propius principalioris perpetuitas accedet? *Iesus Christus* ipse hasce res nos docuit per similitudinem grani, quod dicit fructificare non posse, nisi prius moriatur, significans mysterium resurrectionis sue, quam mors ejus precedere debebat. Voluit enim mori, ut ad perpetuam & gloriosam vitam resurgeret, in eo sese non solum hominibus exemplum, sed etiam totius naturæ ideam exprimens. Divinus ille & doctissimus Eremita, *Morienus Romanus*, reverenter & sæpe ab omnibus Philosophis naturalibus allegatus, qui ab aliquot nunc seculis scripserunt, idem de grano fixo dixit, cui naturam potestatem metalla perficiendi & multiplicandi dedit. Ait enim: *Nisi putrescat & nigrescat, perfici & accompleri non potest, & ad nihil revertitur.* Sumpsi mihi licentiam hoc dicendi, ut tyrones doceam, quomodo creator per simplices creaturas agnosci debeat. Et quia homines vulgares cognitionem hanc ex rebus remotioribus mendicant, eodem plane modo agentes ac illi, qui perfectionem scientiarum ab ultimæ classis discipulis petunt, cum a primis scholarum directoribus & doctoribus eam postulare deberent, volui eos per hasce naturales conceptiones excitare, ut animæ suæ rationalis excel-

excellentissima dona ad inquisitionem principii generalis, & quidem in rebus exquisiti-  
oribus, vitam nobis & omnibus creaturis  
mortalibus impertientibus & conservantibus,  
convertere velint.

Mortificatio igitur necessario præcedit,  
omnem introitum ad vitam, & principaliter in  
hoc spiritu, naturæ filio primogenito, quando  
corpus assumpsit; aliter enim ab eo nemo id  
separare poterit, quod regenerationem ad  
vitam & purificationem essentia ejus impedit.  
Non quidem quod per combustionem & de-  
structionem ignis corpus suum in hac morte  
amittat, quemadmodum nec per putrefactio-  
nem; verum eo modo, ut in germinatione se-  
minum putrefactio non annihilat hoc, quod  
in illis corporificatur. Ob illam causam in exal-  
tatione Mercurii aut Spiritus universalis post  
primum gradum, qui per separationem in ejus  
præparatione fit, omne illud, quod corpo-  
reum & spirituale restat, volatile fit, quia vir-  
tus sublimatoria in eo fixatoriam adhuc su-  
perat. Fixum tamen volatile tandem secum  
retinet, adjutum actione calores, qui vires  
duorum nobiliorum elementorum augmen-  
tans potestatem duorum imbecilliorum tota-  
liter destruit. Illud ipsum *Hermes* in tractatu  
quodam innuere voluit *per avem plumosam ab*  
*ave implumi detentam*; & *Nicolaus Flamellus* per  
*duos dracones, alterum alatum, alium vero alia*  
*carentem, quos in arcu aliquo cimiterii Parisiensis*  
*des*



*des Innocents representavit; & in alia tabula lapidea ad latus magni Altaris Ecclesie S. Geneve esse des Arduns, quam ædificari curavit. Sed ne nimis labyrinthis hisce Dædaleis implicemur, nonne videmus, omnia vegetabilia semper crescere & sursum in aërem fortitudine hujus Spiritus volatilis elevari, qui adhuc altius, ut in libro primo dixi, propter desiderium revertendi ad locum unde exivit, eas eveheret, si propria sua terra & corporali massa non sisterentur, in qua nescio quid fixi residet. Ne autem contradictionis per quosdam accusemur, in communibus Philosophorum terminis non admodum versatos, volo me non nihil explicare, & dico, quod non intelligam, hanc spiritualitatem volatilem esse id, quod antea sulphur volatile & separabile dixi, hoc enim corruptionis potius autor est, sed simplicissimam partem tantum vaporis istius primævi, qui internam suam subtilitatem & acuitatem nunquam amittit, cujus natura est, elevari & tendere ad perfectionem. Sublimare enim proprie, secundum verum sensum Philosophorum, nihil aliud est, quam perficere, & materias ab imperfectione ad perfectionem exaltare. Ut igitur hic Mercurius substantiam habet elevabilem, ita etiam habet fixabilem. Prima ex sua natura illi innata est, secundam autem, quamvis in centro suo habeat, h. e. in potentia, non potest tamen effectum suum, nisi per artis auxilium, sortiri. Atque ut clarius monstrem,*

strem, quibus viis natura in suis operationibus procedat, rationi conveniens esse puto, ut de fixationis causis & modo aliquid proferam.

Indubitabile igitur axioma, in principio hujus libri allegatum, repetens, quod in ordine & constitutione mundi regula infallibilis & perpetua observetur, omne, quod vitam habet, durationem etiam aliqualem, in ea habere debere, & nihil sub cœlo productum esse, quod non habeat in se aliquam vitæ speciem, dico, hanc durationem fieri per conservationem ad perpetuitatem aspirantem. Naturæ enim scopus est perpetuatio, cum boni opificis sit, opus manuum suarum semper conservare velle, saltem eo usque, donec per temporis injuriam corrumpatur, aut lumen vitæ a frigidis mortis pruinis extinguatur, ad cujus pedes necessario omnes res enatas prosterne re sese oportet, per legem inevitabilem, ut quicquid initium accipit, finem quoque accipere debeat. Si enim res in suo primo extremo manerent, quod est nasci aut incipere, sine progressu ad secundum, quod est mori aut finire, omnia adhuc in suo Chao relicta essent, vel ut melius dicam, nihil consisteret in suo esse, & principia omnium subjectorum inutilia, imo etiam a seipsis destructa essent. Ad evitandum igitur hoc inconveniens, natura dictum ordinem & rerum progressum statuit, existens nempe in continua actione & motio-

motione, h.e. conservatione & perpetuatione. Quod vero vitam extendit, aut quod eam conservat, sine aliqua fixatione & consistentia, contra impetus destructionis durabili, subsistere non potest : & hæc essentia conservatrix in quibusdam speciebus magis fixa est, quam in aliis, unde etiam longioris & magis durabilis vitæ sunt, ut quæ difficilior destruantur & mortificentur, sicut cervus aut corvus inter animalia, quercus inter plantas, & aurum inter mineralia. Id quod ex commixtione elementorum, in illis magis æquali & digesta accidit, ita ut mors, cuius proprium est dividere & disjungere, non tam facile hæc composita intrare possit, utpote firmiter colligata & forti digestionem unita ; & quo magis corpora duobus hisce remediis dotata sunt, tanto minus accidentibus mortalis corruptionis subjiciuntur. Quia autem natura ex seipsa perfectionem hujus unionis & digestionis attingere non potest, impossibile etiam illi est, totaliter corpora a finali destructione salvare & conservare. Artis vero industria, quæ illam semper vincit, (quamvis ars per hanc conducatur, & ex se sola nihil valeat,) res hæc considerans, illam imitari, & quidem per propriæ viæ cursum separare conatur. Dum enim conservationem & prolongationem vitæ in omnibus corporibus per rem ad fixationem tendentem fieri observat, quæ ipsa per unionem & digestionem pro-  
 dit,

dit, (nihil enim figi potest, nisi sit homogeneum & unius solius naturæ,) artifex eo allaborandum est, ut eandem rem fixabilem invenire, & ad perfectam fixationem deducere possit, & quidem per easdem vias, ordinem & operationem naturæ, nempe per extranearum partium separationem & unionem homogenearum, longa & ingeniosa rerum unitarum digestionem absolvendam. Quia vero possibile non erat, illam separare, aut ex corporibus individuis & specificis extrahere propter hanc unionem compactam, & digestionem nimis fortem in illis jam factam, cogitur eam in illis matris quærere, quæ genitrix ejus est, videlicet in terra, unde omnia procedunt. Illa enim aliunde, in prima virtute integram, extrahere, inutile esset opus, & res plane impossibilis, cogitare vero, quomodo ei reddatur, labor foret longus & dubius, quæ de causa certus quispiam Poëta convenienter, dixit:

*Hic sive nullibi illud est, quod querimus.*

Et certe illi pessime decepti sunt, qui, vias devias & tortuosas insecuti, in communi significatione & cortice verborum Philosophicorum hærent, & vivam medullam intentionis eorum invenire non student. Debebant ergo primo infernali Junoni litare, ibi enim esset caput & fons rerum. Prudentes & nasi emunctioris homines ex radice opera sua incipiunt,

unt, & non extraneis, eligentes, ut doctissimus Bacon ait, rem, super quam natura tantum primas operationes incepit, per unionem & mixtionem proportionatam puri & vivi Mercurii cum simili Sulphure in massam solidi congelati. O sacra verba, in quibus bonus hic Angelus, vel potius Angelus, unicam illam & veram materiam clare depinxit, de qua omnes Philosophi tot voluminibus, sub diversis figuris, & fabulosis ænigmatibus, scripserunt, non ad occultandam eam malitiosè, sed ad cognitionis hujus privilegia doctis & piis viris conservanda, qui semel assiduis studiis, & laboriosa experientia eam investigatam, obvelant & suo modo ornant. Ne autem suspicionem quibusdam magistris moveam, quasi improprie & per ignorantiam hunc locum allegem, & intelligere velim, hanc materiam tam ingeniose a *Bacone* representatam primum & generalem Spiritum esse, quem pro subjecto hujus libri sumpsi, velim eos credere, me differentiam inter patrem & filium, sive inter generatorem & generatum, vel productorem & productum optime intelligere, neque erubescere, sine omni vanitate aut arrogantia dicere, me hunc æque ac illum ratione & experientia cognitum habere. Voluit enim hic sapiens inquisitores principiorum mineralium ad confectionem lapidis Philosophorum instruere, manifestando illis primam materiam metallicam per naturam præparatam, compositam

positam & specificatam : Ego vero tracto de materia universalis nondum specificata, quæ proprie materia prima hujus primæ materiæ metallicæ appellari potest, tanquam generalissimum genus generum a *Raymundo Lullio* adeo celebratum, usus autem sum hac sententia pro exemplo & authoritate, ita tamen, ut nihil absurdi subfit, cum Spiritus universalis communis parens sit Mercurii & Sulphuris, contentorum & proportionatorum a natura in hoc unico subjecto philosophico. Vellem autem, ut artista curiosus hic duas res consideret, quarum prima est, ut subtili imaginatione eligat naturam vivificantem & aptam ad conservationem omnium corporum ; altera, ut eliget rem, quæ de seipsa vivificare se & regenerare possit. Nollem tamen intelligi, quod oporteat duas res aut materias diversas & separatas accipere, unam, nempe agentem & alteram patientem, sed unam tantum, quæ simul virtutem habeat, ut vivificet & vivificetur.

Quoad activam vivificationem sufficienter jam disserui, sed quantum ad passivam dico, quod omne principium originem suam in seipso habeat ; si enim aliunde nasceretur, jam principium non esset. Et quia essentiam omnibus rebus dat, necessarium est, ut dum illas generat, ex seipsa instaurationem & perpetuam plenitudinem hauriat ; qua de causa in continua actione & motu ad vivificationem est, a

quibus interitus ejus impeditur, quia nunquam seipsam desereret, utpote quæ motum ex seipsa, & in se habeat. Quod etiam *Macrobius* subtiliter disputavit in *Commentario super Scipionis Somnium*, discurrens de anima hominis, quamvis, ut ego quidem puto, ejus disputatio melius possit ad animam vel spiritum mundi adaptari, qui subjectum meum est, de quo nunc tracto. Ex illius igitur argumentis hoc mutuabo. Omne quod de seipso movetur, principium motus est, & continue vivit: ille autem qui continue vivit, non potest habere vivificationem quam ex se, est igitur ipse vivificabilis; Spiritus autem generalis mundi talis est. Et quia in terra sese in corpus convertit, sive ut melius dicam, quia ibi sedem suam ad sese corporificandum & in terram convertendum accipit, in qua, ut *Hermes* dicit, omnes ejus virtutes, actiones & qualitates integra manent, sequitur, cum vitalis sit, illum ex se reassumere vitam propria virtute se restaurando. Idem in hoc Mercurio universali etiam observamus, qui in sua minera nutritur & semper instauratur, ita ut si extrahatur quovis modo, semper tamen iterum in eam formam crescat, qua antea fuit; & quocunque loco projicietur, nunquam ibi futura est ejus inopia. Non quod dicam, illum ex terra generari, sed in terra, per cujus omnes partes ille repit, per multiplicationem & vegetationem continue sese extendens. Quod antiqui etiam per

per serpentem significare voluerunt, quem Moyses super terram repere, & de pulvere ejus nutrire se dixit. Atque hoc est, quod Cabalistas movit, ut principem sepulchrorum eum vocarent, quia corpora jacentia devorat & consumit, quando in terram ea convertit. Non quidem, quod corpora mortua aut terra alimenta ejus sint, verum quod sedes tantum, ubi pascitur & alimentatur, existant. Hic est locus, ubi movetur, vertitur & sine intermissione fluit, qua de re Medea Jasonem admonet, cum ait (in Epistolis Heroidum Ovidii :)

*Pervigil ecce draco squamis crepitantibus horrens*

*Sibilat & torto pectore verrit humum.*

Quos versículos autor rythmis Gallicis ita expressit.

*Voicy le dragon veillant, de fureur forcené,  
Qui d'écaille bruyante a le corps entourné,  
Dont le gosier siffiant fumée & feu de ferre,  
Et qui par replis tors va baliant la terre  
De sa large poitrine en la poudre imprimant  
Les sinueux sillons, qu'il trace incessamment.*

Et hi Latine ita reddi possunt:

*Aspice squamosum tumidumque furore draconem  
Semper in excubias aures frontemque minacent  
Fibrantem, & nullo cludentem lumina somno,  
Qui crista linguisque tribus praesignis, & uncis*



*Dentibus horrendus, patulo de gutture flamma  
 Sibilat, & fumis atratis inficit auras.  
 Affice multiplices gyros, quos pondere cauda  
 Insinuat terra, cum longa volumina ducis  
 Perque superficiem reptat, cum pectore lato  
 Verrit humum, relegens eadem vestigia semper*

Volui duas hasce considerationes adducere, non solum ut demonstrem, quomodo Mercurius hic inquiri debeat, sed etiam ut confirmem, illud, quod fixabile in se continet, nihil aliud esse, quam essentiam hanc vivificantem, quæ debito modo fixata vitam in omnibus corporibus, quæ intrat, perpetuat & conservat, puritate sua excrementa abigens, & res imperfectas perfectione sua perficiens. Finis fixationis tam naturalis quam artificialis, perpetuatio est & conservatio, quæ sunt mediante tinctura, quam Mercurius hac fixatione acquirit. Tinctura enim vere vita est, & vita nihil aliud est, quam quod cooperit, pingit, & corpus tinctura ea colorat, quæ vitale illud esse demonstrat, & quæ cum morte perit & terminatur. Natura igitur voluit, ut sanguis, in quo vita consistit, rubro colore tingeretur, & quanto purior, clarior & in rubore vivacior esset, corpus in effectum magis sanum, pulchrius, alacrius, & vigorosius esset & appareret. Sicut contra eodem per accidens turbato, denfioe reddito, nigra & adustabile onerato, aut in falsos colores mutato, corpus rigorem mali

in

in interioribus sentit & patitur, & extra per discolorationem testimonium præbet. Idem in vegetabilibus observamus, quorum vigor vitalis ex grata viriditate apparet, qua mutata, interitus & via ad mortem denunciatur; quemadmodum etiam in metallis perfectio aut imperfectio per colores eorum discernitur. Aurum ex se virtutem magneticam habet, quæ cor humanum fulgore splendente tincturæ suæ trahit, in qua natura omnes vires suas impendit, reservata tamen artis industriæ victoria, ut per graduationem supremam, quam splendori naturali adjungit, infinite eam superare possit, unde & nomen Solis terrestris acquisivit. Artista igitur labore suo colorem aureum, (in cujus pretioso opere, perficiendo natura vires suas omnes impendit,) usque ad summum gradum ruboris obscuri exaltat, qua augmentatione metalla imperfecta in certa quantitate, ratione gradus naturalis, per projectionem tincturæ hujus artificialis altius ascendunt & colorantur, eo ipso monstrans, quod color iste aureus per naturam in aurum introductus, tantum via aliqua sit ad rubedinem, in qua completio perfectæ virtutis ad conservandum & multiplicandum jacet. Quæ etiam de causa hoc metallum, quamvis præ aliis excellentissimum, perfectionem tamen ex se nullam, nec totalem conservationem corporibus humanis communicare potest, prout milleni decepto-

res Alchimistæ & inertes plane Physici suis amalgamationibus, fusionibus, dissolutionibus sophisticis, alii autem infusionibus phantasticis & confectionibus ridiculis sese facturos sancte affirmarunt & polliciti sunt. Si vero curiosi illi paulo altius in hunc Oceanum mirabilium rerum penetrassent, cognovissent utique summum illum ruborem acquisitum accidens esse inseparabile, miracula sua per excessum caloris produciens, qui tamen nihil nisi impuras superfluitates consumit, & non substantiam corporum, quam potius conservat & in omni æquabilitate multiplicat, quamvis Philosophi eam tantum ignem vulgarem superare dicant, quantum ignis vulgaris calorem naturalem animalium.

*Paracelsus* equidem in tractatu de tincturis magnis laudibus eam extollit, quæ ex auro cum spiritu vini extrahitur, eique multas virtutes singulares tribuit, sicut & illi, quæ ex Antimonio & ex corallo preparatur. Quibus adhuc Mercurii tincturam præferre videtur, quem totum tincturam fieri dicit, si ad perfectam fixationem deducatur, eamque penetrare corpora per simplicissimas etiam particulas ob puram suam subtilitatem. Ubi nequaquam illum Mercurium vulgarem intellexisse credo, sed Philosophicum, in quem solum ars juvans naturam duas hasce res introducere potest, tincturam nempe perfectam, & fixationem completam. Tinctura igitur est, proprie loquendo, pura rerum substantia,

stantia, & corpus nihil aliud, quam excrementum, quod quidem inde manifeste apparet, quia corpora post tincturæ separationem, inutilia, sine virtute & corruptibilia manent, non aliter quam cadaver aliquod, vita, motu & colore vivido privatum. Non inepte igitur dici potest, tincturam fixationis scopum esse, ut propter assiduitatem in igne permanentem acquirat perpetuationem & conservationem corporibus, quibus applicatur. Modus vero ad hunc gradum fixationis perveniendi, in quo totius operis completio consistit, alius non est, quam ut res leves & fugitivæ prudenter in igne conserventur, ut patienter illum ferre assveſcant, donec violentum tandem sustinere possint. Et hujus rei causa boni autores frequentissime discipulis patientiam commendant, quam ex parte Dei, ut festinationem ex parte Diaboli esse, dicunt.

Constituamus insuper hanc regulam infallibilem, quod sine præcedente, calcinatione nihil figi possit & quod hæc fieri debeat conjunctione spiritus fixabilis cum re naturæ suæ integre convenientis, quæ illum in igne calcinationis retinere possit, ut hac ratione calorem pedetentim sustinere assveſcat, & aptior fiat ad ferendum ultimi ignis augmentum, qui fixationem infert. Ratio autem, cur tanta discretione procedendum sit, est, quia si nimia promptitudine operationem illam præcipitare vellemus, spiritualitas specialis, quæ tincturæ

Eturæ mater est, evolaret, & corpus suum relinqueret, sine ulla virtutis tingentis impressione, ita ut necessario corpori exanimato novus spiritus addendus sit, antequam desideratus color introduci possit; quod quidem est unum ex maximis artis Spagiricæ secretis. Spiritus enim est, qui mediante igne colorat, & non alia res quælibet. Hæc autem tinctura in nostro Mercurio completa & summe exaltata ad supremum gradum perfectionis elevari debet, *ut nempe, sicut Hermes loquitur, in cælum ascendat, & postquam omnia mortalia tormenta sustinuit, novam vitam recipiat*, h. e. postquam tenebrosas putrefactionis angustias transiit, & vasis sepulchro sepulta jacuit, elevetur nihilominus ad resurrectionem per omnium accidentium mortiferorum & corrumpentium, ablationem, atque hac ratione summum excellentiæ gradum attingat; quod fit separatione terræ ab igne, subtilis a spisso, & postea fixatione partium depuratarum per calorem graduatum.

Veruntamen, ut sine ambagibus & ænigmatibus loquar, hic ascensus ad cælum, (quæ sublimatio & exaltatio partium harum ad perfectionem est,) nunquam fieret, nisi separatio & purificatio illarum præcessisset, & fixationi tanquam extremo & ultimo artis scopo, locum dedisset. Atque inde notandum, eam ob fines duos principales fieri, quorum unus est, ut tinctura perpetuetur, alter, ut sulphur volatile

latile & combustibile Mercurii, quod in centro ejus est, separetur & extrahatur, quod nunquam cederet, nisi longa actione continui ignis fatigaretur: atque hic ignis regularis esse debet, quia periculum metuendum foret, ne violenta præcipitatio in principio purum, Mercurii Spiritum, non satis adhuc firmum, ascendere faciat. Id quod *Comes Trevisanus* occulte docuit, cum ait: *In ignis structura scriptorum alii ab aliis dissentiebant, quamvis ad eundem scopum omnes tenderent, ut nempe ad hunc modum fieret, ne fugiens prius avolet, quam ipsum persequens, quocunque modo pararetur ignis, h. e. ne pars spiritualis per ignis ardorem partem corporalem relinquere cogatur, quæ illum tandem figere debet per actionem sulphuris sui interni, adjuti ab igne exteriori & communi, per gradus requisitos discrete adjuti, in quo principalis industria operationis consistit.* Verum, dicit aliquis, si fixatio cum hac subtilitate penetrante permanentiam in igne illi communicat, quomodo possibile est, ut postea iterum possit sublimari? Reddantur illi alæ cereæ, & apparebit, eum quiescere non posse, quin a terra sese elevet ad fugiendum e carcere suo. Observetur tamen, ne nimis excitato volatu ascendere cogatur, & Sol ceram fundat, plumasque comburat, atque ille in mare hac ratione præcipitetur. Imitandus igitur sapiens ille *Dædalus*, qui medium inter duo extrema tenebat, quia si volatus erit nimis humilis,

*aquarum humiditas alas aggravabit ; si vero nimis altus fuerit , ignis eas comburet.* Fuit hoc impatientissimum & cœcū desiderium superandi *Dadalum* , quo ductus *Icarus* perit , contra parentis præcepta. Et unde perniciosus *Phaëtonis* lapsus contigit , cum *Phæbi* equos gubernare vellet , quam quod magistro suo ad hanc operam sese aptiorem putaret ? qui illum admonuerat :

*Hac sit iter , manifesta rota vestigia cernes  
Utque ferant equos & cælum & terræ calores ,  
Nec preme , nec summum molire per æthera cur-  
rum,*

*Altius egressus cœlestia signa cremabis  
Inferius terras , medio tutissimus ibis.*

Sed tamen non sufficit locum hunc *Ovidii* recitasse , quanquam secundum mysticum sensum veterum verissimum. Explicabo potius intentionem illorum sub fabularum istarum cortice occultatum , cum hæ non nisi expertis in hac arte ferviant. Sciant igitur curiosi & nunquam metam hanc transgrediantur , quod , quando *Hermes* dixit , *hanc rem in cælum ascendere , & iterum de cælo in terram descendere , & virtutem amborum acquirere* , non intellexerit per istum ascensum , materiam ad summum vasis ascendere , ut sublimari debere ; sed tantum necessarium esse , aut postquam ad fixationem summam pervenerit , certa quæpiam portio partis spiritualis illi apponatur , ( *cujus id-*

*circo*

*circo bonam quantitatem ad manus esse debere, Martianus dicit, ) unde illa dissolvatur, & plane spiritualis fiat, relinquendo terrestrem suam consistentiam, & aëream assumendo, quæ Philosophorum cælum est: & cum ad hanc simplicitatem pervenerit, per novam coctionem eodem caloris gradu absolvendam, coagulabitur & in terram reducet, eo usque, donec corpus spiritum eo modo amplexum fuerit, ut unum corpus inseparabile fiant, qua ratione subtilitatem cœlestem, & fixationem terrestrem acquireret.*

Ut igitur semper planam naturæ viam observemus, si *Icarus* ille totum sese elevare non posset, h. e. subtiliare, alas illi refarcire oporteret, nova cera novas alas agglutinando, h. e. per dissolutiones reiteratas, quas magistri artis toties repetunt, ut importuni omnes fere videantur, nisi illis, qui hujus repetitionis consequentiam & nervum intelligunt; quod tamen fit, ut res melius uniantur, per minimas partes eas miscendo. Quo tamen nemo alias pervenire posset, non magis quam ad amborum commixtionem, sine hujus & illius purificatione, conservando tamen exacte spiritus, ab impuritatibus terrestribus liberati, volatilitatem, & corpori, ab omnibus facibus internis separato, totalem fixationem acquirendo. Per dissolutiones igitur hæc res ad cælum ascendit, & per congelationes iterum in terram



ram descendit. Quod per antiquos duos versus compendiose expressum fuit:

*Si fixum solves, faciesque volare solutum,  
Et volucrem figes, faciet te vivere tutum.*

Hoc igitur corpus ita glorificatum super alas spiritus sui in cœlum ascendet, & in eadem perfectione, qua ascendit, postea in terram iterum descendet ad separandum bonum a malo, ad conservandum & vivificandum unum, atque ad occidendum & consumendum aliud. Hoc est, quæcunque corpora intrabit, ejiciet inde impuritates, & puram illorum substantiam corriget & conservabit: Reiteratæ enim solutiones & fixationes dederunt illi vires penetrandi corpora, quia alias nunquam intrare potuisset. Oportet igitur ut *Hermaphroditus* juvenis & delicata ejus *Salmacis* fonti immergantur, ut mutuo sese amplectantur, atque ut *Salmacis* amore ardens dicere possit: *Adveniat tempus, ut pulcher hic juvenis nunquam a me separetur, & ego ab illo, atque ut in mutua felicitate amor conjunctionem nostram perpetuet; ita enim duo nostra corpora non habebunt nisi unum cor atque unam faciem.* Postea curare oportet, ut insula *Delus* immobilis appareat, atque *Apollo* & *Diana* in ea commorentur, quos *Latona* ibi peperit. Fabula, quæ nihil aliud insinuare nobis vult, quam ut materia hæc dissoluta congeletur & figetur, in qua *Sol* & *Luna* Philosophorum continentur.

Nolo,

Nolo, lectorem sibi imaginari, quod antea etiam significavi, se in hoc libro inventurum ditissimas Peruvianas mineras ad satiandam avaritiam suam, quanquam plurimis in locis monstraverim oculatis hominibus, quod vera via ad tantas divitias incognita mihi non sit, non tamen facile passurum adhuc, ut ad iter tam longinquum suscipiendum adigar, & quidem certis de causis, cum illis conformibus, quæ bonum Trevisanum per spatium duorum annorum distinuerunt, postquam ex libris perfectam magisterii cognitionem adeptus esset. Pretiosam tantum confectionem hic stabilire animus est, aut potius thesaurum inestimabilem, quem benigna natura ad sustentationem & prolongationem vitæ nostræ nobis largitur, super quam a Deo illa privilegium & generalem protectionem accepit. Quod certe laudabili desiderio impulsus facio, ut publico bono tota mea industria serviam, postquam favorabile experientiæ astrum ad securum portum me conduxit, quem curiosis viris libenter monstrare vellem. Hunc etenim universalem spiritum aliquoties tam feliciter elaboravi, ut parva quantitate pluris centenis hominibus, diversis morbis fere consumptos, restituerim. Nec dubium est infinita excellentissima ingenia in obscuram hanc & multis mæandris deviam sylvam profundius penetrasse, qui horribilibus monstris eam oppletam videntes, ita confusi facti sunt, ut viam  
tam

tam periculosam dimiserint, & opus inceptum deseruerint. Sicut docto & ingenioso penicillo lepidissimus ille *Polyphilus* mystice hoc negotium depinxit, cujus generosus & imperterritus animus, posthabitis Panicis istis terroribus, tantum effecit, ut nigræ hujus sylvæ utrumque latus libere pateat, cujus etiam ductu per omnium obstaculorum remotionem sanus & salvus ad delitiosam & desideratam habitationem carissimæ suæ Polix, diviti admodum Vestæ templo inclusæ, pervenit. Certissime quidem asserere possum, viam, quam tenuit, apertam esse omnibus, verum non omnes, sicut ille, filium Ariadnes ad manum habent, ut ex hoc labyrintho extricare se valeant, nec quælibet, est *Theseus*, ut *Minotaurum* superare possit. Certum profecto est, naturam, instar amantissimæ matris, omnibus pretiosum & unicum hunc vitæ thesaurum proponere & offerre, atque Deum, universalem nostrum Patrem, pro omnium commodo cavernæ hujus fatalis portam semper amplissime apertam tenere, est enim

- - - facilis descensus Averni,

*Sed revocare gradum superasque evadere ad auras  
Hoc opus, hic labor est; pauci, quos aquas amavit*

*Jupiter, aut ardens evexit ad æthera virtus,  
Diis geniti potuere - - -*

Inveniendus igitur primo est splendens ille,  
infernæ

**infernae Junoni consecratus ramus, de quo Virgilius dicit :**

*Accipe, quae peragenda prius, latet arbore opaca  
 Aureus & foliis & lento vimine ramus  
 Junoni infernae dictus sacer, hunc tegit omnis  
 Lucus, & obscuris claudunt convallibus umbra.  
 Sed non ante datur telluris operta subire,  
 Auricomos quam quis decerpserit arbore fetus.  
 Hoc sibi pulchra suum ferri Proserpina munus  
 Instituit, primo avulso non deficit alter  
 Aureus, & simili frondescit virga metallo.  
 Ergo alte vestiga oculis, & rite repertum  
 Carpe manu, namque ille volens facilisque sequetur,  
 Si te fata vocant, aliter non viribus ullis  
 Vincere, nec duro poteris convellere ferro.*

Si igitur natura sollicita fuit de rebus hisce occultandis, timens, ne indifferenter omnibus proffituantur, aut quod dicitur, porcis ad rosarium aditus concedatur, mirari etiam neminem oportet, antiquos & modernos Sapientes tot figuras ænigmaticas & fabulosa involucra congestisse, ut hanc scientiam quasi sub pallio latentem monstrarent. Sciebant enim probe ceremoniosam naturam nolle se nudam conspiciendam exhibere, aliter enim nunquam sub tot diversis formis & differentiis speciebus sese occultasset, & sub infinitis figuris cavisset, ne venerabilia sua secreta contemptum, rebus divulgatis & communibus  
 semper

semper accedentem, incurrerent. Quam ob causam eadem solennitate & taciturnitate in hoc tractatu utor, ne idem periculum subeam cum eo, qui mysteria Dearum Eleusiniarum divulgabat, quæ publicare adhuc nulli mortaliū permissum est, quia semper illæ secretæ & castæ manere, nec instar meretricularum impudentissimarum ad publicum abusum sese exponere volunt. An vero proposito meo convenienter loquar, facile judicabunt illi, qui in horum secretorum inquisitione longius jam progressi sunt, experientia enim rerum vera & irreprehensibilis magistra est. Tandem etiam neminem in malam partem interpretaturum spero, quod operationes naturales & spagiricas cum sacris Christianismi mysteriis propter conformitatem, quam aliquo modo cum illis habent, nonnunquam contulerim, illa siquidem hac applicatione nullo modo profanare, sed contra excellentiam eorum venerari & celebrare, imo digito quasi monstrare volui testimonium & curam summi Creatoris, qua corporis & animæ salutem simul stabilire voluit. Quæ ratio doctissimum quendam autorem movit, ut scripserit, *veram Chemicam, quam Paracelsus Spagiriam appellat, pedetentim lucem Evangelii insecutam fuisse, quia mediante hac & ignis auxilio omnia opera & potentissima natura vires in lucem prodierunt*, quas antiquissimi philosophi in sua Theologia insinuare, semper voluerunt, videlicet *Brachmani & Gymnosophi*.

*philosophia in Gymnosophia, & maxime Egyptii.* Tota enim Paganismi Magia, & omnia poetarum fabulosa involucra nihil aliud erant, neque alias res significabant, quam eas, quæ hujus libri discursu continentur; quod doctissimus & subtilis *Bracescus* diligentissime examinavit, quamvis invidus ille *Toladanus* contraria scripserit, postquam in experientia secreti alicujus deceptum se vidit, quod importunitate sua ab eo extorsisse se putabat, credens, spumam ferri communis Mercurium Sapientum esse, quod ille asseverasset, hunc extrahi ex re vili, parvi pretii, & quæ in plateas proiciatur, nec observans, discretos hujus artis magistros veram materiam alienis vestibus induere, omnium metallorum nomine eam appellando, quamvis sine ulla fraudis suspitione. Qui enim hanc materiam noverunt, probe sciunt, illam omnia septem metalla in se continere. Et libenter sane ab eis exquirem, an credant, *Cosmopolitam* chalybem vulgarem intellexisse, quando in ænigmate suo ait, *Neptunum sub aliqua rupe duas occultas mineras, aurum nempe & chalybem illi monstrasse.* Vir hic profecto nimis habilis fuit, quam ut tam frivolos haberet conceptus, sed materiam suam hoc nomine nominavit propter conformitatem, quam splendore suo polito cum chalybe habet. Et certe rem Sapientis nomine indignam commisisset *Bracescus*, si uno quasi momento secretum suum propalasset, in quo

L

acqui-

acquirendo procul dubio duas tertias ætatis consumpsisset. Ut autem ex mea parte ad erodendum sensum sub hisce mythologiis occultatum, aliquid addam, annon clarissime videmus, quod antiquus ille *Demogorgon*, parens omnium Deorum, aut omnium potius membrorum mundi, quem in terræ centro habitare dicunt, viridi & ferruginoso pallio indutum, & omnes species animalium nutrientem, nihil aliud sit, quam spiritus universalis, qui Dei jussu ex ventre Chaos produxit cælum, elementa & omnia quæ in his sunt, quæ semper etiam hæcenus sustentavit & vivificavit. Sumit enim vere habitaculum in media terra, prout amplissime sub initium hujus libri declaravi, h. e. in centro mundi, ubi tanquam in throno suo residet, & unde tanquam ex corde magni hujus corporis & vitæ universalis fede producit, animat & nutrit omnia. Pallium autem illud viride & ferruginosum, quo vestitur, quid aliud est, quam superficies terræ illum circumdans, quæ nigricans & ferrei coloris est, diversis herbarum & florum coloribus variegata & picta. *Virgilius* in omnibus secretis mysticis perfecte doctus, huic spiritui aut animæ mundi *Jovis* nomen imposuit, quem pastorem suum *Damatam* in ecloga sua tertia invocantem introducit, quia, ut dicit, ejus omnia plena sunt. Et Deus ille sylvarum *Pan*, a pastoribus cultus pro eodem haberi potest. Præterquam enim, quod hoc vocabulum *Omne* significat, constituitur etiam

**etiam Sylvarum Dominus, quia Græci pro re-  
store hujus Chaos illum coluerunt, quod alias  
style, seu sylvā ab iis nuncupatur. Orpheus au-  
tem in suis hymnis ita illum alloquitur:**

*Pan le fort, le subtil, l'entier, l'universel,  
Tout air, tout eau, tout terre & tout feu immortel,  
Qui sieds avec le temps dedans un throne même,  
Au regne inferieur, au moyen, au suprême,  
Concevant, engendrant, produisant, gardant tout,  
Principe en tout, de tout, qui de tout viens à bout.  
Germe du feu, de l'air, de la terre & de l'onde,  
Grand esprit a vivant tous les membres du monde,  
Qui vas du tout en tout les natures changeant,  
Pour ame universelle en tous corps te logeant;  
Aux quels tu donnes être, & mouvement & vie,  
Prouvant par mille effets ta puissance infinie.*

**Qui rythmi ita verti possunt:**

*Fortis, subtilis, Pan, integer & genemlis,  
Et totus ignis, aura, terra sive aqua.*

*Qui resides folio cum tempore semper eodem,  
Medio, supremo & infimo regno tuo.*

*Concipiens, generans, produicens, omnia servans,  
Exordium rerumque finis omnium.*

*Ætheris atque ignis, terra quoque germen & unda,  
Stringensque cuncta membra mundi spiritus.*

*Qui penetrans totam naturam, & corpora mutas,  
Animaque in illis universalis geris*

*Officium, quibus & motum vitamque ministras,  
Factis tuam tot exerens potentiam.*

**Saturnus, Cæli & Vesta filius (qui sunt cælum &  
terra,) & maritus Opæ sororis suæ, (quæ est vis**



illa juvenans & conservatrix omnium, ) *Vulturnus*  
 ipsum *Demogorgonem* repræsentat. Infantes  
 enim ejus, quos devorat & postea revolvit,  
 nonne corpora sunt, quibus essentiam in uno  
 quoque horum trium generum dedit, quæ in  
 fine suo in illum reducuntur, & nova inde pro-  
 veniunt, ut per hanc perpetuam vicissitudi-  
 nem ordo a mundi creatione stabilitus jugiter  
 sustentari & conservari possit? Pingitur allo-  
 quin capillo cano & sordido, capite aperto,  
 manu falce armata, & pro symbolo serpens  
 circulariter se incurvans & caudam mordens  
 illi additur. Et certe satis est senex, utpote  
 principium omnium; barbam & capillos al-  
 bos habet, crescentes semper, prout in multis  
 locis apparet, nec magis, nec minus, quam res  
 germinantes. Sordidus & male ex seipso di-  
 spositus est, ratione terrestris immunditiæ,  
 quæ illi adhæret, sulphureæ & corruptentis  
 adustionis plenæ. Caput ejus opertum est, & e.  
 principium perfectionis ejus sub velamento  
 impuritatis occultatur, quod facit, ut a paucis  
 agnoscatur, ut difficultatem occultæ inquisi-  
 tionis ejus taceam. Falx ejus mordax pontifi-  
 tas est, qua omnia penetrat & devorat. Ser-  
 pens autem caudam suam mordens virtus  
 ejus & natura regenerans est, per quam se-  
 ipsum reparat & regenerat, quemadmodum  
 de *Phænice* idem dicitur, quo nomine etiam hac  
 de causa sæpe vocatur; ita ut semper quasi in  
 rotundo aut circulari & indeficiente incre-  
 mento

mento verſetur, ad modum ſerpentium per terram repens.

Videor jam audire aliquos dicentes, male me intentionem autorum hujus fabuloſæ deſcriptionis *Saturni* aſſequi, per illum namque plumbum alioquin indigitari, quia ſecundum omnium doctorum ſcripta in metallorum generatione *Saturnus* antiquior & primogenitus omnium eſt per naturalem congelationem, *Mercurii* in venis montium; qui etiam omnia alia devorat propter cruditatem ſuam, quod Sale abundet. Ex ſale enim mordens & devorans actio provenit, prout ſufficienter in probationibus capellæ vel cineritii apud affinatores metallorum patet, ubi aurum & argentum revomit, quæ deglutire quidem, verum conſumere & deſtruere non poteſt, quia in decoctione ſua firmitatem & fixationem acquiſiverunt ad reſiſtendum debili calori avidi ejus ventriculi aptam. Non equidem ſenſum hunc plane rejicio, quia deſcriptioni ſupra dictæ in quibusdam locis conformis eſt; cum tamen in omnibus non conveniat inſtar illius quem deſcripſi, ſpero, neminem in hoc negotio mendacii me accuſaturum, ſi judicium a viris expertis requiratur.

*Maja* terram repræſentabat, ita dicta, quaſi avia, ex qua Spiritus ille aut Mercurius univerſalis originem ducit, & quidem ex puro & inviſibili *Jovis* ſemine, qui aër eſt. Vere enim hoc modo ex illa provenit, ut diſcrete admodum

dum doctissimus *Cosmopolitus* in pretiosis suis tractatibus explicat.

*Mercurius* ille in multis locis alatus pingitur, ut monstretur, illum natura sua fugientem & volatilem esse, caput pileo tectum gestat, easdem ob causas, quas antea recensui, cum de *Saturno* locutus fui. Portat caduceum & Virgam fatalem serpentibus circumdatam, tam ad significandam virtutem ejus renovatricem, quam illud, quod de serpentibus *Saturni* dixi. Qua virga cœlum & terram aperit & dat mortem & vitam. Virga autem illa potentem naturam repræsentat, per quam, ascendendo ad cœlum & descendendo ad inferos, h. e. in terram, virtutes rerum superiorum & inferiorum acquirit. Eadem hac potentia animas ex orco trahit, dormire facit & oculos æterno somno claudit, prout *Virgilius* de illo scripsit.

A quibusdam etiam Theriaca & venenum appellatur, sive mors & vita, nempe secundum usum & dosin ejus, quia vita in temperamento & justitia consistit, mors autem in excessu, tanquam vitæ contrario. Infinita hujusmodi alia mysteria in hac Theologia Ethnica inveniuntur, quæ alium scopum non habent, quam eum, ad quem collimo, quæ si cuncta adducere vellem, in amplum volumen hic liber excresceret. Nolo autem Lectorem frequentioribus unius & ejusdem rei repetitionibus defatigare, & sufficit, hæc pauca superficialiter dixisse, ut demonstrem, omnes hosce com-  
menta-

mentarios mythologicos cum sensu suo historico allegorico nunquam poetice fictionibus occasionem & ansam scribendi præbuisse, ac si veritas aliqua in iis lateret, sed maximam eorum partem eo tendere, ut admirabiles operationes artis Spagiricæ insinuent. Quemadmodum inter alias historia de *Jasone & Medea*, secundum testimonium *Suida*, eleganter per *Chrysogonum Polydorum* in præfatione operum *Gabri* explicata, ad cujus enodationem suspendam aliquantulum silentium promissum, declarando hoc nomen *Medea*, quod cogitationem, meditationem aut investigationem significat, derivationem suam a vocabulo sumens, quod principium, originem, scaturiginem aut rationem significat. Omnis enim meditatio, cogitatio aut investigatio sine dubio principium aliquod aut rationem pro fundamento habere debet, cui innitatur, & unde prodit, præbendo occasionem, ut fiat talis inquisitio cum ratione. *Medea* hæc docuit *Jasone*, (inquisitorem nempe aut Philosophum,) duas res, in quibus tota Philosophia consistit, quarum prima est, acquisitio velleris aurei, ars videlicet ad metallicas transmutationes cum rebus mineralibus destinata: secunda, est restauratio corporum per morbos debilitatorum, prompte & perfecte ea curans, & postea juventutem aut primum vigorem diminutum, & per frigidum annorum aconitum ferre extinctum restituens, medicina hac unice

universali omnes humores & superfluitates corruptas & corrumpentes e corporibus expellens, qui ea ad finem tandem deducunt, & quidem accidentium talium improviforum, excessu sæpe præcipitatum. Miraculosos hos duos effectus aggressus est *Jason* & perfecit, sapientis *Medea* consilia religiose observando, post longam tamen & laboriosam navigationem infinitis periculis, ob draconem & taurum edomandos, obnoxiam. Hæc igitur navigatio operosa inquisitio & dubia rerum experientia est, in quibus sæpe per totam vitam multi vagantur, & tamen in immensi hujus maris naturæ portu desiderato appellere nequeunt. Tauri monstrosi, quos domare & jugo alligare oportet, furni sunt, in quibus operatio fit, taurinum caput egregie repræsentantes, atque ignem per os & oculos efflantes, prout fabula dicit. In illis enim necessario spiracula requiruntur, per quæ caloris gradus regulari, & ignis ab extinctione conservari possit, adeo quidem, ut nisi quis in igne regendo expertus fuerit, sæpe accidentia in operis Philosophici labore accendant, operatoris expectationem eludentia. Possum ea de re tanquam expertus loqui. Ex novem enim vasculis, quæ ad indagandum debitum caloris gradum in furno reposueram, octo perierunt, & nihil mihi reliquum fuit, præter illud, cujus medio ante dicta experimenta in morbis curandis obtinui.

Draco

Draco semper vigil *Morimus universalis* est, quem *Cadmus* interficere, h. e. figere didicit.

Campus Martis, in quo dentes serpentis Martialis seminare oportuit, nihil aliud est, quam vas, in quo milites acutis lanceis armati elevantur. Quod vas hoc loco alembicus vitreus esse non debet, ut *Polydorus* putat & scribit, sed forma cooperuli, ut fabula dicit, effigiatum, angustioris inferius, & capacioris superius, quod ex bona terra bene cocta & non ex ferro aut vitro conflatum esse debet, in cujus fundo elevabitur campus armatus & lanceis hispidus, qui milites repræsentat irritatos, & invicem pugnantes, ut alioquin in campo & plano pugnae loco fieri solet. Atque hæc sane ingeniosa inventio poëtica est, vulgaribus hominibus rem aliquam admirabilem reddens, tanquam peregrinam & inauditam, quæ tamen adeo communis & familiaris nobis est, ut si eam nominarem, risui & ludibrio me exponerem. Cum vero *Jafon* labores suos absolvisset, oportebat eum adhuc draconem vigilem, vellus aureum custodientem, sopire, & ita somnolentum reddere, ut ex rictu ejus nec ignis nec fumus amplius exiret. Quod quidem effecit suffocando illum in aquis stygiis, h. e. iterum dissolvendo & fixando eum cum suo spiritu: & tum *Jafoni* nihil amplius restabat ad possessionem velleris aurei, atque ad parentem *Esonem*, extrema senectute aggravatum, in juventutem vegetam re-

stinguendum, quam unus labor, quem *Medea* etiam in officiorum suorum complementum illum docuit, fermentatio nempe & conjunctio butyri Solaris cum pasta Mercurii hujus preparati, qui ex sese idoneus non est ad duos tam excellentes effectus producendos, cum vere aliud nihil sit, quam terra, in qua purum fermentum, a natura productum, & ad perfectionem debitam promotum, seminari debet. Ultimo hoc labore peracto, vidit se possessorem duplicis hujus thesauri, quem ad locum nativitatis suae gloriose retulit, cujus beneficio amplissimis divitiis ditatus fuit, & parentem ad vigorem sanitatis reduxit, importunos languores, quos longa ætas secum trahit, removendo.

Veruntamen relinquam nunc *Jasonem* cum *Medea* sua felicitate frui, & hoc tantum addam, per draconem istum vigilem & ignem de gutture evomentem nihil convenientius designari posse, quam Spiritum nostrum aut Mercurium, qui res est totius mundi maxime viva & inflammabilis, qua de causa aqua ardens appellatur, aut aqua vitæ, quia, ut *Bruciscus* dicit, *continue ardet ante coagulationem suam, non tamen est aqua vitæ, sed vitæ, quia omnia vivificat.* Et si ejus externa superficies aspiciatur, quis unquam judicaret, rem fixam & non consumptibilem ei inesse, utpote quæ tam facile accendatur, & ad minimum ignis contactum evanescat? aut latere in centro ejus virtutem vitæ

con-

conservatricem, cum aperte edat signa mortalis veneni, destruendis potius quam vivificantis? Sicut autem Deus Cherubinum ardentem cum gladio flammeo ad custodiam arboris vite constituit, ita natura draconem hunc vigilem & ignivomum ad custodiendum introitum horti destinavit, ubi pretiosam arborem, aurea poma ferentem, plantavit, h. e. cognitionem occultissimorum secretorum thesauri sui, quam quidem docti prædecessores nullo modo literis mandare, sed ore tenus illis concedere voluerunt, quos illa cognitione dignos judicarunt. Atque hæc vera causa est, cur scientiæ illæ magnæ & admirabiles evanuerint, & lapsu temporis ab ignorantibus pro fabulis & suavibus deliriis habitæ sint. Quod etiam *Esdas*, propter exilia, homicidia, fugas & captivitatem populi Israëlitiçi eventurum prævidens, & timens, ne talia arcanæ perirent, quia sine scripturæ aut literarum beneficio hominum memoria diu durare non posset, omnes testantes Sapientes LXX. numero congregavit, qui cum eo omnes hæc res in tot libros retulerunt, ut ipse testatur, cum dicit: (a) *Post quadraginta dies locutus est Dominus & dixit: Res, quas primo scripsisti, publice propone, ut omnes legant, posteriores autem LXX. libros reservabis, ut tradas eos sapientibus populi tui, in his enim est vena intellectus, & sapientiæ fons, & scientiæ flumen. Atque ita feci.*

Picus



*Picus Mirandulanus, tempore suo doctrinæ & scientiarum Phoenix, de istis libris magna cum reverentia loquitur, & hisce vere verbis: sunt, ait, LXX. libri Cabalistici, in quibus Esdras clares dixit latere intellectum, & scientiæ scaturiginem, hoc est, inestimabilem Theologiam de suprema divinitatis fontem sapientiæ, integram intelligentiarum Metaphysicam, flumen scientiæ, hoc est, firmissimam rerum naturalium Philosophiam. Libri isti, cum longo tempore fuissent occultati, jussu Xysti quarti in Latinam linguam transferri cœperunt ad usum religionis, verum hoc bonum opus per mortem ejus interruptum fuit. Sunt tamen inter Hebræos in tantâ veneratione, ut nemini illorum ante 40. ætatis annum contingere cõfiteatur. Atque hoc mirandum est, in hac doctrina Cabalistica capita quedam Christianismi contineri. Omnia hæc ex scriptis præfati gloriosæ memoriæ Comitæ de Mirandula excerpta sunt. Cum igitur, ut ego quidem existimo, nihil eorum hætenus oblitus sim, quæ ad interpretationem tabule Hermetice, obscuræ cujusdam Cabalæ Philosophicæ, juxta meum sensum servire visa sunt, conferam me nunc ad portum Oceani hujus imperscrutabilis, & exantlatos fluxus sub Solis favoris clementissimæ Serenitatis Veræ exiccare conabor, valedicendo eidem & legitimis rationibus probando, veram Philosophiam esse fortunam, honorem & gloriam totius mundi.*

## LIBER TERTIUS.

**M**agnificus quispiam & ingeniosus Princeps, palatii sumptuosum ædificare secum deliberans, mandabit sine dubio Architectis suis, ut postquam pro personis principalioribus conclavia debita designarint, eadem utensilibus & tæpibus adornarint, in loco aliquo commodo & secreto musæum aliquod aut privatum cabinetum constituent, quo thesauros suos & alia pretiosa recondere, & ipse etiam sese abdere interdum possit, non solum honestæ alicujus voluptatis gratia, sed ut ferente occasione depromere inde possit, si quid munifice largiri cupiam velit, atque hac ratione liberalitas illa a principe ipso, & non ex alterius substituti manibus expectetur. Sæpe enim accidit, ut Magnates indigne a Ministris extorquere, quasi aut mendicare cogantur etiam parvum aliquod donum, & quidem cum metu impudentissimæ denegationis, quo bene meriti viri officia compensare vellent. Princeps ille est ditissima & abundans natura, quæ meditatione unius Dei, vastum hoc mundi palatium construxit, in cujus medio terræ globum fundavit, tanquam conclave aliquod interius, in quo pretiosam contributionem, quam a reliquis membris & quasi totius universi provincius exigit, congregare, iterumque ex hoc inexhausto thesauro indefinenter ædificii sui sustentent.

sustentationem & omnium creaturarum substantiationem depromere possit, quas ea etiam de causa in terra locavit, ut instar infantum semper matris suae mammillas quasi in manibus habeant. Omne enim, quod in mundo vivit, in & circa terram hanc habitat, naturali instinctu sentiens, in ea fontem & primum condum vitae locatum esse. Atque hanc ob causam corpora sensibilia circa illam ad alimentum sui acquisitionem discurrunt & ambulant, quod illa instar benignae matris insensibilibus primo communicat, beneficio vegetationis omnia substantians & augmentans, ut quae per radices terrae inhaerent, instar infantis in ventre matris per umbilicum, trahant & recipiant ex illa fere sine ullo labore alimentum suum, hoc est vitam suam, qua destituntur statim, atque ab ea separantur aut amoveantur, quemadmodum quotidie in arboribus eradicatis & ramis detruncatis experimur. Alia autem, quae terrae non alligantur, ex ea tamen vitae sustentationem quærunt, quam in illa occultatam esse sciunt, & horum quaedam naturae instinctu, alia autem per observationes & experientias naturae instinctui iunctas. In quo certe omnes hae creaturae bene monstrant, in terra ditissimum & perpetuum vitae thesaurum latere, atque eas libenter quasi in viscera illius reversuras, ut abunde participare de illo possint. Quod quidem ansam praebet homini, (cui, tanquam excellentiori spiritu praedito, e

supernis

supernis concessum est, inquirere & res per rationes invenire,) ut de vitæ prolongatione curiose cogitarit, quam ex terra desumi & hauriri debere judicavit, quæ eam omnibus communicat, utpote nutriendis, conservandis & sustentandis omnia, & quæ in potenti sua fecunditate nunquam diminuitur vel destituitur, cum centrum ejus semper provisum & vivificante spiritu plenum sit. Nihil igitur tam pretiosum aut carum habens, quam vitæ thesaurum, ob quam solam omnia pericula subit, atque omnibus laboribus, quanquam sæpius inutiliter, sese submittit, reliqua omnia animantia, in curiosa hac inquisitione superare voluit, ut sicut a Deo perfectissimus respectu omnium aliarum creaturarum terrestrium factus est, sublimiori & audaciori etiam volatu ad rerum cognitionem sese elevaret. Quamvis enim bruta animalia communem nobiscum modum illum rationis habeant, qui circa animam vitalem est, (quem Græci rationem intus occultatam vocant,) & eorum alia plus aliis de eo participant, artium tamen capacia non sunt, aliquot exceptis, ut *Galenus* dixit, quibus tamen dexteritas illa per naturam potius quam per institutionem accidit, utpote quæ uni homini competat, qui solus aptum sese dicere potest, ut eas discat & alios doceat, oculo nimirum profundo & plus quam humano, res in terra occultatas, & sub aquis, imo etiam superius in cœlis, existentes considerans; propria in-

super

super sua industria perfectissimum bonum,  
Philosophiam nimirum, acquirens, quia ce-  
lum & natura pene ad invidiam usque ex utra-  
que parte suas maximas vires ad ejus perfecti-  
onem contulerunt. Et forsan non erit præter-  
rationem, ut hic versus aliquos proponam, in  
quibus hanc excellentiam depinxi, & tan-  
quam in dialogo Timonem & Philonem, de hami-  
nis felicitate & infelicitate disputantes, introduxi.

PHILON.

*Suprimant du proques les deux intres meilleurs,  
Tu produits l'inventaire & l'extrait des malheurs,  
Et pour rendre la cause obscure & imparcie  
Tu nous dépeints tout l'homme en sa moindre*

*partie;*

*Partie, on luit pour tant parmi l'humanité  
Ils ne sçay quoy de grand qui sent sa deité.  
Mais considere l'homme en la forme plus digne,  
Forme, dont estincelle une lumiere insigne  
Qui tout autre animal force a le redouter  
A recevoir ses loix & se laisser dompter.  
Vois ce noble intellect, ce vif esprit, qui vole  
Du Levant au Couchant, de l'un a l'autre pole  
En l'instant d'un moment, sur l'aile du penser,  
Que Mercure ou Iris ne sçauroient de vancer.  
Aigle, qui d'un œil fixe en leur splendeur regarde  
Le Soleil jaunissant & la Lune blaffarde,  
Qui a connu leur trace, & distingué les tours,  
Que l'un & l'autre acheve en paraisant son cours,  
Qui clarifiant l'ombre & les nocturnes voiles  
A veu des plus hauts Cieux les dernières étoiles,*

*Et*

nous a ramené les occultes raisons  
 parquoy leurs cours divers vont changeants les sai-  
 sons,  
 comment ces yeux divins pleurent leurs influences,  
 pour animer les corps de celestes essences ;  
 comment du plus subtil de ces perleuses pleurs  
 fait l'émail exquis des printannieres fleurs,  
 comment le plus subtil la fucille & du plus gros l'écorce,  
 comment malgré les saisons maintient l'arbre en sa force :  
 comment l'esprit du monde unique & general  
 produit un triple genre, & en tous est égal :  
 comme en sa pureté les gemmes il procréé  
 et l'or dans les boiaux de la terre il concrée :  
 puis comment cet esprit de tous corps est extrait,  
 pour l'opposer aux coups de l'homicide trait.  
 Cet intellect fut l'œil, dont on dit, que Lincée  
 avoit des grands rochers l'épaisseur transpercée,  
 que Pluton en son trône & connoice que font  
 les Nymphes sous l'azur de l'Océan profond, &c.

Quorum versiculorum hic sensus est :

PHILON.

Quæ sit præ reliquis hominis præstantia brutis,  
 cum placide inter nos disquirimus, optime Timon,  
 tu titulos ejus meliores suppressis, atque  
 Erumnas tantum & gravia infortunia narras.  
 Utque tuam causam phaleratis vocibus ornes  
 Depingis totum nobis ex parte minori  
 Torporeæ, præsigni equidem multisque decone  
 Notibus, unde etiam lucet, quod nemo negabit,  
 Nescio quid magni, & diva spectabile forma.  
 Sed tamen in partem potius convertere mentem

M Debeas,

Debebas, genus humanum qua dignitas esse  
 Credimus, & cunctis rebus prestare creatis,  
 Nempe animam, formam internam, rationis acuta  
 Participem, & solam divina luce micantem:  
 Cujus & auspiciis animantia cetera nutus  
 Observare suos, & jussa capessere cogit.  
 Respice Præterea, nobis quem conferat usum  
 Intellectus, in ambiguis fidissima rebus  
 Spes & dux, agilis qui tanquam spiritus alis  
 Mentis in occiduas, atque Atlantidis adoras  
 Ex Oriente volat momento temporis uno,  
 Aquæ polo Austri ad tardantia plaustra Bootæ,  
 Ut neque Mercurius, nec picta coloribus Iris  
 Disparibus, possint veloci hunc vincere cursu.  
 Et quamvis oculis aquilinis tanta facultas  
 Insita sit, fixo ut Solem Lunamque coruscant  
 Obtutu tolerent, sed quis vestigia Solis  
 Observavit adhuc, aut causas reddere motus  
 Constantis potuit, cunctis quem conficit annis?  
 Quis sciat in cælis auroræ tempore quanquam  
 Inter lucentes dispareat ultima stellas?  
 Quis queat occiduas rationes reddere, eadem  
 Cur per diversos commutent tempora cursus?  
 Quove modo & per quos destillent astræ canales  
 Influxus viresque suas in viscera terre,  
 Corpus ut exanimum cælesti rore beatum  
 Efficiant, animentque suis virtutibus orbem?  
 Insuper ex hujus subtili parte liquoris  
 Floribus in vernis qui fiat tanta colorum  
 Mixtio, pictori nequaquam imitabilis ulli,  
 Qui magis impura folium progerminet, & qui

*Spiffior ex grossa nascatur in arbore cortex  
 Illesam servans hyberno a frigore stirpem?  
 Spiritus hic iidem cur unicus & generalis  
 Producat triplex genus, & sit in omnibus idem?  
 Quomodo spendentes miro fulgore lapillos  
 Progeneret simplex, mixtusque in montibus aurum?  
 Qua ratione etiam de cunctis eliciatur  
 Corporibus, morbo ut fiat medicamen in omni?  
 Scilicet his dubiis solvendis sufficit unus  
 Intellectus, is est oculus, quo dicitur olim  
 Trajecisse petras & saxa ingentia Lynceus,  
 Imo in visceribus terræ Plutonia regna  
 Ludentesque imo spectasse sub æquore Nymphas.*

Ethac de causa Deus hominem creavit facie  
 ad superna & cælum versus elevata, non in-  
 clinata aut ad terram flexa, sicut in cæteris  
 animalibus ratione destitutis, quæ nullius rei  
 quam esculentorum curam habent; ita qui-  
 dem ut perfectioni ejus nihil desit, quam vita  
 longior, infortuniis & morbis minus obnoxia,  
 cujus beneficio integram rerum cognitionem  
 adipisci, & pretiosam illam intellectus gem-  
 mam, qua solus speciali quodam privilegio  
 fuit decoratus, valori & honori suo restituere  
 possit. Hæc imaginatio *Pamcelso* ansam contra  
 naturam murmurandi atque inconsideratio-  
 nis accusandi præbuit, quod animalibus qui-  
 busdam irrationalibus & inutilibus sanam &  
 longissimam vitam concesserit, cum gratia illa  
 parum iis profit, & fere indifferens sit; homini  
 autem bonum hoc tantopere desideratum ne-



cessarium denegaverit, cujus tamen solo medio in scientiis perfectionem facile adipisci potuisset. Homo igitur generosa quadam resolutione inductus arte sibi comparare proposuit, quod natura illi denegarat, ita ut intellectus nervos intendens per Philosophiæ scalam ad summum secretorum naturalium gradum ascendere enixus sit, nempe ad restaurationem & prolongationem vitæ, ultra communem terminum suæ speciei. In eo enim omnium Philosophorum finis & Principalis scopus consistit, utpote qui nihil sublimius in spatiosa sylva investigationis arcanorum mundi sese inventuros unquam crediderunt, cujus sine dubio *hec Philosophia Fortuna, Honor & Gloria est.* In toto enim hoc universo tres tantum species Bonorum temporalium observantur, ea nempe, quæ fortunæ tribuuntur, ut sunt divitiæ, sublimis status & dignitates; aut quæ corporis felicitatem attinent, ut juvenus, sanitas, fortitudo & bona dispositio; aut quæ ad spiritum pertinent, nempe scientiæ. Quod duas primas species concernit, incertæ illæ sunt, & transitoria, atque ex seipsis magis necessariam hominis partem, vitam scilicet, conservare aut tueri non possunt, quia una æque atque altera mutationi & interitui subjiciuntur; tertia vero species medio magis solido acquisita, non solum duas præcedentes largiri, sed etiam contra accidentia fortunæ & corruptionis mortalis eas munire, atque ad certitudinem &

con-

conservationem illis deficientem evehere, potest. Intellego tamen eam scientiam, quæ ipso effectu talis est, prout videlicet perfecta cognitio operum & secretorum naturæ est, ad quam acquirendam reliquæ omnes non sunt nisi simplices gradus. Atque ea de causa viri excellentes in parvo admodum pretio primam speciem horum bonorum habuerunt, quam etiam neglexerunt, imo plane rejecerunt, ut liberius acquisitioni & possessioni reliquarum duarum vacare possent. Maxime autem & ardentissime tertiæ speciei incubuerunt, utpote a qua secura & libera duarum priorum possessio dependet. Sicut enim apud omnes creaturas vita nihil exquisitius est aut desiderabilius, utpote sensum, vegetationem & subsistentiam omnibus communicans, ita etiam nihil est pretiosius aut majoris æstimationis, quam illud, quod eam ultra communem terminum sustentare & conservare, potest. Evidentissimum autem est, vitam esse rem cœlestem & divinam, quod igitur eam, conservare potest, ejusdem naturæ esse debet, quia omnes res ex eo sustentantur, unde originem sumunt. Dicam vero adhuc amplius, hunc conservatorem ipsam vitam esse. Extensio enim & prolongatio ejus per additionem & restorationem fit, ut vacuum & inanitio vitetur. Alimenta, quibus quotidie utimur, eo serviunt, quia de vita universi participant, & in se particulam quandam continent, quam

M ;

natu-

naturæ coquus attrahit & exprimit ad conjunctionem cum nostra substantia. Quia autem paucum illud quod habent, corruptionibus excrementitiis nimis immersum est, neque etiam perfecte fixum, ut destructionis violentiæ resistere possit, quæ ignis ille est contra naturam, semper agens, ut vitam cum humido radicali exterminet, & ex suo domicilio ejiciat, impossibile esset homini, per sola alimenta istam vitæ longitudinem acquirere. Difficile ergo est, ex purioribus corporibus extrahere, eam, & ultra adhuc separare ab omni re, quæ inquinare & a productione effectus hujus impedire eam posset, ad quem a cælo destinata est, nempe ad accretionem & vivificationem nostram; sed potius maxime necesse est, mundi corpus intrare, & generalem vitam inde accipere, quæ nunquam deficit, sed multiplicationem & dilatationem suam in seipsa continet, ut eam nobis communicare possit, quantum naturalis nostræ compositionis vires ferre queunt: nec enim æstimandum est, nos hinc immortales fieri posse, quia omne, quod corpoream massam in se habet, hoc est, excrementum & corruptionem, perpetuari non potest, atque oporteret prius omnem corpoream molem deponere, quam eo perveniremus, quia post hanc corporis depositionem, vita nostra libera existens vere refert vitam universalem magni mundi, cum qua iterum sese uniens in illa lætatur, tanquam in sua propria

propria natura, sequendo regulam, quæ vult, ut omne revertatur ad locum, unde exivit. Id quod *Theophrastus* intelligere voluit *per animam eorum, qui vivunt in quinto*, hoc est, qui soluti erunt a massa ex quatuor elementis composita, & in quinto vivent, quatuor illis perfectiore; quod quidem secretum est, solo intellectui, Philosophiæ essentiali odore imbuto, comprehensibile. Hoc enim quintum elementum non est res super terram, aquam, ærem vel ignem situata, utpote quæ in separatione Chaos multo sublimius ascendit quam unum illorum, ratione maximæ suæ levitatis. Verum proprie de se Spiritus est simplicissimus, qui indifferenter omnibus miscetur, qui nutrit & animat omnia, & omnibus rebus essentiam largitur, in suo nihilominus centro, (hoc est, in sua propria natura,) liber ab omni corporalitate existens, quæ verum domicilium mortis est. Quia enim ex corporibus consistentia ei advenit, necessario sequitur, ante hanc consistentiam & specificationem illum simplicissimum & pure spiritualesse, elementorum unitorum confusione nequaquam inquinatum aut commixtum, & consequenter corruptioni & mortificationi non obnoxium: quæ tamen corporum mortificatio non est annihilatio hujus spiritus, sed tantum separatio & divisio ab illo; quia dum sentit corrumpens sulphur, in omnia corpora tyrannidem exercens, sibi jam dominari atque integre corpus

occupare, cogitur loco cedere, & eo regredi, unde prodiit, nempe ad centrum magnæ hujus sphæræ vitalis, massam corpoream & excrementitiâ terræ relinquens, unde desumpta fuit. Sed quia magnus hic mundus & vita ejus in forma sphærica consistunt, quæ indeficiens rotunditas est, antiqui sapientes argumentum inde petierunt, ut æternum illum crederent, & quod omnes lineæ & globi peripheria ex centro sicut ex fonte suo procederent. Ambo enim ex punctis individuis constant, quorum tam longa quam rotunda extensio ne imaginatione quidem sine centro esse posset, & suadet ratio, ut statuamus, centrum vitæ universalis sedem esse maximi thesauri totius mundi, cujus verum punctum, centrale terra est. Sic & centrum vitæ in ipsa terra est, quæ a familiæ suæ universali matre in eum finem electa est, ut sit instar cellæ cujusdam promptuariæ divitiarum suarum, quas ibi colligit & condit, ut suo tempore & in sustentationem admirabilis sui ædificii & suorum infantium & domesticorum convertere possit. Qui igitur cælum tam propitium habet, ut semel ditissimum & sumptuosum hoc cabinetum, ad quod sola Philosophia clavem custodit, intrare queat, nonne causam habebit dicendi, quod ad cælum ascenderit, sicut duo illi electi Dei, *Henoch & Elias*, & ad infernum usque descenderit, sicut tres illi heroës. *Orpheus, Hercules & Theseus*? Hi autem singulares favores

favores non nisi Deorum filiis concessi sunt, qui sub paterna benedictione intromissionem obtinere potuerunt ex benigna manu reginæ artium, *Philosophia profundioris*, quæ jure *Fortuna*, *Honor & Gloria mundi* appellari potest, quia hominem etiam super ipsum hominem distantia tam longa exaltat, quam ea est, quæ cælum a terra separat, suosque cultores supra omnium aliorum conditionem & excellentiam adeo ditat, honorat & decorat, quantum *Cæsus* opulentia sua *Irum Homericum* superabat, sive quantum meridies clarissima aliqua æstatis die luminoso suo splendore frigidam & obscurissimam noctem hybernā excedit; aut quanto putum & purissimum aurum in splendore, valore & viribus fæculentam & rubiginosam ferri grosfitem vincit. O magna, o venerabilis, & divina *Philosophia*! quam felix est homo, quem dignum judicas, ut votum ejus suscipias, preces exaudias, animamque ejus perfectâ occultissimarum rerum cognitione bees, ad qualem humana apprehensio pervenire nunquam posset, nisi alis tuis indefessis eo deferretur. Veruntamen anne vel imaginari saltem sibi possit quispiam æquivalens aliquod bonum pœ duobus illis in hominis felicitatem acquirendum, quæ tu cultoribus tuis largiris, dum videlicet eos sanitatis & longæ vitæ, atque inexhausto insuper divitiarum thesauro beatos reddis, quem nemo auferre aut diminuere etiam valet, si pos-

sessorem miraculosæ hujus medicinae semel  
quempiam feceris. De qua medicina apud  
*antiquum autem ipsa natura in querela sua ita*  
introducitur :

*Qui gueris toute maladie,  
Et qui l' a jamais ne mendie,  
Qui en a une once & un seul grain,  
Toujours est riche & toujours sain :  
En fin se meurt la creature  
De Dieu contente & de Nature.*

Qui rhythmī Latine ita reddi possunt:

*Tanti roboris est medicina operatio nostra,  
Ut possit morbum quemque abolere gravem.  
Et quicumque bono titulo hanc possederit artem,  
Haut causas habet, ut victum aliunde petat,  
Namque suis manibus drachmas qui fecerit octo,  
Sanus is & dives postea semper erit.  
Et cum pallida mors veniet, contentus obibit  
Natura donis & bonitate Dei.*

Sine qua benedictione vita nullatenus vita  
est, sed tædiosus languor & tumultuoso mari  
similis, cujus fluctus venti contrarii inflantes  
suis fluctibus excipiunt, & tandem miseram  
nostram naviculam ad profundum & tene-  
brosū mortis abyssum detrudunt. Habemus  
enim ab infantra nostra intestinos inimicos  
morborum gravissimorum cumulos, quorum  
numerus fere infinitus est, extra autem male-  
dictum incommoditatum aut afflictionum  
exercitum, quarum dura paupertas dux est.  
Duobus autem hisce adversariis contra vitam  
nostram

nostram conspirantibus, & secreta consilia quasi conferentibus, quænam defensio aut propugnaculum sufficere quæso possit, ut eam ab illorum insultibus tutam reddat? Nocent, insuper nobis injuriæ & mutationes, quibus fortuna subjacet, sed istis quoque spiritus humanus, augustæ Sapientiæ inexpugnabilibus & invictis armis instructus, viriliter sese opponit. Quibus igitur laudibus satis efferri possit ille, qui primus Philosophiæ principia & præcepta nobis tradidit? imo qua ratione tam profunde spiritus humanus etiam ad mundi & naturæ cor & intima penetralia talium miraculorum inquisitione penetrare potuit? *Ille certe, qui primus astra tam benevola & prona habuit, ut per experientiam ratione suffultam alta hæc & occulta mysteria animo comprehendere potuerit, Dei certe aliquis filius, aut Deus aliquis ipse fuit.*

Hac occasione venerabilis antiquitas persuadere nobis voluit, *Apollinem inventorem fuisse Medicinæ, eamque filio suo Æsculapio in hereditatem reliquisse*, tanquam rem pretiosissimam, & strictè vetuisse, ne secreta illa divulgaret sub pœna castigationis, quæ impiis & sacrilegis infligatur. Tandem quicumque gustaverit, amplexus fuerit, & possederit divinum istum Philosophiæ fructum, virum referet in summitate montis inaccessibilis constitutum, & inde reliquos mortales inanibus & puerilibus rebus occupatos aspectantem; qui ea de causa nobilis sui intellectus oculos facile satiare, & radios



dios eorum super conceptiones etiam clarissimorum vulgarium virorum extendere & elevare poterit. Scientiæ enim populares & communes ventrem saginant, & simpliciter circa corticem insipidum & vanam rerum superficiem repunt. *Vera autem Philosophia*, quæ & proprie ipsa *Indorum Gymnosophia*, *Ægyptiorum Magia*, & *Judeorum Cabala* est, ad intimas usque medullas penetrat, nec ullam particulam compositionis corporum relinquit, quam perfecte non examinet. Atque si eam in æquilibrium cum scholastica illa vulgari apponere velimus, tantam in pondere inæqualitatem inveniemus, quanta est inter pumicem & plumbum. Ambulat enim hæc per dubiorum perpetuorum tenebras, solo conjecturarum baculo palrans. Id quod etiam magis expertos in errorem duxit, dum veram & planam naturæ viam reliquerunt, & pulcherrimæ nostræ Ariadnes filo destituti in avia hujus labyrinthi prolapsi sunt. Eadem etiam de causa Medicina ordinaria contra morbos fixos & rebelles parum virium habet, si cum Spagiria conferatur, non quod doctissimis careat Professoribus, sed quia fundamentum ejus in centro rerum non subsistit, sed tantum in sola superficie. Exempli gratia, quando decoctæ radicum siccarum avenæ ad Calculi dolores leniendos utuntur, (in quibus alioquin, ut ex doctissimi *Pene* praxi & applicatione observavi, admodum conferunt,) atque ex hoc simplici illud non

non extrahunt, quod tanti effectus causa est, quod tamen artificiose extractum & præparatum, in parva quantitate sumptum, perfecte Calculum curare posset, cum decoctum tantum doloris lenitivum sit, nec observant illud vulgare axioma, *contrarium suo contrario curari debere.*

Calculus enim in corpore mediante Sale, unico coagulatore, induratus, beneficio etiam Salis individuorum, a cæli influentia propriam & particularem efficaciam contra hoc malum habentium, curari debet. Et tunc vere contrarium suo contrario curatur, quamvis Sal applicetur contra morbum aliquem a Sale proventientem, quæ duo quidem familia sunt, effectus autem differentes habent: Oleum enim Salis omnes lapides dissolvit, quos Sal induravit, sicut una vis contrariam vim cedere cogit. Eadem plane ratione ac videmus eos experiri, qui manum vel digitum combusserunt; membrum enim læsum igni proxime adhibent, quantum ferre possunt, & quidem tamdiu donec a majori calore minor dissiptetur, & dolor cesset. Tandem etiam quod Phisici vulgares contra hæc remedia, nova ab ipsis appellata, afferunt, est, quod controrsiva illa dicant, atque ideo perniciosissima pro interno usu. Quod quidem illis concederem facile, si sola & in quantitate excessiva sumerentur. Illi autem, qui uti & recte ea applicare norunt, tales discursus non sine ratione rident.

**Autoris**

# Autoris Carmen in libri conclusionem.

*Qui cherche donc l'honneur, la gloire, & l'heur du monde,*

*Soit Philosophe artiste, & il en jouira;*

*Car la Philosophie en fin le conduira*

*Au sommet des tresors, dont la nature abonde,  
De luy la nuit d'erreur, pu vainement se fonde*

*L'aveugle opinion elle dissipera,*

*Et de la verité le jour e claircira,*

*La tirant hors du sein de la machine ronde.*

*Quand Jason eut conquis ce bien tant desiré*

*Qui par l'experiment le rendit assure*

*De vivre riche & sain plus qu'il n'eut osé croire:*

*Dedaignant la misere, & bravant le trespas,*

*Egal aux dimidioux ne possedoit-il pas*

*Du monde universel l'heur, l'honneur & la gloire.*

**Hos gallicos Autoris rhythmos ὡς ὅτε  
ἑμῶς imitari placuit, cum exhortatione ad  
studium Chemiæ alacriter sub-  
eundum.**

*Illi igitur quicumque volunt, ut gloria mundi,*

*Atque honor & semper constans fortuna perennes*

*Sint comites, crebro libros & scripta Sophorum*

*Excutiant, post hac vestigia fida laborum*

*Seculentur, secumque habitet Sapientia cumans.*

*Haud dubii hinc magnos quin possint carpere fructus.*

*Cultores ea namque suos deducet ad arcem,*

*Dives ubi largis, in duros provida casus,*

*Congessit manibus mater nauum repositos*

*Thesauros,*

*Thesauros, ubi divitias stipavit opimas,  
 Ut sibi devotis possit succurrere gnatis.  
 Quod si etiam gliscat vel noxius ingruat error,  
 Qualem saepe parit dementis opinio vulgi,  
 Praeferet illa facem, tenebrasque fugabit obortas,  
 Monstrabit fraudes, & fucum lumine veri.  
 Deteget, ut ceca dubitans revocetur ab umbra.  
 Sed tamen his majus, longe & pretiosius auro  
 Discipulis donum Sophiae labor aureus offert,  
 Ut mens nempe diu mortali in corpore sano  
 Sana habitare queat, nullis obnoxia morbis,  
 Donec pallida mors, & inevitabilis instet  
 Terminus, humana qui non superatur ab arte.  
 Diffice nunc lector, fictis quid ponderis infit  
 Momorum causis, false dum Chemica rident  
 Principia, & sophice deducta exordia rerum;  
 Unde tamen manant bona, quae nil majus in orbe  
 est,*

*Firma valetudo, constans fortuna, perennis  
 Gloria, divitiae bene partae, tarda senectus,  
 Atque his conveniens aequa prudentia mentis.  
 His certe impulsus stimulis illustris Iason  
 Semideum soboles, nec forti heroibus ausu  
 Inferior, retulit ditissima premia. Namque  
 Equore Bebrycio, maris Euxinique procellis  
 Caucasique vadis, & lati Phasidos undis  
 Fortiter emensis, contemptis denique monstris  
 Ignivomis felix ad Colchidis appulit urbes,  
 Vxorisque opera Medea vellere rapto  
 Auricomae, tandem per summa pericula sanus  
 Ad patriam rediit magno cum senore sedes,*

*Felix*

*Felix divitiis & firmo flore juventa.*

*Vos etiam divina anima, quas vivida virtus  
Cogit ad obsequium Sœphie, quas gloria mundi  
Et constans fortuna suas invitat ad ans;  
Vos inquam, virtute sua generosus Iason  
Excitet, ut duros discatis ferre labores,  
Optatam donec detur contingere metam.  
Difficile & primo quamvis appareat esse  
Vestrum opus, inceptos tantum ne sistite gressus.  
Ite alacres, etenim sæcundi copia cornu  
Muis Amalthea vestros comitabitur ausus,  
Cœlitus ut vobis concessso jure queatis  
Suaviter in Domino & rebus gaudere secundis.*

FINIS.

